

**DELICIAE
REGUM PANIS
EUCHARISTICU
S, COMMUNI
FIDELIUM...**

Johann Hermanni



NAZIONALE

BIBLIOTECA

204

11 A

35

ROMA

CENTRALE V. E. II

204.11.A.35

204. 11. A. 35

DELICIAE REGVM
PANIS
EVCHARISTICVS,
Communi Fidelium Vtui
E CHRISTI ET ECCLESIAE
S E N S V

Sanctè ac Salubriter

FREQVENTANDVS
PROPONITVR.

A Patre Ioanne Hermann
Societatis IESV.



Romæ, Typis Varesij. 1671.
Superiorum Permissu.

LIBRARY

PAIS

CONSTITUTIONS

INSTITUTIONS

ET COLLECTES

1852

LIBRARY

RECEIVED



LIBRARY

LIBRARY



LIBRARY

³
ILLVSTR. MO CELSISSIMO
P R I N C I P I
AC REV. MO DOMINO
D. A N D R E A E
T R Z E B I C K I

Dei & Apostol. Sedis Gratia
EPISCOPO CRACOVIENSI,
DVCI SEVERIÆ, &c.
Domino & Patrono Colendiss.

Ill.^{me} Cels.^{me} PRINCEPS.

DElicias Regum, quas hic
affero, quia de Pane
sunt Eucharistico; San-
ctiores esse oportuit, quam ut
obuio cuique primum defer-
rentis vel profano, ante om-
nes alios, delibarentur sensu.

A 2

Sa-

Sacrationem itaque iure suo
 exposcunt mentem ac manum,
 qua tractentur, quam expleant.
 Vtrumque in Tua Celsitudine,
 Principe & Antistite, abundè
 habituræ. Celsitudinis Tuæ
 proinde ambitiosè subeunt
 dexteram, beneuolum veniunt
 exploraturæ gustum. Quem
 si quidem pro suo voto me-
 rebuntur illæ; Celsitudo Tua
 perbenignè quoque præsen-
 tes, vt auguror, admit-
 tet pagellas. quas Ego, & de-
 bitæ pridem obseruantia meæ
 recens in argumentum, & no-
 uæ obligationis titulo, Cel.
 Tuæ fero inscriboque Vesti-
 gales. Et verò, dum in Regia
 Cracouiensi tuæque Pastoralis
 curæ subiecta Vrbe, ad Re-
 giam Sanctorum Petri, & Pau-
 li

iiij Societatis nostræ Basilicam,
felicissimis Tuæ Celsit. sub
auspicijs, Magnificum eidem
Societati Nostræ assurgit Do-
micilium : Socios quidem
aliàs vniuersos , vel maximè
tamen Celsitudini Tuæ ob-
strictos fatemur eos ; qui præ-
clare cæpti Operis, iucūdi spe-
ctatores, & Munificentix Cel-
situdinis Tuæ ad hæc fructuo-
sè vixere participes . Quos
inter , vt me ipsum studiosè
connumeratum velim ; ita
Beneficum Fundatoris Nomen,
continuo beneficiorum illap-
su altius impressum animo,
memori quoque hac , Orbi
in Vrbe , loquor ac edico
pagina. Quam, dum vnà cum
prorogata in æuum , ac se-
cundis semper euentibus pro-

A 3 spe.

6

speræ Valetudinis Voto, Celsitudini Tuæ supplex porrigit ; benignè admitti postulat. Romæ 15. Aug. 1671.

Eiusdem Illustriss. Cels. Tuæ

Devotissimus Servus

Ioannes Hermannii Soc. Iesu.

7

IOANNES PAVLVS OLIVA
Præpositus Generalis Socie-
tatis I E S V .

CVM Opusculum, cui titulus:
Deliciæ Regum Panis Eu-
charisticus, à P. Ioanne Her-
manni nostræ Societatis Sa-
cerdote conscriptum aliquot
eiusdem Societatis Theologi
recognouerint, & in lucem edi-
posse probauerint, potestatem
facimus, vt typis mandetur, si
ita ijs, ad quos pertinet, vide-
bitur. Dat. Romæ 30. Iulij 1671.

Ioannes Paulus Olina.

Imprimatur, si videbitur Reue-
rendiss. P. M. S. P. Ap.

I. de Ang. Archiep. Urb. Vicesg.

Imprimatur,
Fr. Hyacinthus Libellus Sac. Pal.
Apost. Mag.

*Pinguis Panis eius, & præbebit
delicias Regibus Gen. 49.*

*Audite audientes me, & comedite
Bonum, & delectabitur in cras-
situdine Anima vestra. Inclina-
te aurem vestram, & venite
ad me. Audite, & viuet Anima
vestra. Isai. 55.*

*Festinate ergo Frequenter ad Eu-
charistiam, & gloriam Dei ac-
cedere. Quando enim hoc ip-
sum assidue agitur, expelluntur
potestates Sathanae. S. Ignat.
Mart. Epist. ad Ephes.*

PROLOQVIVM⁹.

Diviniſſimum Eucha-
 riſtiæ Sacramentū,
 Quod *a* Ambroſio 2 Sero
 teſte Reges, *b* Hie- 17 in
 ronymo Principes efficit, Pf. 118
 Delicias hic voco, vt guſtū circa
 faciam; Panem appello, med.
 vt Communem uſum illius b in
 ſuadeam. In utroque clare Iſa. 28
 ſecutus Scripturam, & Pa-
 tres. Vt hac ratione vel in
 ipſo libelli aditu inuenires
 quod famem acueret, quod-
 que ad frequentem Cæleſtis
 huius Epuli uſum Te mo-
 ueret. Et permoueret qui-
 dem non dubito, ſi prima
 ardentem fameſcentis Eccle-
 ſiæ viueremus ſæcula. Cæ-
 terum, quod alias frigidio-
 ris Temperamenti Homi-
 nibus euenire ſolet; vt vel

A 5

ob-

obtusius ad palati delicias
sensu easdem minus appe-
tant; vel impari ad gran-
dia sublimiaque animo, in
ijsdem pauide difficultates
& pericula metuant, quibus
deterrentur. Idipsum, refri-
gescenti in Charitate Mun-
do plane accidisse videas: vt
remissius, planeque frigi-
do ad Diuiniore gustus
sensu; eorundem appetitu
vel penitus non incalescat,
vel degeneri a sublimibus fi-
liorum Dei cogitationibus;
in Alto, sed Tuto Bonorum
omnium, pericula quæ-
rat, nec inuitus habeat, me-
tumq; passim faciat alijs, ipse
patiat. Age enim? ama-
bilissimo Dei Hominis ad
sefe liberaliter inuitantis
confortio, quid suauius, quid
tutius, quid beatius cogitari
possit? At ecce! vel iners.

Hæcidè nauseantis Animi
 tepor, vel friuola pusillo-
 rum terriculamenta, apud
 plerosque extorquent Euan-
 gelicum quidem, sed inur-
 banum illud: Excusatum,
 me habes, non possum veni-
 re. Non iam quia villam
 emi, aut paria boum. Sed
 quia nescio quæ præten-
 sa, superstitiosa. (vt cum Augu-
 stino loquar) timiditas, exag-
 geratum à frequentatione
 tam Salutaris Cibi periculū.
 Verum quod illud? Nul-
 lum iustum audio, meras
 umbras, & terriculamenta
 video. O Boni! Accedite
 & illuminabimini; gustate
 & videbitis; quoniam longe
 suauior multo sanior sensus
 Domini. Quem ego plu-
 ribus hoc loco expositum
 velim, eo fine; vt Nutan-
 tes solidet, pusillanimes.

Luc.

14.

Epist.

118.

Pl. 3 3e

confortet , frequentantes
confirmet, ac corroboret .
Omnibus frequentationem
Eucharistiæ, vt sanctam, ac
salubrem persuadeat, ad de-
siderium , ad vsum, ad deli-
cias . Fiat .

CAPVT I.

Frequens SS. Eucharistiae usus, Sanctus ac salubris statuitur, è CHRISTI sensu.

EXtra periculum Mali, prorsusque Bonum ac Sanctum sit oportet, id quod CHRISTI conforme est sensui vt fiat, fierique desiderat ipsa Essentialis Sanctitas.

At, de frequentatione SS. Eucharistiae Sacramenti, quis cognouit sensum Domini?

Iidem plane qui de Institutione, simul & de frequenti usu edocti, nobis eundem euulgarunt. Age fac inspiciamus Scripturas.

Ego

1. Cor.

II.

LHC.

22.

EGo enim accepi à Domi-
no, inquit Apostolus,
quod & tradidi vobis; quo-
niam Dominus IESVS in
qua nocte tradebatur accepit
panem, & gratias agens fre-
git, & dixit: Accipite, &
manducate. Hoc est Corpus
meum quod pro vobis trade-
tur: hoc facite in meam com-
memorationem.

D Th.

in 1.

Cor.

II

Lect 6.

En usum iniunctum: sed
& frequentationem usus, ad
Christi sensum ac mentem.
Peracto nimirum operoso
Redemptionis nostræ ne-
gotio, exantlatis pro salute
nostra laboribus, sanguine
fuso ac vita, victor ad Su-
peros rediturus, adeoque
visibilem sui præsentiam,
Charis suis quos in Mundo
relinquebat, olim subtrah-
rus.

rus, Inuisibilem se anticipato reliquit in Sacramento. Cuius Vsum esse voluit, non ad refectionem modo. sed etiam ad Memoriam, sui scilicet, & eorum quæ pro nobis gesserat. Memoriam faciens Mirabilium Pl. 110 suorum, escam dedit. Vsum igitur huius Panis desiderat, eumque simul ordinat in sui Memoriam.

Iugem ne, ac frequentem? an verò perraram aut vix yllam! dubitationi locus esse non potest: Nisi alicui dubia sint Parentum desideria id iure exigentium, vt cum vitam, ac hæreditatem dederint Filijs; hos, grata semper ac iugi viuere velint sui memoria. Vel incerta Amicorum Vota id postulantium, vt cum indiuiduis socientur animis, vnā

vnam eamque continuam,
reciprocent; Amoris ad in-
centium, memoriam.

Et æternus Dei Filius,
Parens simul nostri opti-
mus, pridie quam pateretur,
suaque morte mortem no-
stram destruendo, vitam
nobis repararet; Testamen-
tum in suo liberaliter pro
Nobis fuso condens san-
guine; non iugem sui, iure
exposcat Memoriam! Qui-
que diu multumque deside-
rio desiderauit hoc Pascha
manducare cum suis; non
ardenter desiderauerit, nos
sui huius desiderij diu mul-
tumque Memores? . Amicos
pridem nos edixerat suos
quorum vt alia communia;
ita, & communem voluerit
Memoriam: vt quemadmo-
dum ingenioso amore pro-
prio stimulari, nunquam
non

1. Cor.

11.

Luc.

22.

Luc.

12.

non memores Nostri viuimus ; ita & illius Nostrum omnium Amicissimi, non obliuisceremur vnquam . Et memoriam quidem iure debemus continuam illi ; cuius meditatio cordis, de salute ac redemptione nostra, in conspectu eius semper ; & merito exposcit is , qui ne nostri obliuisceretur vnquam , In manibus suis stylocлаuorum ferreo descripsit nos : *Vt impium sit* Ser. d. Coen. Dō. a.
Bernardo teste, hominem, tanta pietatis Dei esse immemorem . Cum amici morientis, vel peregrè proficiscentis commendatam sibi sub aliquo signo memoriam, nefas sit obliuisci .

Dicendo igitur : *Hon facite in mei commemorationem . Hoc egit , deditque operam ; vt frequenter ipsius*

Ms.

Memoriam faceremus. Proinde & frequenter manducaremus. Corpus, ac bibere-
mus sanguinem ipsius . hoc enim ipsum facere , hoc ipsum frequenter Accipere , & manducare ; est frequenter facere ipsius quam voluit, Commemorationem .

Licet autem etiam extra-
sumptionem Corporis , nos ipsius memores esse conuenit : Memoriam tamen hac via, & ratione : per ipsam, nimirum sumptionem sui Corporis a magis gloriosā; ita speciali expectat, sibi-
que vendicat gustu : sicut eam specialiter præscripsit, ac præcepit. Audi Trident.

a Cle
de Re
liq &
Ven.

Sess.

13^c 2.

Sacramentum hoc instituit, in quo Diuitias sui erga homines amoris velut effudit, memoriam faciens Mirabilium suorum . Et in illius sumptione colere nos sui memoriam

pre-

*præcepit, suamque annuntiare
mortem donec ipse ad iudi-
candum veniat.*

Per frequentem itaque
quam præcepit sui memo-
riam: Frequentationem sui
Corporis edocuit. Utque
proinde Sanctum ac saluta-
re, Dei & Christi frequen-
ter meminisse; ita sanctum
ac salutare, Corpus ipsius
frequenter Manducasse; ip-
sa sumptione vim Commem-
orationis obtinente. O-
ergo ut & Christi sensus,
& æquissimum est; frequen-
ter nos esse memores pluri-
morum quæ nostri causa
perpeßus est: ita & idem
sensus, & æquissimum fue-
rit; frequenter, non offerre
modo hoc diuinum Sacrifi-
cium, aut eidem assistere;
sed & huius SS. Sacramenti
participes nos fieri, ut me-
mo-

moria nostra recentior sit & viuacior, gratitudoque magis deuota; dum ei coniungimur, qui tantum bonum nobis per se ipsum confert. Signum fuerit, quod & ipsum Benefactorem, & eius beneficia minus æstimemus: nisi ea frequentia eo-que modo gratos nos exhibeamus, quo ipse postulat, ac meretur.

§. II.

Ioan. 6 **C**aro mea verè est Cibus, & Sanguis meus verè est potus.

Ne nudam assimilationem Carnis suæ ad cibum crederes; verè cibum esse edocet. Vt cum veritate simul intelligas: eam ex verò Corporis, & Sanguinis Christi habitudinem esse ad

ad Animam; quæ & Cibi
& potus veri, ad Corpus.
Nec proinde maiorem ex
vero indigentiam cibi ad
vitam Corporalem, quàm
sit Corporis Domini ad vi-
tam spirituales Animæ.

Nunc autem, cui non
quotidianus? cui non fre-
quens saltem, ordinarij Cibi
usus? Quis annua fame
vel inedia libens volensque
conficitur ac contabescit!
Absq; frequentatione cibi,
vita si penitus non amitti-
tur, certe ægre trahitur;
idque languida, debilis, &
infirmata. Vitam viuidentem
ac rigorosam, in homine
sano, Nutrimentum tribuit
frequentatum: hoc vires au-
get & confortat, roborat
solidat ac confirmat.

Caro Christi verè est Ci-
bus. Vitâ Animæ quæris? eâ
vix



vix speres absque Christi Corpore . Nisi manducaueritis inquit carnem Filij hominis , & biberitis eius Sanguinem , non habebitis vitam in vobis . Vt habeas;
Io. 6. manduces . Qui manducat me viuet propter me . Habitam, vt delectabiliter conserues, augeas, seu vt abundanter habeas ; Frequentatione cibi istius opus habes.
Io 10. Venit autem Christus , vt vitam habeant oues ipsius , & abundantius habeant . ac de vtroque sollicitus, vtrique misericorditer prouidit , Vitæ quidem, Corpus suum; Abundantiæ abundantiam , seu frequentationem eiusdem Corporis sui attribuēs. Sic tandem Caro ipsius verè Cibus , & verè Panis . Qui vsu suo Animam Spiritu Charitatis inbuit. Fre-
 quen-

quentatione accendit eoque
 prouehit, vt rerum diuina-
 rum suauitate animus com-
 motus, deuotè in Deum fe-
 ratur; ac serena semper con-
 scientiæ pace perfruens, vir-
 tutum officijs delectetur,
 vitia oderit, in bono con-
 stanter perseueret. Sensim
 labascunt vires, tepescit a-
 mor, spes languet, marce-
 scit fides; vbi quis obliui-
 scitur comedere Panem
 suum. Qui fit (inquit Pas-
 chasius) ad vitam, & firmi-
 tatem animi. Quam immi-
 nui necesse est, subtracta
 panis huius frequentia.
 Nec mirum. Cum enim
 in hoc mysterio præcipuum
 sit fomentum, imo funda-
 mentum Religionis nostræ: **Chryf.**
 si ex tepore vel fastidio ra- **hom.**
 rius vsurpetur, pronum est, **46. in**
Ioan,
 vt nutet fides quæ non ope-
 ra-

ratur Charitatem in eum, qui cum dilexisset suos, dilexit eos in finem, in summum, & consummationem Amoris sui quo ardebat ipse. Et cum Ignis sit, quid & frequenti communicatione sui præstare potest aliud; quam vt iugiter accendat appropinquantibus sibi, vt semper ardeant amore sui, ac cælestium; ardentisque ac inflammati dilatatiq; corde, currant & non deficient, de virtute in virtutem procedant vsque ad vitam æternam. Ad quam finaliter consequendam cū grandis labor ac via restet, nouis ac nouis in dies spiritibus; nouis ac nouis viribus opus est: noua proinde ac noua huius diuini Alimenti copia. Manna diuinissimi huius cibi figura,
 If-

Israel per totos 40. annos
 Quotidie refici eguit ne
 deficeret: Christianus quo-
 que in vitæ huius Peregri-
 natione, Pane hoc cælesti
 frequentato indigebit ad
 vitam; ad quam ceu finem,
 sumptionem sui Corporis
 Christus voluit ordinatam.

§. III.

H*ic est Panis de Cælo de-* **Io. 6.**
scendens; ut si quis ex
ipso manducauerit non mo-
riatur.

Corpori de quotidiano
 Pane ac alimento provide-
 tur, non tantum ad aug-
 mentum vitæ ac virium; sed
 etiam ad refectionem ac in-
 staurationem eorum, quæ
 per natium calorem con-
 sumpta ac deperdita sunt;
 sine qua restauratione, sen-

B

fin

sim imminuti ac deficientes, viribus linqueremur & vita, breui morituri . Sunt & Animæ sui Calores, nativæque ac adscititi; vtrique consumentes . Quotidianas ipsius exinde iacturas damnaque; tum ex Carnis concupiscentia aduersus spiritum, ac efferuescentia passionum ; tum ex frequenti languore lapsuque, colligere pronum est . Vnde nobis Refectio ? Vnde virum restauratio ? Panis de Cælo, Caro Christi , etiam hic verè est cibus . Ad huius frequentationem à Christo manuducimur ; Ab hac quotidianis iacturis reparatio, debilitatibus ac languoribus Medicina . Iurè merito à Veteribus, Infirmitatis quotidianæ remedium , appellata . Consistente Am-
bro-

brofio . Si quotiefcunque ,
 inquit , effunditur fanguis ,
 in remiffionem effunditur ,
 debeo illum femper recipe-
 re, vt femper mihi peccata
 dimittantur ; qui femper
 pecco, femper habere debeo
 Medicinam .

Quare is Cibus , ifte Pa-
 nis, non nutrimenti modo;
 fed & verè Medicinæ , à
 morbis & morte liberantis ,
 partes agit . Nec mirum .
 Siftit enim nobis præfen-
 tem Diuinum Medicum ,
 portantem , & fanantem ,
 omnia verbo virtutis fuæ ;
 dicit verbo, & fanatur Ani-
 ma . Iam , quis infirmus
 Corpore , frequentem Me-
 dici accessum non exoptat ?
 Et Fidelis , Corde & Spiri-
 tu frequenter languens, non
 defideret frequentem Chri-
 fti præfentiam ? qui in SS.

Matt.
21.

Eucharistia ad nos transit,
benefaciendo & sanando
omnes a languoribus suis.
Serò sensit, ac etiam post
lamentata est Bethania,
Medici huius (quem alioqui
sæpe apud se manentem
habere consueuerat) absen-
tiam. Qui si non abfuisset
diutius, Lazarus in languo-
rem lethalem non venisset,
mortuus non fuisset! Et
Christianus, quotidianis
pressus aut vexatus languor-
ibus; non accedet cum pos-
sit? non inferet se in con-
spectum ipsius cum affe-
ctuari Cordis Nuntio: Ec-
ce Domine quem amas in-
firmatur; veni, ingredi,
& sana Animam meam?
Morbis ac periculis expo-
situs est, qui se ab illo elon-
gat. Timendum est, ne diu
abstractus à Corpore Chri-
sti,

sti; alienus remaneat à salute, inquit Hilarius. Et verò cum sit Panis vitæ; ab illo multū ieiunans, aut recedens, nonne recedit à vita! Procul esse vis à grauiori morbo mortisque periculo? prout hæc frequentia occurrunt, ita frequenter accurre ad vitam. Hic est panis de Cælo descendens, vt si quis ex ipso manducauerit non moriatur.

Panem hunc dum peten- **Luc.ii**
 dum à Patre Cælesti, nobis præscripsit Filius; putasne Petitionem illam, Vnam ex septem, fortuito positam, esse inter ea, quæ à Deo nobis conferri poscimus Quotidie! Vel inde sensum Domini, ad frequentem SS. Sacramenti vsum, nos inducentis, condiscemus. Age enim. Reliquis

illis omnibus quæ in oratione dominica nobis bona à Deo poscimus , nonne quotidie vel certè frequenter in vita nostra opus habemus ? Ita certè . Idem igitur iudicium fuerit & de Pane super substantiali, à Patre Cælesti inter alia orando . Et verò , vt præcedentia in oratione Dominica taceam . Debita nobis quotidie dimitti petimus: Quia frequenter labentes, remissione egemus. Quotidie medios inter hostes versantes, quotidie tentationibus impetiti, quotidie præseruatione egemus , eamque poscimus . Malis demum expositi innumeris, semper ab ijs egemus & oramus liberari . Quotidiana lucta spiritus multum imminuti , ardoribus exhausti , nouis
fimi-

similiter in dies egemus viribus . Et non similiter, frequenti saltem reficiemur Cibo ? . Christus petendum censuit Panem nostrum, Quotidianum; nobis, vt detur hodie: & quia petimus vt detur hodie seu Quotidie, desideramus quoque correlatiuum ipsius, Accipere quotidie . Nisi forte illusorie irreuerenterque petamus , vt detur nobis quotidie; quod quotidie accipere non velimus, nec parati simus accipere . O ergo si petis , vt petendum censuit Christus; petes quotidianum, vt tibi detur quotidie . Si sincere petis , vt detur quotidie ; cum in Mensa Altaris quotidie paratus sit ac expositus , cumque tam liberaliter inuitando Christus alliciat dicens .

B 4

Ac-

De
Sacr.
l. 5.

Accipite manducate; nonne frequenter ex Christi sensu accedendum, accipiendum concludes? Conclufit Ambrosius: *Si quotidianus est, inquit, Cur illum post annum accipis? . Accipe quotidie quod quotidie profit. Et quidem dicente Domino.*

§. IV.

Io. 6.

Q*ui manducat meam carnem, & bibit meum sanguinem, in me manet, & ego in illo.*

PROFIT ex Christi sensu ut verus Cibus, non solum ad vitam eamque abundantem, non solum ad languores & morbos depellendos; sed etiam ad vniendum te Christo, vniione in hac mortalitate maxima; qualis est alimenti ad alitum, in substantia-

stantiam transeuntis. Vnionem simul à Christo tantum desiderata; ut propter eam, desiderio desiderauerit hoc Pascha manducare cum Discipulis; (hoc est Chrysostomo teste) mysteria tradere, ut & ipse in illis, & illi manerent in ipso. Qui manducat meam Carnem in me manet, & ego in illo: *7. Cōf. 1. 10.*
Hos sibi iungit, inquit Augu- *Cyril.*
stinus, ac in se quodammodo *Hier.*
transmutat Divinaque Na- *Cath.*
turæ consortes facit. Ex ve- *4.*
ro communicatio Deifica a *a D. 6*
ac deificatio humanitatis no- *de Ec-*
stra. b *cl.*

PROSIT ad unionem Ecclesiae ac fidelium inter se. *c. 3.*
b Nyl
Vnus Panis unum Corpus *sen. in*
multi sumus ait Apostolus. *Cath.*
Vnionem tantopere exop- *c. 38.*
tatam à Christo; ut eam cum *1. Cor*
dilectione inuicem, & prae- *11.*

ceperit, & à Patre, Fidelibus
 suis dari ardentèr postula-
 uerit, vt sicut nos inquit
 vnum sumus, ita & illi
 vnum sint. Vnioni huic,
 tot inter morum diuersita-
 tes continuandæ seruandæque,
 non aliud aptius
 quam à frequētatione Diui-
 ni Panis remedium. Qui
 cum sit symbolum practi-
 cum Vnionis, quam signifi-
 cat; eam & efficiet in nobis:
 vt tanquam vnus corporis
 membra (inquit Trident.)
 in arctissima Fidei, Spei, &
 Charitatis connexionē ad-
 stricti, id ipsum omnes di-
 camus, & non sint inter nos

Tr. 27
 in Io.
 c. 6.

schismata. *Per hunc Pa-
 nem, facit Deus vnus modi
 habitare in domo;* inquit Au-
 gustinus.

PROSIT ad eam, quæ in
 hac mortalitate à nobis ha-
 be-

beri potest Beatitudinem; ortam ex dulci & amorosa cū Christo in domo nostra conuersatione, ac consuetudine continuata. *Quam*, dum nobis liberaliter impertiri dignatur, dum non per Gratiam modo, sed & per realem sui præsentiam nobis offert, expetit, emendicat; frequenter ad ostium nostrum stans, & pulsans: Aperi mihi. Præbe mihi Cor tuum. Deliciæ meæ esse cum filiis, &c. Quis erit ita sui pene oblitus ac im- memor? ita durus ac inurbanus? ut hospitium corporis & animæ ingredi ac frequentare volentem, repellat, de die in diem differat, penitus excludat. Et non potius, cum desiderio expectet, cum promptitudine aperiat, cum exultatione

Canti.

5.

Prou.

23. 6.

recipiat ac introducat, vberem hospitis sui mercedem habiturus illam : *Quotquot*

Io. 1.

cum receperunt , dedit eis potestatem Filios Dei fieri.

Diuerforium nostrum non ingreditur diues in omnia Dominus ; quin toties eximia gratiarum munera hospiti suo relinquat , partim pro Communionis officio ; partim, vt habitaculum sibi pro tenuitate in præsens paratum ; dignius pro vltiori exornet . Qui se ipsum toties dat , quomodo non toties omnia secum nobis donet ? . Audiemus toties Zacchæi eum recipientes : Hodie huic domui sa-

Luc. 19

lus à Deo facta est . Sicut enim indigna susceptio Sacramenti, semper, ac toties quoties noxia ; ita congrua, quantumuis crebra sumptio, sem-

semper salutaris, fructuosa,
ac viuifica.

Non enim Diuina hæc
alimonia, aliorum more
Ciborum, multo ac frequen-
ti vsu, indigestionem pati-
tur aut facit: Quia nec acti-
uitatem aliunde petit; sed
de se inuenit, qua & ipsum
manducantem in se conuer-
tat: *Non tu me mutabis in* **Cōf.**
te, sed tu mutaberis in me, **c. 4.**

inquit Augustini ore Chri-
stus, cuius virtus nunquam
languet, nec deficit. *De*
coquor cum immutor, di-
geror cum transformor,
unior cum informor, acti-
uitatem huius cibi in se
expertus. edicit Bernardus. **Ser. 71**

Sed nec fastidium parit, **in Cāt**
aut satietatem frequentatus.
Immo quo crebrius sumitur,
eo ardentius expetitur; ip-
soque illo, *Animæ vita* vt
fit

Eccl.
24.

fit robustior, ita gustus, frequentatione ipsius redditur suauior. Norunt experti, deuotè frequentantes, quam verum sit illud: Qui bibunt me adhuc sitient, qui edunt adhuc esurient. Vt experiamur & nos: Agite, venite, accipite, gustate, quam bonus quam suavis sit Dominus, his qui recto sunt corde. Quam bonum sit iugiter adhærere Deo! Videbitis, quàm & frequentata Caro Christi, sit ac fiat omnibus, salutare Dei.

CAP.

CAP. II.

Frequens SS. Eucharistia usus, sanctus ac salubris . ex sensu ECCLESIAE .

SI tantò quis remotior , ab errandi labendique periculo; quanto propius ad communem Ecclesiæ (quæ columna ac firmamentum est veritatis) , sensum accedit : Frequentem Sacrosanctæ Eucharistiæ usum, non è vero magis quam securo, sanctum ac saluberrimum, edicemus simul ac amplectemur.

Age verò: anteaactam sæculorum reuoluamus orbitam; atq; à primis ad vltimū, seriatim ac ordine descendamus.

Pri-

Prima quinque Æra Christianæ sæcula .

De Primitiua Apostolorum temporibus Ecclesia, quoniam sensu acceperit, tenueritque illud Christi: *Accipite, manducate. Hoc facite, &c.*

Act. 2. Praxi, vsuque suo clare contestata est. De quo **Act. 2.** *Erant autem perseverantes in Doctrina Apostolorum, & communicatione & fractione panis, & orationibus. Perseuerantia in fractione panis (per quem & Patrum sententia Eucharistiæ vsus hoc loco designatur) continuam, stabilemque fractionem innuit. Sed &*

1. Cor. 11, **1. Ccr. 11.** *Frequenter convenientes in vnum cum laudasset Apostolus: Laudo vos inquit. Modum, quod sci-*

scilicet non probando se
 ipsos, non dijudicando in-
 ter Corpus Domini & pa-
 nem simplicem, inconsultè
 accederent, reprehendit;
in hoc vos non laudo. Si-
 mul tamen, frequentem
 cum præuia Probationis sui
 præparatione communio-
 nem commendans: *Quo-
 tiescumque inquit manduca-
 bitis, mortem Domini an-
 nuntiabitis donec veniat*.
 Cum memoria mortis Do-
 mini, frequentem Vsum in-
 dicans.

Quem inter Fideles con-
 tinuasse; testes adsunt lucu-
 lenti.

Dionysius Areop. Is lib.
 de Eccles. Hierar. *Sumpta*
inquit, atq; demum Omnibus
tradita Communionem Diuinam,
Pontifex mysterijs finem im-
ponit. Mysteria autem fre-
 quen-

Vixit
 An. 71
 c. 3. p. 2

quenter celebrata clarum
est : proinde & frequenter
traditam omnibus Commu-
nionem. S. Ignatius Martyr
Epistola ad Ephesios : Fe-

Vixit
An. 71.
ad 100
fere
per-
tin-
gens.

stinate inquit ergo Frequen-
ter ad Eucharistiam & glo-
riam Dei accedere : quando
enim hoc ipsum assidue agi-
tur, expelluntur potestates Sa-
thanae; qui actus suos conuer-
tit in sagittas ignitas ad pec-
catum ..

Quo autem feruore , ac
frequentia cæpta est Com-
munio ; eadem fere pre-
hensa à Fidelibus sequentis
sæculi : Apposita etiam ,
pro tam Sanctæ Consuetu-
dinis firmamento, Ecclesiæ
interminatione, ac Edicto .
vt patet ex Epistola 2. Ana-
cleti Pap. in qua distincte
edicatur : Vt secundum
Apostolicas Sactiones, Om-
nes

Vixit
Ann.
103.

nes qui Sacrificio Missæ interessent, Eucharistiæ participes fierent. Clara sunt verba quæ leguntur De Consecr. dist. 2. cap. Episcopus. *Peracta inquit Consecratione, Omnes cōmunicent; qui noluerint Ecclesiasticis carere liminibus: sic enim & Apostoli statuerunt, & Sancta Romana tenet Ecclesia.* Quod Edictum, ea Sanctitate observatum est ac fervore: vt teste Iustino Vixit
M. in fine Apolog. 2. Sa- 150.
cris peractis, Eucharistia per Diaconos ad Fratres absentes, qui per impedimenta celebrationi sacrorum adesse non poterant, deferri consueuisset. *Consecrata inquit distribuuntur singulis, & absentibus mittuntur per Diaconos.*

Et haud dubie, in viridi
ob-

obferuantia fuerit, etiam
proximis abinde sæculis :
vt vix operæ pretium fuerit
decurrere singula. Nifi &
proximi Tertij sæculi sen-
fum, expreffis accipere ma-
limus, ex S. Carthaginensi
Antiftite Cypriano : *Hunc*

Vixit inquit *Panem* dari nobis quo-
tidie postulamus, ne qui in
Ser.in Christo sumus, & Eucharis-
or. Dō tiam Quotidie ad cibum sa-
lutis accipimus; intercedente
aliquo grauiori delicto, dum
abftenti & non communican-
tes, à celesti pane prohibe-
mur, à Christi Corpore sepa-
remur: dicente ipso & mo-
nente: Ego sum panis vite,
qui de Cælo descendi, si quis
ederit de hoc pane, viuet in
æternum. Quando ergo di-
cit in æternum viuere si quis
ederit de pane, vt manifestum
est eos viuere, qui Corpus eius

at-

attingunt, & Eucharistiam
 vitæ Communionis accipiunt;
 ita in contra timendum est,
 & orandum, ne dum quis
 abstentus separatur à Christi
 corpore, procul remaneat à
 salute, comminante ipso &
 dicente: Nisi ederitis car-
 nem filij hominis & biberitis
 eius sanguinem, non habebi-
 tis vitam in vobis. Et ideo
 Panem nostrum, idest Chri-
 stum dari nobis. Quotidie pe-
 timus; vt qui in Christo ma-
 nemus, & viuimus, à sancti-
 ficatione & Corpore eius non
 recedamus.

Hoc eodem sensu spi-
 rasse ac vixisse Ecclesiam
 quarti sæculi, palam est ex
 clarissimis illorum tempo-
 rum Ecclesiæ Luminibus.
 Hilario a Ambrosio, in. a Vixit
 Occidente. In Oriente Ba- 355.
 filio. Quorum Primus vt le-
 gi-

gitur de Consecr. dist. 1. So-
 los Excommunicatos à fre-
 quentatione huius Mysterij
 exclusos innuit. *Si non sunt*
inquit tanta peccata, ut ex-
communicetur quis; non se
debet à Medicina Corporis
& Sanguinis Domini separa-
re. Intellige à Medicina
 frequentata. Subdit enim
 causam propter quã. *Timen-*
dum est, ne diu abstentus à
Corpore Christi, alienus re-
maneat à salute. *Qui pec-*
care quieuerit, communicare
non desistat.

Vixit Ambrosij testimonia, plu-
 374. ra sunt, quam vt huc in ar-
 etum redigantur: sufficiat
De Sa. illud: *Dixi vobis inquit,*
 ex. l. 5. *quod ante verba Christi, id*
 c. 4. *quod offertur, panis dicatur;*
ubi Christi verba deprompta
fuerint, iam nō Panis dicitur,
sed Christi Corpus appella-
tur.

tur. Quare ergo in Oratione Dominica quæ postea sequitur, ait Panem nostrum. Panem quidem dixit substantialem. Non iste Panis est qui vadit in Corpus; sed ille panis vitæ æternæ, qui Animæ nostræ substantiam fulcit. Latinus hunc Panem Quotidianum dixit, quem Græci dicunt Aduenientem. Si Quotidianus est Panis, cur post annum illū sumis? quemadmodū Græci in Oriente facere consueverunt. Morē Latinum exprimendo adiicit: Accipe Quotidie quod Quotidie tibi prosit. Sic vine, ut merearis quotidie accipere. Qui nō meretur quotidie accipere nō meretur post annū recipere. Quomodo Iob sāctus, pro filijs suis offerebat quotidie sacrificiū; ne forte aliquid in corde vel in sermone peccas-

cassent. Et tu audis, quod quotiescunque offertur sacrificium; Mors Domini, Resurrectio Domini, eleuatio Domini significetur, & remissio peccatorum. Et panem istum vite non Quotidianum assumis? . Qui vulnus habet, Medicinam requirit; Vulnus est quia sub peccato sumus: Medicina est, celeste & venerabile Sacramentum. Panem nostrum Quotidianum da nobis hodie. Quotidie si accipis, Quotidie tibi hodie est. Si tibi hodie est Christus, tibi quotidie resurgit, &c.

Etsi autem in Oriente (vt meminit Ambrosius) in plerisque, sicut fides ac pietas; ita & desiderium Eucharistiæ intepuerat. Nilominus etiam inter frigidos illos, qui semel nonnisi in annum Communicabant; fer-

feruentioris paulò ac sanctioris vitæ Fideles, Mensam Domini sæpe frequentabant, æmulantes charismata meliora Occidentalis Ecclesiæ. Clarum est testimonium Basilij: *Singulis, (inquit ille) diebus communicare, & participare sancti Corporis, & Sanguinis Christi, Bonum est fructuosum est, cum ipse dixerit perspicuis verbis: Qui comederit carnem meam, & biberit sanguinem meum, vitam habet æternam. Iam verò quis dubitat, quin vitæ Frequentius participare, non sit aliud omnino, quam frequenter vivere. Quater igitur nos singulis septimanis Communicamus; Dominica die, feria quarta, in Parasceue, & Sabbato. sed & per dies etiam alios, si Martyris alicuius memoria*

Epist.
289. ad
Cæsar
Patr.
Vixit
370.

C

ce-

celebretur . De Alexandria & Ægypto ibidem diserte addit . Vnumquēque etiam de Plebe , vt plurimum domi suæ seruasse Communionem; eo fine; vt quotidie de illa fumeret . Sic Oriens, sic Occidens, in frequentanda sacra Communionem , inter feruidos magis ac deuotos , æuo illo fuit consentiens .

Sensus quoque ac Praxis Quinti sæculi, Primorū Ecclesiæ Doctorum claro stabilita Testimonio . Omni exceptione maiores, Hieronymus, Augustinus, Chrysostomus . Quid autem hi , de frequenti ysu SS. Sacramenti ?

Fac audiamus Hieronymum : *Scio inquit Romæ hanc esse consuetudinem , vt Fideles semper Christi Corpus*

pus

pus accipiant; quod nec re- **Vixit**
 prehendo, nec probo. *Vnus* **adhuc**
 quisque enim in suo sensu **Ann.**
 abundet. Sed ipsorum con- **420.**
 scientiam conuenio, qui eo- **Apol.**
 dem die post coitum commu- **pro**
 nicant; & iuxta Persium, no- **lib.cō**
 ctum flumine purgant. **tra**
 Quare ad Martyres ire non au- **Iouin;**
 dent? quare non ingrediun-
 tur Ecclesias? an alius in
 publico, alius in domo Chri-
 stus est? Quod in Ecclesia
 non licet, nec domi licet. Ni-
 hil Deo clausum est, & tene-
 brae quoque lucent apud eum.
 Probet se unusquisque, &
 sic ad Corpus Christi accedat:
 Non quod dilata Communionis
 unus dies, aut biduum,
 sanctiorem efficiat Christia-
 num; ut quod hodie non me-
 rui, cras vel perendie me-
 rear: sed quod, dum doleo
 me non communicasse Cor-

pori Christi, abstineã me paulisper ab uxoris amplexu; ut amori coniugis, amorem Christi præferam.

Epist.
28.

Clarius pene, ad Lucinium: De Sabbato inquit quod quæris; Vtrum ieiunandum sit? Et de Eucharistia. An accipienda quotidie? Quod Romanæ Ecclesiæ, & Hispaniæ observare perhibentur. scripsit quidẽ Hypolitus vir disertissimus, & carptim diuersi Scriptores è varijs Auctõribus edidere. Sed ego te breuiter illud admonendum puto: Traditiones Ecclesiasticas, præsertim quæ fidei non officiant ita observandas, ut à Maioribus traditæ sunt; Nec aliorum consuetudinem, aliorum contrario more subuerti. Atque utinam omni tempore ieiunare possemus? &c. Euchar-

ri-

ristiam quoque absque condemnatione nostri, & pun-
gente conscientia, semper as-
cipere ! & Psalmistam au- **Ps 33:**
dire dicentem : Gustate &
videte quam suavis est Do-
minus . Nec hoc dico , quod
Dominicis diebus ieiunan-
dum putem , &c. Sed una-
quæque Provincia abundet in
suo sensu ; & præcepta Maio-
rum , leges Apostolicas arbi-
tretur . Ex quibus patet , &
Praxis Ecclesiæ , potissi-
mum Occidentalis ; & sen-
sus Doctoris . Qui , etiam si
Incontinentibus eo die
Communione vetare vi-
deatur : Laudabilem tamen
illum S. Romanæ Ecclesiæ,
Quotidie Communicandi
usum , ita non reprehendit
in ijs, qui probati accedunt ;
ut eundem suo suffragio
probatum eat ; Quia opta-

bilem . Vtinam inquit omni tempore, vtinam semper Eucharistiam accipere possemus ! Desiderium Hieronymi pium ac sanctum fuisse quis dubitet ? igitur & obiectum seu rem desideratam . Maximè , cum id sine damnatione , & pungente conscientia, frequenter à plerisque fieri potuisse non negauerit . Immo praxi sua , frequentantibus præiuerit . *Itaque nobis (inquit) licet , vel ieiunare semper , vel semper orare ; & diem Dominicam accepto Domini Corpore , indefinenter celebrare gaudentibus .*

**In Ep.
ad Gal
4.**

**Vixit
420.**

Mentem Augustini vel eo libentius accipies , quod (contra quam plerisque persuasum sit) Frequenti Eucharistiæ V sui suffragetur . Verbis Magistri sui in fide

Am-

Ambrosij, sensum suum lo-
quitur : Si *Quotidianus* in-
quit, est *Panis* ; cur post an-
num illum sumis ? Accipe in ap-
quotidie, quod quotidie tibi
profit. Sic vive ut merearis
quotidie accipere, qui non
meretur quotidie accipere,
non meretur post annum acci-
pere. Et alibi. *Intelligitur*
hoc etiam valde bene : Pa-
nem nostrum *Quotidianum*
da nobis hodie, *Eucharistiam*
tuam, *Quotidianum* cibum.
Norunt enim *Fideles* quid
accipiant, & quam bonum
est eis accipere *Panem*. *Quo-*
tidianum, huic tempori ne-
cessarium. Pro se rogant, ut
bona faciant, ut in bonitate
& fide, & bona vita perse-
uerent. Hoc orant, hoc op-
tant : quia qui non perseue-
rant in bona vita, separabun-
tur ab illo pane. Ergo *Panem*

Ser. 38

de Ver

Dō to

in ap-

Pen. 5.

50.

Hom.

ho 41.

nostrum Quotidianum da nobis hodie, quid est? Sic uiuamus, ut ab Altari tuo non separemur.

Epist.
118.

Praxim autem Ecclesiæ, Augustini temporibus fuisse eam, ut plerique Fideles etiam Quotidie communicarēt; arguere licet ex eiusdem Epistola ad Ianuarium. Quam hic pluribus referre placuit: eò quod ex proposito super Frequentem Communionem scripta; & vsum Aliorum, & sensum Augustini plenius explicet: sic igitur ille:

Quæ per loca terrarum regionesque variantur, sicut & quod alij ieiunant Sabbato, alij vero non. Alij quotidie communicant Corpori, & Sanguini dominico; alij certis diebus accipiunt. Alibi nullus diès intermittitur quo non

non offeratur, alibi Sabbato
 tantum & Dominico, alibi
 tantum Dominico, & si quid
 aliud huiusmodi animaduerti
 potest. Totum hoc genus re-
 rum, Liberas habet observa-
 tiones. Nec disciplina ulla
 in his est melior grani pru-
 dentique Christiano, quam ut
 eo modo agat, quo agere vi-
 detur Ecclesia, ad quam eni-
 que forte deuenierit. Quod
 enim neque contra fidem,
 neque contra bonos mores
 conuincitur, indifferenter est
 habendum; & pro eorum,
 inter quos uiuitur Societate,
 seruandum, &c. Sensi enim
 saepe dolens & gemens; mul-
 tas infirmorum perturbatio-
 nes fieri, per quorundam
 Fratrum contentiosam obsti-
 nationem, vel superstitiosam
 timiditatem: qui in rebus
 huiusmodi, quae nec scripturae

sanctæ auctoritate, neque vniuersalis Ecclesiæ Traditione, neque vitæ corrigendæ utilitate ad certum terminum possunt peruenire (tantum quia subest qualiscunque ratiocinatio cogitantis, aut quia in sua Patria sic ipse consuevit, aut quia ibi vidit, ubi peregrinationem suam quo remotiorem à suis, eo doctiorem putat) tam litigiosas excitant quæstiones. Vt nisi quod ipsi faciunt, nihil rectum existiment. Dixerit aliquis, non Quotidie accipiendam Eucharistiam. Quæsieris quare? Quoniam inquit eligendi sunt dies, quibus purius homo continentiusque viuat, quoad tantum Sacramentū dignius accedat. Qui enim manducauerit indigne, iudicium sibi manducat & bibit. Alius contra, Immo in-

1. Cor.

11.

inquit si tanta est plaga peccati atque impetus, ut medicamenta talia differenda sint, auctoritate Antistitis debet quisque ab Altario remoueri ad agendam pœnitentiam, & eadem auctoritate reconciliari. Hoc est enim indigne accipere, si eo tempore accipias, quo deberes agere pœnitentiam; non ut arbitrio suo cum libet, vel auferat se Communioni, vel reddat. Ceterum si peccata tanta non sint, ut excommunicandus quibusdam homo iudicetur; non se debet à Quotidiana Medicina dominici Corporis separare.

Rectius inter eos fortasse quispiam dirimit litem, qui monet; ut præcipue in Christi pace permaneant. Faciat autem unusquisque, quod secundum fidem suam pie cre-

dit faciendum . Neuter enim
 eorum exhonorat Corpus &
 Sanguinem Domini ; si salu-
 berrimum Sacramentum cer-
 tatim honorare contendunt .
 Neque enim litigarunt inter
Luc. 19 se, aut quisquam se alteri præ-
Mat. 8. posuit, Zacchæus & ille Cen-
 turio : Cum alter eorum
 gaudens in domum suam su-
 scipit Dominum ; alter dixe-
 rit : Non sum dignus, ut in-
 tres sub tectum meum . Am-
 bo Salvatorem honorificantes,
 diverso , & quasi contrario
 modo : ambo peccatis miseri,
 ambo misericordiam consecu-
 ti . Valet etiam ad hanc si-
 militudinem ; quod in primo
 Populo , unicuique Manna
 secundum propriam volun-
 tatem, in ore sapiebat . Sic in
 ore cuiusque Christiani Sa-
 cramentum illud , quomodo
 sumatur, æstimandum . Nam
 &

*& ille honorando, non aude-
 quotidie sumere; & ille ho-
 norando, non aude-ullo die
 præterire. Contemptum so-
 lum non vult cibus ille; sicut
 Manna fastidium. Inde enim
 & Apostolus indigne dicit ac-
 ceptum ab eis, qui hoc non
 discernebant à cæteris Cibus,
 veneratione singulariter de-
 bita.*

Constat ex his: Augusti-
 ni temporibus, Quotidia-
 num vsum SS. Sacramenti
 inter Fideles viguisse, ac
 inde enatam difficultatem,
 Augustino propositam. Ad
 quam (vt patuit) ita respon-
 det; vt præciso Contemptu,
 sine omni nota in libertate
 cuiusque relinquat, Commu-
 nicare Quotidie, vel aliqui-
 bus diebus abstinere; prout
 quisque secundum fidem
 suam Pie credit faciendum.
 Per-

Item
 Tr. 26
 in Io.
 e. 6.

Permitti autem vix potest aliquid, tanquam pie faciendum; nisi pie ac laudabiliter fieri posse iudicetur. Pie igitur ac laudabiliter, Quotidie Communicari posse, censuit Augustinus. Immo suasit Eucharistiam vt Cibus quotidianum; præpondiumque sensus sui, in Frequentem Vsum ipsius, satis aperuit citatis primo verbis, ac citandis aliis.

De Ec-
cl dog
c. 53.

Vt vel exinde conijcias; sententiam illam, quæ sub nomine Augustini citari solet docentis: *Quotidie Eucharistiæ communionem percipere, nec laudo nec reprehendo. Omnibus tamen diebus dominicis communicandum suadeo & hortor; si tamen mens sine affectu peccandi sit: nam habentem adhuc voluntatem peccandi*

gra-

grauari magis dico Eucharistiae perceptione, quam purificari.

Hanc ipsam inquam sententiam, vel non esse Augustini, sed Alcuini (vt gra-
uissimi alioqui censuerunt Scriptores.) Vel illud: *Nec laudo nec reprehendo*, explicandum; vt sit idem: Apud Bellar-
de
Scrip-
Eccles
ad an-
410.

Quod permitti cuique liberum vt faciat; quod secundum fidem suam pie credit faciendum. Vel demum.

Vt vt de Quotidiano vsu Eucharistiae sonet illud: *Nec laudo nec reprehendo*. Frequentem nihilominus, quia singulis Dominicis Communionem, vt sanctam ac laudabilem, plurimum ab eo commendatam.

Nec Augustinus igitur, nec vllus SS. PP. Doctorum Ecclesiae, Frequentationem reprobauerit. His
pro-

proinde Omnibus maior sit oportet, qui quod permittunt, non reprehendunt illi; ipse de suo sensu prohibere, reprehendere præsumit; accensendus illis (de quibus supra Augustinus):

Qui nihil rectum existimant, nisi quod ipsi faciunt. Hæc pro sensu ac Praxi Occidentalis Ecclesiæ.

Orientalis mentem huius sæculi si requiras? Non aliā fuisse intelliges, quam quod frequentem Communionē, ut sanctam ac salutarem censuerit. Quidquid interim Praxis Tepidorum re-

Vixit
497.
Orat.
de B.
Philog
ante
finem
To.3.
missior obtinuerit. Contra quem intonans Chrysostomus: *Nunc autem (inquit) multi Christianorum, in tantam vecordiam tantumque finem venere contemptum; ut cum innumeris scateant malis nul-*

nul-

nullam tamen vitæ suæ cu-
 ram habeant; sed in diebus
 Festis negligenter ac temere
 ad Mensam Domini acce-
 dant. Non intelligentes, quod
 Communionis Tempus non
 est Festum, nec Celebritas;
 Sed conscientia pura, vitæque
 à peccatis purgata. Quem-
 admodum enim, qui sibi nul-
 lius mali est conscius, hunc
 Oportet singulis diebus ac-
 cedere: Sic qui peccatis oc-
 cupatus est, neque pœnitet; ei
 nec in Festis accedere tutum
 est. Atque ad Quotidianum Hō. 6.
 vsum exhortans: In alijs ad
 quidem temporibus cum Puri Pop.
 frequenter sitis, non accedi-
 tis; in Pascha vero, licet sit
 aliquid à vobis patratum, ac-
 ceditis. O consuetudinem, ò
 presumptionem! Sacrificium
 frustra quotidianum? in cas-
 sum assistimus Altari? Nul-
 lus

lus qui communicetur? Hæc,
 non ut temere communice-
 mini dico, sed ut vos dignos
 reddatis. Non es hostia di-
 gnus vel communione; igitur
 nec Oratione. Adstantem au-
 dis Præconem atque dicen-
 tem: Quotquot estis in pœ-
 nitentia, omnes orate. Qui-
 cunque non participes fiunt,
 in pœnitentia sunt. Quid
 stas si es in pœnitentia? Su-
 mere non debes. qui namque
 non communicat, est ex pœni-
 tentibus. Cur itaque dicit:
 Abite qui non potestis orare?
 Tu vero stas impudens. At
 ex his non es, sed ex his qui
 possunt esse participes; &
 nihil curas? aut magnum o-
 pus censes? Considera quæ-
 so, mensa Regalis est apposi-
 ta, Angeli Mensæ ministran-
 tes, ipse Rex adest, & tu stas
 oscitans? SorDESCUNT tibi ve-
 sti-

stimenta, & nihil est tibi curæ? At pura sunt; Igitur adora & communica. Indignus sum inquis. Igitur & illa, quæ per preces fit, communione.

*Festis igitur diebus communicabant Orientales. Frequentius ut idipsum agerent; en quam comiter stimulat os Aureum: Incassum assistimus Altari? Sacrificium frustra. Quotidianum? Nullus qui communice-
tur? Dulciter queritur ac optat, ut quoties puri adsunt, toties communice-*

*Media quinque Æræ
Christianæ sæcula.*

CVM Hieronymi ac Augustini supra testimonio, Ecclesiæ Romanæ sancta ac laudabilis consuetudo tulerit; vt Fideles communicarent quotidie, vel frequenter. Eandem à suo feruore aut sensu, circa Frequentationem huius mysterij, non descuiisse posteriori sæculo, certum sit.

Obijt

604.

Habe- Accedente potissimum oraculo Gregorij Magni, qui tur de è sexto, ad sæculum septi-
Cōsec- mum pertingens: *Proui-*
dist. 2. *dens inquit Dominus, dedit*
cap. *nobis hoc Sacramentum salu-*
Quid *fit Sā-tis, vt quia quotidie pecca-*
guis. mus. & ille iam mori non

non

non potest; per illud Sacramentum, peccatorum remissionem consequamur. Quotidie enim comeditur & bibitur in veritate, sed integer & viuus atque immaculatus manet.

Octauī sensum pronum est conijcere ex Vener. Be- **Vixit**
 da. Qui in simili (quo Au- **731,**
 gustini tempore) Fidelium **In Ep.**
 æui sui, super Quotidiana **1. ad**
 Communionē disceptatio- **Cor. II**
 ne, totum Augustini reas-
 sumens consilium; eiusdem
 Epistolæ 118. verbis, litem
 componit ac moderatur.
 Frequentiæque fauens: *Vi-*
detē inquit Fratres. Quia
si separemini qui Fideles
estis à Corpore Domini, ti-
metendum est; ne fame mo-
riamini. Si autem accipiat
indigne & bibatis indigne,
metuendum est; ne iudicium
 man-

manducetis & bibatis . Angustie vobis magnæ undique . Bene vivite & dilatabuntur angustia . & non potestis bene vivere nisi ille adiuvet , nisi ille dederit , nisi ille donaverit . Inde orate , Manducate . Orate , & ab his angustijs liberabimini . Implebit enim vos , & in bene agendo , & in bene vivendo . Ad eandem accendit Damascenus .

Vixit

741.

Ortho

Fid. l. 4

c 14.

Ardenti inquit cupiditate ad eum adeamus ; manibusque in formam Crucis compositis , Crucifixi Corpus suscipiamus ; atque oculis ac labijs & frontibus impositis , Divini carbonis participes efficiamur . Ut ignis desiderij in nobis insiti , assumpta ea quæ ex carbone oritur inflammatione , peccata nostra exurat , ac pectora nostra collustrer ; demusque operam ,
ut

ut per diuini ignis perceptionem inardescamus, *Dijque efficiamur. Corpus & Sanguis Christi est, ad animæ & corporis nostri incolumitatem tendens, quod nec consumitur nec corrumpitur; verum ad nostram substantiam & conseruationem tendit, atq; omne incommodum propulsat; eamque vim habet, ut omnem spurcitiam abstergat, omnes morbos immittasque calamitates purget. Quæ illicia ad frequenter accedendum; Corporis & Animæ incolumitas, &c.*

Nonum sæculum quid censuerit? edicit Haymo. **Vixit 850.**
 Petitionem illam à Christo præscriptam: Panem nostrum quotidianum da nobis hodie; ex sensu & mente Patrum priorum sæculorum, de Quotidiano vsu
 Eu-

Eucharistiæ assumens: *Hoc*

Ser de *oramus, ait, ut quia sine pec-*

Orat. *cato esse non possumus, sic*

Dom. *nobis vitam præsentem tri-*

buat sine crimine transire; ut

ab Eucharistiæ perceptione

non separemur. Crimen,

graue delictum intelligens;

quo sine, Mensæ Eucharisti-

sticæ vnitos assiduosque, nec

ab ea multum remotos se-

paratosque sui sæculi Fide-

les innuit; aut non remo-

uendos, nec separandos

Vixit *censuit. Luculentius idip-*

890. *sum Remigius Antifiodo-*

De ce *rensis: Sunt tales inquit qui*

lebr. *non possunt quotidie commu-*

Miss, *nicare, aliqua discordia con-*

tra proximum commaculati.

E contra sunt tales, qui Quo-

tidie possunt communicare.

Illis conuenit quod dominus

dixit Zacchæo: Hodie in do-

mo tua oportet me manere:



& quod suscepit eum gaudens
 in domum suam . Quia illi
 tales , cum gaudio debent
 Corpus & Sanguinem Do-
 mini sumere . Illi vero qui
 Quotidie communicare non
 possunt , dicere cum Centu-
 rione : Domine non sum di-
 gnus . Suffragatur Pascha-
 sius Abbas : Ecce Omnes in-
 quit indifferenter , quàm sæpe
 Sacramenta Altaris percipi-
 mus . Et infra . Idem Pa-
 nis Christus, qui de Cælo de-
 scendit, in hoc Mysterio acci-
 pitur ; sicut & Caro, quæ in
 Cruce pependit ; Cum inte-
 ger deinceps Christus perse-
 neret, licet ab Omnibus Quo-
 tidie edatur .

Vixit
 820.
 De
 Corp.
 & Sâg
 Dom.
 cap. 6.
 & 10,

Nec degeneres certè sæ-
 culi Millesimi Fideles .
 Quotidianos & ipsi Animi
 languores , Pane hoc viui-
 fico depellebant . De qui-
 bus

Vixit bus. Stephanus Eduensis
950. Episc. *Cum mens inquit te-*
dio acedie languescens, ab
interiorum amore bonorum
retrahitur; animus in torpo-
ris lecto iacet languidior. Qui
Pane spirituali, id est Corpo-
re Christi, est reficiendus.
Sacr. *Vnde spiritu fortitudinis o-*
Altar. *portet animum à torpore ex-*
citari, & operibus iustitiæ in-
hiare: ne aliquando graui
delicto intercedente, abstinea-
mus ab illo Pane, de quo A-
postolus ait: Probet se unus-
quisque, & sic de Pane illo
edat. Vnde precamur dari
nobis Panem Quotidianum.
Frequentem vsum fuisse
Corporis Dominici, quis ne-
gauerit? ubi, Ne vel Ali-
quando abstineretur, tam-
solicite præcauebatur. Sed
iam videamus.

Re-

*Reliqua Æræ Christianæ
secula,*

Millenarius ab Institutione prima, primoque feruore Christianorum lapsus; collabente pariter ac refrigescente in multis Charitate. Hinc Perfectio, vitæque Sanctitas, olim communis Omnibus, ad pauciores (vt fit) redacta; vsum quoque SS. Sacramenti Frequentiorem, ad Paucos remisit. Praxis proinde illa, passim ab omnibus Quotidie, vel minimum Frequenter Communicandi, immixta. Sensus tamen idem ac constans Ecclesiæ fuit is: vt Frequentem SS. Sacramenti vsum, ceu sanctum

D 2 ac

ac maxime salutarem, Fidelibus semper ingesserit, instillarit, etiā reliquis hisce, qui sequuntur, sæculis.

Vixit 1050. Ep. 31 lib: 11. Reg. Undecimum proinde quid censuerit? Pontificio discamus oraculo. Fac audiamus Gregorium VII. Pontificem. Ad Matildem sic ait: *Inter cætera quæ contra Principem Mundi arma Deo fauente contuli, quod potissimum est; ut Corpus Dominicum Frequenter accipias indicaui: & certa fiducia Matris Domini, te omnino committere præcepi.*

Vixit 1150. Ser. de Coena Dqm. Quod quidem, ad Timoratos ac Religiosos Viros æui sui, restringit Bernardus dum ait: *Cibus vitæ est, qui de cælo descendit. Potesne æstimare quale vel quantum est hoc Sanctum Sanctorum, & Sacramentum Sacramen-*

to-

torum, amor amorum, dulcedo omnium dulcedinum? Hæc sunt vere festa Paschalia, hæc sunt gaudia & fercula vitalia Iustorum, hæc sunt spirituales Deliciæ iustorum & Sanctorum. Hic bibuntur in loco uberi torrentes lactis, flumina mellis, liquores balsami celestis. Amici sponsi, id est boni Episcopi, boni Abbates, & ceteri Timorati, ac Religiosi viri gustauerunt, & plenissime experti sunt, quod nos diximus: ideoque ad Mensam Altaris Frequentius accedunt. Cæterum è sensu Sanctorum æui sui loquitur; dum Omnibus idem faciendum suadet inquiens: Qui vulnus habet, Medicinam querat; vulnus habemus dum sub peccato sumus, Medicina est SS. Sacramentum. Quotidie acci-

pe *Quotidie curaberis.*

Rediuiuos ea in parte,
Tertium decimum seculum
spectauit Hieronymos, Au-
gustinos . D. Thomam lo-
quor, Bonauenturam, ac
plerosque Magni Nominis
alios : Rediuiuum quoque,
de usu Sanctissimi Sacra-
menti, accepit cum sensu
Spiritus . Audiamus Do-
ctorem Angelicum : Circa

Vixit
1274.

3. p. q.
80. a. 1.

*usum inquit huius Sacramen-
ti duo possunt Considerari.
Vnum quidem ex parte ip-
sius Sacramenti, cuius vir-
tus est hominibus salutaris.
& ideo utile est Quotidie
ipsum sumere; ut homo Quo-
tidie eius fructum percipiat.
Alio modo potest considerari,
ex parte sumentis . In quo
requiritur, ut cum magna
deuotione & reuerentia, ad-
hoc Sacramentum accedat.*

Et

Et ideo, si aliquis se quotidie ad hoc paratum inueniat, laudabile est, quod quotidie sumat. Vnde Augustinus cum dixisset: Accipe quod Quotidie tibi profit. Subiungit: Sic vine, ut quotidie merearis accipere. Sed quia multoties in pluribus hominum, multa impedimenta huius deuotionis occurrunt, propter Corporis indispositionem vel animæ; non est utile Omnibus hominibus quotidie ad hoc Sacramentum accedere. Sed Quotiescunque se ad illud homo inuenit præparatum. Præparationem adnectit: cum ait.

Ser. 28
de Ver
Dom.

Dicendum, quod in hoc Sacramento duo requiruntur ex parte recipientis; scilicet desiderium coniunctionis ad Christum, quod facit Amor; & Reuerentia Sacramenti,

in 4.
dist. 12
2.1.

D 4 quæ

quæ ad donum Timoris per-
 tinet. Primum autem inci-
 tat ad Frequentationem hu-
 ius Sacramenti Quotidia-
 nam ; sed secundum retra-
 hit. Vnde si quis experimen-
 taliter cognosceret , ex quoti-
 diana sumptione , feruorem
 Amoris augeri, & reueren-
 tiam non minui ; talis debe-
 ret Quotidie communicare .
 Si autem sentiret, per Quo-
 tidianam frequentationē Re-
 uerentiam minui, & feruo-
 rem non multum augeri ; ta-
 lis deberet interdum abstinere ;
 ut cum maiori reueren-
 tia & deuotione postmodum
 accederet . Vnde quantum
 ad hoc , Vnusquisque relin-
 quendus est iudicio suo . Et
 hoc est quod dicit Augustinus,
 Iterat locum Augustini ex
 Epist. 118. supra . Idem
 fere alio loco ; Reuerentia
 in-

inquit huius Sacramenti ha- ^{3. p. q.}
 bet timorem Amori. coniun- ^{80 a. x}
 ctum. Ex Amore provoca- ^{ad 5.}
 tur desiderium sumendi. Ex
 timore autem, consurgit hu-
 militas reuerendi. Et ideo
 utrumque pertinet ad reuc-
 rentiam huius Sacramenti;
 & quod Quotidie sumatur,
 & quod aliquando abstinea-
 tur. Amor tamen & Spes,
 ad qua semper scriptura
 nos prouocat, preferantur Ti-
 mori. Vnde & cum Petrus
 dixisset: Exi à me Domine
 quia homo peccator sum. Re-
 spondit IESVS: Noli ti-
 mere.

Quid luculentius pro
 Frequentatione Sanctissimi
 Sacramenti dici potuit?
 quàm: Vtile esse ipsum.
 Quotidie sumere, si fiat cum
 Reuerentia. Pertinere au-
 tem etiam ad ipsam Reuc-

D 5. ren-

rentiam, quod Quotidie
 fumatur. Licet autem re-
 quiratur & Timor per quē
 aliquando abstinetur; in
 hoc tamen puncto, potio-
 res partes concedendæ A-
 mori & Spei: adeoque de-
 clinandum potius ad Quo-
 tidianum vsum, quam absti-
 nendum. Immo si quis ex-
 peritur in se non minui Re-
 uerentiam, & accendi Amo-
 rem; Talem debere Quo-
 tidie communicare. Immo,
 Quemcunque, quoties se in-
 uenerit præparatum, toties
 licite posse accedere.

Frequentem verò com-
 munionem, quæ non sit
 Quotidiana; sine omni ex-
 ceptione expedire; immo
 oportere fieri docet. Ad
 quæsitum enim: Vtrum ho-
 mo debeat Frequētare hoc
 Sacramentum? responden-
 do

in 4.
 dist. 12
 a. 1.

do ait : *Dicendum, quod ea quæ in hoc Sacramento geruntur, habent similitudinem cum his quæ occidunt in Corporali Nutrimento. Quia enim fit quasi continua deperditio Naturalis humiditatis, per actionem caloris; ideo oportet frequentem corporalem cibum assumere, ad restaurationem deperditi: ne deperditio continua mortem inducat. Similiter, ex concupiscentia innata, & occupatione circa exteriora, fit deperditio deuotionis & feruoris, secundum quæ homo in Deum colligitur. Vnde oportet, quod pluries deperdita restaurentur, ne homo totaliter alienetur à Deo. Statutum Ecclesiæ non licet præterire; tamen licet pluries communicare. Vnde Augustinus laudat, omnibus diebus domi-*

nicis communicandum esse.

Hæc Doctor Angelicus.

Seraphicum ne desideres.

Vixit

1265.

In 4.

dist. 12

q. 2.

Consentientem accipe ac

Concludentem . Dicendum:

Quod si quis semper esset

paratus , semper utile esset

hoc Sacramentum recipere ;

ut scilicet haberet habitacu-

lum Mundum , & spirituali-

ter comederet hunc cibum ,

eum honore & deuotione .

Quia igitur tempore Eccle-

sie primitiua , erant Mundi

per Baptismi innocentiam ,

& charitate ardentes , per

donationem Spiritus Sancti ;

ideo congruebat illis Quo-

tidie Communicare . Quia

verò postmodum charitas re-

frixit ; & per peccata , Mun-

ditia Baptismalis ut in plu-

ribus perdita fuit ; relictum

fuit iudicio & conscientie

uniuscuiusque , ut reciperet

quan-

quando se dispositum videret : ne aliter manducaret ad suam damnationem . Et quia homines inceperunt fieri negligentes ; oportuit , ut iterum institueretur à Summo Pontifice frequentatio , &c , Si ergo queratur : Vtrum expediat Frequentare alicui ? Dicendum : quod si se videat esse in statu primitivæ Ecclesiæ ; laudandum est Quotidie communicare . Si autem in statu finalis , utpote frigidum & tardum ; laudandum est quod raro . Si autem medio modo , medio modo se debet habere ; & aliquando deberet cessare , ut addiscat reuereri ; aliquando accedere , ut inflammetur amore . Quia tali hospiti debetur honor , debetur & Amor . Et tunc secundum illam partem , secundum quam se viderit melius pro-

proficere, ad illam magis declinet. Quod homo solum experientia discit. Omnibus his Frequentiam loquitur. Quotidianam etiam ab utilitate commendat: Si Quotidie tibi mundum adsit Cordis habitaculum. Si amor & reverentia. Vni-

Tract.

de prof.

Rel. l.

2. cap.

penul.

uersim autem: Salubre inquit ac utile est, quod homo sepe se ad illius Medicamenti susceptionem praparet; & quanto deuotius valet, illud percipere studeat. Et infra: Licet quandoque tepide, tamen confidens de Misericordia Dei, fiducialiter accedat. Quod si se indignum reputat, cogitet: quod tanto magis eget, & necesse habeat requirere Medicum, quanto magis se senserit agrotum. Non enim opus est valentibus Medicus. sed male habent-

*bentibus . Nec ideo te qua-
ris iungere Christo , ut tu
eum sanctifices; sed ut tu san-
ctificeris ab illo . En quæ il-
licia ut Frequentetur, quæ
consilia ne Prætermittatur
Communio . Ex his & sen-
sum, sed & laudabilem sæ-
culi illius , Frequentius
Communicandi condiscas
Praxim: quæ à nonnullis
contrarietatem passa , agi-
tandi dedit materiam; ac
demum in fauorem Fre-
quentantium concludendi.*

*De sequentibus iam, quid
multis agam? In verba &
sensa, tantorum (fere) iura-
runt Magistrorum . SENSE-
runt ac docuerunt idem .
Nimirum , sanctum ac lau-
dabilem , utilem, non præ-
termittendum, frequentem
Vsum SS. Sacramenti. Non
credis? Tolle, lege Docto-
rum*

rum volumina . Durandi
 Vixit etiam , in quibusdam alijs
 1310. extraordinarium , in hoc
 puncto mire consentientem
 ac disertis pronuntiantem .

In. 4. *Laudabilius esse accipere Eu-*
 dist. 12 *charistiam , quam abstinere ;*
tam ex genere facti , quam
ex parte effectus . Quod si
adhuc de sensu Communi
subdubitas : Horum , ac Su-
periorum sæculorum Ec-
clesiam , cum sic depre-
cantem audis : Vt cum

Orat. *Frequentatione mysterij , cre-*
 dom. + *scat salutis nostræ effectus .*
 Aduen *Frequentationem SS. Sacra-*
menti , & sanctam & saluta-
rem , ex vniuersali Ecclesiæ
sensu , credo statues .

Vltimis duobus Sæculis
 non immoror . Media cum
 fuerint , superiora inter ac
 Nostrum sæculum ; Vixe-
 rint sensu iisdem Communi.

Dio-

Dionysium tamen Carthusianum si non impiger euo- **Vixit**
lueris, inuenies Tractatum 1470.
de Communionis frequen-
tia, assiduoque illius usu;
conformem ad mentem Ec-
clesiæ sui æui. Pontificiam **Vixit**
quoque mentem suam, ex- 1523.
plicat Adrianus Pontifex. In 4.
Adhibita inquit preparatio- **de Sa-**
ne, pro viribus fragilitatis **cram-**
humanæ; satius est sumere **Euch-**
boc Sacramentum, quam ab-
stinere. Sed istorum, vt &
Priorum omnium sensum,
Coronet ac concludat, Vni-
uersalis Ecclesiæ, per Oecu- **Ab**
menicum Tridentinū Con- **Anno**
cilium, explicatus sensus. 1545.
Verba sunt, omni memoria **ad An**
Fidelium omnium dignif- 1563.
lima, quæ sequuntur.

Optaret Sacrosancta Syno- **Sess.**
des, vt in singulis Missis Fi- 22, c. 6
deles adstantes, non solum
spi-

spirituali affectu ; sed Sacramentali etiam Eucharistiæ perceptione communicarent ; quò ad eos, Sanctissimi huius Sacrificij fructus uberior, perueniret . Quia tamen hoc, in tanta hominum ac negotiorum diuersitate , vix futurum præuidit : Hinc , grauissimis , & Christiana ponderatione sæpe ruminandis verbis, Enixè ad Frequentem saltem , huius SS. Sacramenti vsum , eosdem Fideles suos adhortando , inuitat : Paterno inquit affectu admonet S. Synodus, hortatur, rogat, & obsecrat , per viscera misericordiae Dei nostri ; ut omnes & singuli , qui nomine Christiano censentur, in hoc unitatis signo , in hoc vinculo charitatis , in hoc concordiae symbolo , iam tandem aliquando conueniant ,

Sess. 13
c. 8.

&

& concordent; memoresque
 tanta Maieſtatis, & tam exi-
 miꝝ amoris I E S V Chriſti
 Domini Noſtri, qui dilectam
 animam ſuam in noſtræ ſalu-
 tis pretium, & carnem ſuam
 nobis dedit ad manducan-
 dum; hæc ſacra myſteria Cor-
 poris & Sanguinis eiꝱ ea fi-
 dei constantia & firmitate,
 ea animi deuotione, ea pietate
 & cultu credant & veneren-
 tur; ut panem illum ſupersub-
 ſtantialem; Frequenter ſuſci-
 pere poſſint; Et is vere eis ſit
 animæ vita, & perpetua ſa-
 nitas mentis; cuius vigore
 confortati, ex huius miſeræ
 peregrinationis itinere, ad
 celeſtem patriam peruenire
 valeant; eundem Panem An-
 gelorum, quem modo ſub ſa-
 cris velaminibus edunt, abſ-
 que ullo velamine mandu-
 caturi.

Quid

Quid vel clarius Eccle-
 siæ Vniuersalis sensum ex-
 primere; vel efficacius, Fre-
 quentem SS. Sacramenti v-
 sum, persuadere posset? Vti-
 nam quod optat Sancta Ma-
 ter, ab obsequentibus obti-
 neat ac consequatur Filijs! Vtinam Corda, Primorum
 Primitiæ Ecclesiæ Patrum,
 redeant in Corda Filiorum;
 atque hi, vel toties Quoties
 adstant Missis; vel saltem
 Frequenter Communicent;
 in eoque tam sancto & sa-
 lubri opere ac consilio,
 conueniant, ac perseuerent.

CAP. III.

*Requisita, ad Sanctè ac
salubriter Frequen-
tandum SS. Eucha-
ristiæ usum.*

CVM frequens SS. Sa-
cramenti usus, tam
ex parte Sacramenti;
quam ex parte Sumentis
considerari possit. Et qui-
dem quantum de se, & ex
parte Sacramenti; semper
sanctus, semper laudabilis,
ac fructuosus sit. Ex parte
verò Sumentium, Varius
esse possit: Sanctus vel vitio-
sus. Vt nobis nonnisi san-
ctus sit, ac salubris euadat;
Aliqua adesse debebunt ex
parte nostri. Quæ hic in-
quirimus. Et quidem.

Re-

*Requisita, ad sanctum
Eucharistiæ usum.*

CLara sunt ac in aperto. Cum enim Eucharistia seu Caro Christi, verè sit Cibus Animæ. Sicut Cibus, ad bonum ac fructuosum sui usum, requirit supponitque viuam, bonam, ac sanam constitutionem Manducantis: Ita & Cibus hic Animæ, viuâ per Gratiam, bonam, ac sanam constitutionem Animæ. Quæ alio nomine, Dignitas recipientis appellari solet. Alio-

Io. 6. qui vt verum est: Caro mea vere est Cibus. Qui manducat me viuet propter me;

1. Cor, Ita quoque verum fuerit:
11, Qui indignè manducat &
bi-

bibit . Iudicium sibi manducat & bibit, non dijudicans Corpus Domini .

Porro , Quæ & Quanta dignitas in recipiente Fide-
li requiratur, ac necessaria,
sit simpliciter? seu necessa-
ria ad hoc , vt quis non in-
dignè, proinde absque pe-
riculo Iudicij manducare
possit . Edocuit eodem lo-
co Paulus , inquiens : *Pro-*
bet autem se ipsum homo, &
sic de pane illo edat.

Vt adeo Dignitas ad Eu-
charistiam, in recipiente, sit
ac esse debeat : Probatio
sui ipsius .

Ne autem multum solli-
citi, dubij, ac incerti, circa
hanc ipsam Probationem,
inuestigandam, intelligen-
damque versaremur .

Quidnam hæc ipsa Pro-
batio sit ? In quonam con-
si-

sistat ? Quæ & Quanta esse
 debeat ? prouida circum-
 spiciens Mater Ecclesia ,
 Clare hæc omnia explicuit,
 proposuit , edocuitque per
 Sess 13 Concilium Tridentinum ,
 c.7. sub Titulo : *De Preparatio-*
ne quæ adhibenda est , ut di-
gne quis Eucharistiam per-
cipiat . Vbi sic loquitur :
Ecclesiastica Consuetudo de-
clarat , eam Probationem ne-
cessariam esse; ut nullus , sibi
consciens Mortalis peccati ,
quantumuis sibi contritus vi-
deatur ; absque præmissa Sa-
cramentali Confessione, ad sa-
cram Communionem accede-
re debeat. Et Can. 11. Ne
tantum Sacramentum indi-
gne, atque ideo in mortem &
condemnationem sumatur .
Statuit atque declarat ipsa
Sancta Synodus : illis quos
conscientia peccati mortalis
 gra-

*grauat, quantumcunque etiam
se contritos existiment, habi-
ta copia Confessoris, necessario
premittendam esse Confessio-
nem Sacramentalem.*

Dignitas igitur ad Com-
municandum absolutè ne-
cessaria, ac sufficiens est :
Esse absque conscientia,
peccati Mortalis. Vel si
tibi huius conscius sis, illud
ipsum (per se loquendo) præ-
uiè Clauibus, in Sacramen-
to Pœnitentiæ, per confes-
sionem subijcere ad remis-
sionem. Quod totum vt
patet, potius (explicite sal-
tem ac directè) videtur si-
gnificare : Non esse in-
dignum, quam esse dignum.
Quare sicut Indispositio, per
quam ad Iudicium Mandu-
catur & bibitur, & ob quam
aliquis a communione est
arcendus ; iuxta Apostolum

E

est

est Indignitas seu indigne
 sumere . Ita dispositio, qua
 supposita Christus mandu-
 catur ad vitam, & fructuosè
 manducari possit ; est, non
 indignè manducare , seu
 manducare sine eo , quod
 scias seu conscius tibi sis,
 inexistentis in Anima pec-
 cati Mortalis : Seu mandu-
 care cum Probatione tui
 ipsius; hoc est cū inspectio-
 ne Conscientiæ; eam explo-
 rando, num in ea tibi oc-
 currat peccatum mortale
 nec ne ? sique occurrat, il-
 lud per Confessionis Sacra-
 mentum submouendo .

Et hoc solum ac vnicum
 ex parte Animæ, necessario
 requiri docet Apostolus ,
 docet Vniuersalis Ecclesia .
 Hoc si adsit ; dignè man-
 ducatur & bibitur . Ex
 quo vltcrius .

Con-

Confectaneum est, ac cō-
 stare potest . Reliquas om-
 nes Dignitates, dispositiones
 præparationes Fidelium ,
 sancte ac laudabiliter vsur-
 pari , & à Sanctis Patribus
 alijsque viris doctis ac pijs
 suaderi solitas ; Non requi-
 ri tanquam ita necessarias ;
 vt si absint, illico indignè
 Manducetur . Sed tanquam
 multum Conuenientes, con-
 gruas ac cōducibiles ad me-
 lius , ad maiori cū fructu &
 condecencia Communican-
 dum . Siquidem quo maior
 est Recipientis dispositio ,
 præparatio : eò quoque li-
 beralius sua dona commu-
 nicat, diues in omnia Chri-
 stus . Immo cum ea ipsa
 sic suaderi solita ; qualia
 sunt: perfectio Virtutis, ma-
 gna deuotio ac reuerentia,
 mortificatio & similia, cum

inquam ea sæpe per vsum
 SS. Sacramenti primo donentur vel augeantur, & dona Dei sint, ab hoc SS. Sacramento sæpe promanantia: ea igitur tanquam dispositiones exigere, ad hoc vt digne accedas; est tantundem facere, ac nolle ad ignem accedere, nisi prius aliunde calidus sis ac calefactus. cum tamen Ignis ad calefaciendum ordinetur. Conscientiam itaque, & Cor Mundum à peccato mortali apporta. Hoc necessarium vnice, ac sufficit; ad Sanctum dignumque Eucharistiæ vsum.

Ea-

§. II.

*Eademne ad Frequentem
SS. Eucharistiæ usum
Sanctum suffi-
ciunt ?*

VT in Primò, ita & in hoc Secundo, tutius Ecclesiæ requiremus sensum. Et eum quidem palam loquuntur ac edicunt SS. Patres. Quorundam verba supra iam allegata, hic etiam retulisse non ob-erit: *Quemadmodum qui sibi nullius mali conscius est, hunc oportet singulis diebus accedere ; sic qui peccatis occupatus, est neque pœnitet, ei nec in festis accedere tutum est*, inquit Chrysoſt. Sola Or. de Peccata, necdum per pœ- B. Phil nitentiam deleta (plane ac

E 3 Tri-

Tridentinum supra) accessum tutum prohibere innuens. Athanasius (nisi malis Theophilaetum) in illud Pauli: probet seipsum homo: *Neminem tibi inquit iudicem proposuerim, præter te ipsum. Tu itaque conscientia examinata discussaque, adito ea mysteria, non festis profestisque diebus, sed quouis tempore; cum purum te & dignum compere- ris. Cyprianus. Quotidie inquit cibum salutis accipimus; intercedente aliquo gra- uiori delicto, abstenti & non communicantes, à caelesti pane prohibemur. Hilarius: Si non sunt tanta peccata, ut excommunicetur quis; non se debet à Medicina corporis & Sanguinis Domini separare. Hieronymus: Vtinam possemus Eucharistiam absq; con- dem-*

Bellar
deScri
ptor.
Eccl.

Ser.6.
in Or.
Dom.

DeCō
secr.
dill.2.

AdLu
cin.

demnatione nostri, & pun-
gente conscientia semper ac-
cipere, & Psalmistam audire
dicentem: Gustate & videte
quam suavis est Dominus.

Augustinus: Innocentiam Tr in
Euāg.
Io. 26.
ad altare reportate; peccata
etsi sint quotidiana, vel non
sint mortifera. Securus ac-
cede, panis est non venenum. De Ec
cl do
gm. c.
33.
in 4.
dist. 12
Idem: Omnibus dominicis
diebus communicandum sua-
deo, si tamen mens sine affe-
ctu peccandi sit. Bonāuen-
tura: Si quis semper esset
paratus, semper utile esset hoc
Sacramentum accipere; ut
Mundum receptaculum ha-
bens, comederet cibum illum
cum honore, deuotione, & fru-
ctu multiplici.

Omnes hi ac plures alij,
de Frequenti Communionem
loquuntur. Omnes vno e-
dicunt ore: Mala & pec-

cata graua ab eadem frequentia prohibere . Mundam ab his malis si habeat Conscientiam , ei frequenter accedendum . Quod ipsum, & non aliud , ad sanctum Eucharistiæ vsum requiri , supra commonstratum est.

Vide iam, si non iure quis Statuat cum Patribus : *Ad hoc , ut quis Frequenter nec indigne Communicare possit : Idem plane requiri ac sufficere , quod requiritur ac sufficit , ut quis semel vel bis communice in Anno .*

Et verò si te Probes hodie , si non tibi conscius sis mali & peccati Mortalis . Dignus es, vel saltem non indignus , qui Accedas hodie , qui manduces de Pane illo . Quotiescunque igitur te similiter probaueris , nec conscius tibi fueris peccati
mor-

mortalis, vel quia nullum
per Dei gratiam post Con-
fessionem ac Communionem
ultimam commiseris ; vel
quia commissum per con-
fessionem , & pœnitentiæ
Sacramentum deleueris ,
Nonne similiter toties di-
gne accedes & manduca-
bis ?

Probatio sui , est disposi-
tio ; & exigitur , non pro-
pter numerum , sed propter
eum qui manducatur , scili-
cet Christum . Cum ergo
nec Alter , nec Maior , nec
dignior sit Christus, semel
vel millies acceptus ; Sed
Idem semper ac vnus , sem-
per dignissimus, purissimus:
Dispositio quæ ad semel nō
indigne recipiendum suffi-
cit , sufficiet ad millies ac
semper eundem recipien-
dum. Hoc loquuntur su-

E 5 pra

pra PP. hoc sonat cum Tridentino Ecclesia. Quæ ut optat, *singulis Missis à Circumstantibus Communicari*; ut Materno affectu, per viscera misericordiæ Dei rogat & hortatur, ut panem hunc supersubstantialē Frequenter sumant singuli; ita Omnibus ad eundem sumendum, viam ac rationem optat facilem, monstrat expeditam pariter ac securam.

Cumque nihil exigit amplius præeunte illi Apostolo, quàm *ut se quisque probet, & sic sine omni vltiori requisito, Edat de Pane illo*: Nihil postulet amplius, quam immunitatem à Conscientia peccati mortalis; Hanc autem per Dei gratiam in plerisque Fidelibus, piæ Matris adhortationibus obsequi cupientibus, inuenire

re

re est. Non occurrit, Cur aut quare requiratur amplius? Cur solícite quæramus, cogitemus, ac imponamus onera? quorum difficultate, deterreantur potius, quam alliciantur Fideles: contra quàm optet Ecclesia.

Iure igitur & secundo repetendum illud Chrysostomi: *Qui sibi nullius Mali* (scilicet mali simpliciter, oppositi Bono simpliciter) *consciens est, hunc oportet singulis diebus accedere. Vel Athanasij. Conscientia examinata discussaque, adito ea mysteria, non festis profetisque diebus; sed quovis tempore. Hoc solum à te Scriptura, hoc PP., hoc & non amplius ad dignè frequenter accedendum, requirere videtur Ecclesia.*

E 6 Nun-

Nunquam tamen immemor; Quod quo te magis per virtutum Exercitia, pietatis ac perfectioris vitæ studia disposueris; eò dignius, & fructuosius hoc Sacramentum percepturus sis.

Cæterū si hæc ipsa in te nondum videas, nondum comparaueris, aut nondum experiris; vel ideo accede frequentius; vt ea quæ defunt, à fonte Bonorum omnium obtineas, euadasque melior, feruentior, ac perfectior. Non enim accedis vt tu Christum, sed vt Christus te perficiat, sanctificet, in se conuertat. Stante interim: quod maxime congruum sit, ac postulet Diuinæ Christi Personæ dignitas; vt te ad eum frequenter recipiendum, pro

VI-

virili præparare studeas, hospitiumque Animæ tuæ, per pia desideria, fidei, & ardentioris charitatis Actus, vitamque etiam à Quotidianis, notabilioribus saltem lapsibus immunem adaptes.

Nihilominus sicut hæc in ijs, qui raro aut semel in Annum communicant, ad semel dignè recipiendum, non exiges; ita nec ad Frequenter dignè communicandum, expectare debes. Alioqui vel rarissime penitus, vel communicaturus nunquam. Quacunque enim bona præparatione data, facere poteris meliorem; & quia hanc congrue, exigit Christi recipiendi dignitas; hanc quamdiù non feceris, expectare debebis; & hac ipsa meliorem; cum tibi pos-

possibilis, Christo autem debita sit. Ne igitur te ipsum, aliosque oneres immodicum, Apostolico standum iudicio: *Probet seipsum homo, & sic manducet.* Hoc ad raro, hoc ad frequenter dignè communicandum sufficit.

CAP.

CAP. IV.

*Determinatur usus SS.
Sacramenti Fre-
quentia.*

PRæsupposita dispositione, ac Requisitis. Quoties & Quam Frequenter Communicari possit? non immerito requisieris. Expeditè tibi sensum meum aperirem; nisi crederem, etiam in hoc puncto, libentius te accepturum sensum Sanctorum & Ecclesiæ. Quare si in quæstionem veniat (vt proculdubio veni apud eos, & apud quos ultra id quod omnino debent, operando progredi, nefas sit.) Si inquam in Quæstionem veniat.

Fre-

Frequentia usus, ex Præcepto.

QUam frequenter Fidelibus Ordinarie communicandum esset? Præceptum Domini non inuenio.

Ecclesiæ id determinandum reliquerit; conformiter ad illud Apostoli: *Cetera cum venero disponam*; **1. Cor.** **11.** **D. Th.** Ecclesia autem, cum Præceptis ac statutis suis, Fidelium utilitati seruire contendat; ideo attenta varia conditione ac constitutione hominum, diuersis Sæculis, diuersa Communicandi præscripsit tempora ac vi-
ces.

Primis quidem sæculis
(qui-

(quibus Fideles in dilectione Dei & Christi feruentiores ; precibus , orationibus , alijsque Diuinis intenti officijs vacarent) præscriptū legitur : Vt quoties Fideles adstarēt Sacrificio; toties cōmunicarent . Prout supra ex Anacleto Pontifice constitit . Deinde imminuto feruore , Communio ad singulos dies Dominicos , consuetudine praxique Fidelium redacta, vt patet ex Augustino . Sed cum ea, **Epist.**
 Sanctitas, crescente populo, **113.**
 decreuisset ; iamque rarius communicaretur . Fabianus Papa sanxit : Vt minimum **De Cō**
 Ter in annum omnes Eu- **secc.**
 charistiā sumerent ; in Pas- **dist. 2.**
 chate, Pentecoste & Natali **C. Et si**
 Domini . Cuius Edictum à
 Concilio Agatensi , aliquot **cap. 8**
 post sēculis confirmatum .

Tan-

Tandem multiplicata Gente, sed & simul varietate;
Negotiorum vitiorumque;
 cum nec illa vigeret obser-
cap. 21 uantia. Concilium Late-
 ranense decreuit: Vt om-
 nes Fideles vtriusque sexus,
 semel saltem in anno, idque
 circa festum Paschatis, Cor-
 pus Domini acciperent: qui
 id negligenter; aditu Ec-
 clesiæ prohiberentur.

Sess. 14
c. 8. Quod ipsum Statutum, Con-
 cil. Tridentinum renouan-
 do firmavit.

Vt iam ex Præcepto
 Ecclesiæ, semel in annum,
 Communicandum sit, ac
Ser. 16 sufficiat. Adiecerim tamen
de Heb hic illud Petri Blesensis:
Prognos Non audeo inquit dicere,
 ex Præcepto Ecclesiæ, sed
 ex tacita permissione ipsius
 introductum esse; vt semel
 in anno, in Paschate con-
 gre-

gregentur Fideles in Ecclesia, ad Communicandum: quod omnino præteriri nefas est.

§. III.

Frequentia usus, ex Consilio.

QVænam sit? quam optet, quam suadeat Ecclesia? Fas est colligere ex dictis supra cap. 2. Quare, si quis perfectiora Consiliorum secutus; Quoties & Quam frequenter, libere ac licite; immo sanctè ac fructuosè communicare possit requirat? Credo sensum Christi, Ecclesiæ, ac PP. (relatum aliàs) satisfacturum illi.

Bis vel sæpius in mensem

sem præscribit Hieronymus a. Dominicos ac Festos dies probat b idem. BaadEuf. filius quater in hebdomada c 12. dam, immo singulis diebus, b in ad mensam Domini inuiGal. 9. tat suos c. Panem supercEpist substantialem, Quotidianum 289. cum voluerit Christus, hinc illud Ambrosij : *Accipe Quotidie . D. Thomæ: Laudabile est Quotidie sumere. Chrysostomi : Oportet singulis diebus accedere . Augustini : Accipe quotidie .*

Ser. 28 *Rationem ab eo si postules :*
de Ver. *Dom. Anima inquit Christiana , De serua decorem tuum . Vide cult. ne deferas mensam Domini Agr. tui . Vt pulchra permanear, Dom. Carnem eius Quotidie man-*

34. Hō *ducabis . Norunt Fideles ho. 41. quid accipiant; & Bonum est eis accipere Panem Quotidianum. Eucharistiam tuam, Quo-*

Quotidianum cibum da nobis hodie, &c. Sed.

MOTVS IN CONTRA.

Ergo ne (inquies) Vnusquisque indiscriminatim ; Quotidie vt communicet , Mensæque Domini vt accumbat permittetur ? Quæ Nouitas ! Quæ indignitas ! Quæ audacia ! Quæ demum differentia Sacerdotij !

Non meas sed Patrum locutus sum sententias. Quæ si tibi id inferre ac euincere videntur : Vt ille, qui sibi peccati mortalis conscius non est , Frequentèr interim, immo & Quotidie accedere desiderat , hoc inquam illi negandum nō sit ; non tecum litigo, nec fidem destruo .

Neque enim forte sine iniuria, ei negaueris Bonum illud ; quod cum ei profit

Quo-

Quotidie , ac sine limita-
 tione restrictioneque ad
 certum tempus , eidem à
 Christo , PP. , & Ecclesia
 permissum est ; Quotidie à
 te petit . Limitationem
 exhibere incumbet tibi .
 Illimitatè ad Personas, mo-
 do se ipsas probauerint &
 sic edant: illimitatè quoque
 ad Tempus, immo Quotidie
 communicandum suadent
 illi : Recole dicta PP.
 Audisti Augustinum : *Ani-
 ma Christiana . Norunt Fi-
 deles , &c.* Nunquid non
 Omnes, Fideles ? non vnus-
 quisque indiscriminatim
 Anima Christiana ? Atqui
 ijs dicitur : *Carnem eius
 Quotidie manducabis . Bo-
 num est eis accipere Panem
 Quotidianum .*
 Sed age . Nunquid si
 Dignus quispiam , hoc est
 pro-

probatuſ; biſ vel ter hoc anno à Te petat cōmunio- nem . num eum iuſtè reij- ciet? Non credo . At, quid Iuriſ habet ampliuſ hoc anno biſ petendo; quam habituruſ ſit anno ſequenti, quo petet ſinguliſ meſſibuſ, immo & diebuſ; æquè pro- batus ac Mundo corde .

Quid ſi non à Te; ſed ab Alio petat? Quid tibi exin- de incommodi? vt impē- dias, prohibeas . Legeriſ non dubito illud ſtatutum Eccleſiæ : *Non prohibeat* **DeCō**
Dispensator, manducare Pin- **ſecr.**
gues terra, in menſa Domini. **diſt. 2.**
 Quod ſi non debet prohi- **Aug.**
 bere Dispensator : Minuſ **in Pf.**
 illi, ad quos vel non ſpectat; **48.**
 vel non petitur ab iſ diſ-
 penſatio . Minuſ inquam
 prohibere debent Chriſti
 pauperes, qui ex deuotione,

ac

ac pro suo quotidianis in-
 ærumnis solatio , ad hanc
 mensam (ad quam tribula-
 tiones efficiuntur consola-
 tiones) accedunt: Nisi
 contra iustam & sanctam
 Ecclesiæ prohibitionem ,
 inconsulte id attentare ve-
 lint.

Chryf.
in Ps.
22.

COMPOSITVS MOTVS .

Quæ inquis Nouitas !
 Nouitas est , sed hoc fri-
 gescente sæculo . Antiqui-
 tatem frequentationis , im-
 mo apud plerosque Quoti-
 dianæ Communionis; per
 omnia Christianitatis sæcula
 paulo supra legeris.

c. 2.

Quod vero proximis hisce
 Sæculis, ad Cænam Magnā,
 ad nuptias agni , raro vel
 pauci veniant licet Inuitati;
 causas excusationum habes
 in Euangelio. Verbo: supera-
 bundauit iniquitas , refrixit
 Chā-

Luc. 19.

Charitas . Ab initio non
fuit sic . Paucorum iam est
felicitas , iugiter appropin-
quare & frui Deo . Non
tamen ideo nouitas arcen-
da : Nisi & sanctitas , olim
communis omnibus fere
Christianis, nunc paucorum;
pari iure sit nouitas Arcen-
da . Quanquam fuerit No-
uitas, frequens Communio:
ideone arcenda illico? Sic &
Christi Euangelium iure
arcebitur inter Gentes ;
noua virtutum , Religio-
nū, prohibebuntur studia.

Noxia iure arcetur Noui-
tas . At Quotidianus SS.
Eucharistiæ vsus , inter Fi-
deles Culpæ mortalis sibi
nequaquam Conscios ; quid
inferat Mali? (tantorū olim
Fons & Bonorum origo)
vt iustam Censuram me-
reatur . Cum potissimum

F

vt

vt Bona ac laudabilis , sancta & fructuosa, semper exoptata sit ab Ecclesia .

Quæ Indignitas ! Dignitatis est quantum sufficit ad hoc, ne accedatur Indigne ; vbi Cor & Anima pura . Nisi Paulo & Ecclesiæ succensere velis ; non aliam, pro fragilitate & tenuitate humana, requirentibus dignitatem .

Sed neque indignandi locus relinquitur Homini , vt is succenseat alijs ad pedes & Corpus Domini hærentibus , eum frequenter pio ore ac corde basiantibus : vbi tam benigne inuitantur, ac venire iubentur omnes ; Dominumque fortiti defensorem sui, audiunt :

Mar. 10. *Sinite paruulos venire ad me.*

Io. 13. *Sinite eam . Quid molesti estis huic , &c.*

Quæ

Quæ audacia ?

Non est audacia sæpius accedere ad Dominicam mensam, sed indigne accedere ; etiamsi semel tantum quis tota sua accedat vita, respōdet Chrysost. Ac inardescens ultra: At nos inquit adeo stolidi , adeo insensati sumus ; ut cum innumera per totum annum scelera perpetremus, nihil ea curemus exuere: cæterum satis arbitramur, si non assidue præsumamus contumeliose Christi Corpus attingere . Neque intelligimus miseri, quod hi qui Cruci Christum affixerunt, semel tantum id fecerint . Non igitur quia semel crucifixerunt , minus idcirco delictum est . Et qui Christum prodidit, semel tantum prodidit . Nunquid ergo hoc illum supplicio eripuit ? Quid igitur hanc rem tem-

poris lege metimur . Tempestivum accedendi tempus , Munditia conscientiae faciat . Nihil habet amplius, quod in Pascha consummatur Mystrium , quam quod continuo celebratur . Vnum quippe atque idem est, eadem est Spiritus Sancti gratia , semper Pascha est . Intellige , ubi Munditia conscientiae est .

Quae differentia Sacerdotij ? Fuitne adhuc olim , cum Fideles communicabant Quotidie ? Eadem & nunc . Et magna quidem .

Sacerdotum est, Conficere Corpus & Sanguinem Domini , alijsque Communicare , seu distribuendo Communem facere . Aliorum verò Fidelium , reuerenter ad Confectum accedere , de manibus Sacerdotum recipere . Vtrisque
ta-

tamen dictum est : *Hoc facite* . Sacerdotibus ; *Hoc facite* , offerendo Sacrificium , & consecrando Hostiam . Fidelibus , deuote accedendo , Manducando . Vtrisque dictum : *Quotiescunque feceritis* ; rationem frequentiæ indicando .

Sed hæc incidenter ; eo fine : Ne Mira videatur sententia Patrum .

Cæterum *De Frequentia Vfus* , difficili hoc determinationis in Negotio ; Meum quoque si desideres sensum ?

Mediam infisto Viam . Atque licet (vt alias c.2. Innui) ad dignè frequentandam Communionem , de necessitate simpliciter, non requiratur aliud ; quàm conscientia immunis à Mortali ; quam proinde, quando , &

F 3 quo-

quoties adesse contigerit ;
 tunc , & toties quis licite
 communicare possit . Ta-
 men, cum & congruum sit,
 Honori ac Amori Christi
 recipiendi , indulgeri libe-
 ralius : Et plerique Fide-
 lium Vitæ etiam inculpa-
 tæ , alijs vt plurimum
 distenti, tantum sibi saluta-
 ris otij vix assument ; vt à
 curis suis abstracti, sibi Deo-
 que, toties quoties possent,
 vacare velint . Hinc vsum
 SS. Sacramenti :

§. III.

*Ad octauum saltem quem-
 que diem, in plerisque
 Fidelibus*

SVadendo Determino .
 Secutus etiam hic, ma-
 gna.

gna Ecclesiæ lumina, Hieronymum, Augustinum (nisi De Ec-
illo loco sit Alcuinus) ac cl. dog-
alios supra iam toties me- c. 53.
moratos .

Et verò, cum hoc diui-
num Epulum, Omnibus à
Deo præparatum sit eo fi-
ne; vt frequentetur. Quæ
dies aptior, Dominica?
Qua à grauiori opere &
labore quiescere iussis; *Va-
care & Videre liceat quam
suavis sit Dominus.* Qua
in honorem Resurrectionis
Dominicę consecrata, & ipsi
quoque Resurrectionis no-
strę admoniti; cum deside-
rio gustuque, manducemus
● Panem illum viuificantem
nos, de quo Saluator: *Qui Io. 6.
manducat meam carnem, &
bibit meum Sanguinem; habet
vitam æternam. & ego resu-
scitabo eum in nouissimo die.*

E 4. Quam

Qua memoriæ Domini-
cæ dicata specialiter; eam-
quam Christus præcepit,
specialem sui faciamus (ac-
cipiendo & manducando)
Commemorationem: Diui-
norumque, per reliquos dies
beneficiorum in nos colla-
torum non immemores;
Memoriam & nos faciamus
mirabilium ipsius, escam
sumamus, quam in hunc
ps. 110. finem, *Dedit Timentibus*
se.

Cur autem plerisque Fi-
delium (si quis eorum Do-
mum ac familiæ suæ cum
Dei timore præest. Si vitam
agit Christianam. Si Atten-
tendit sibi, ac suo congrue
viuendi instituto; Peccata
grauia vel deuocat penitus,
vel commissa plangit. Ope-
ribus pietatis pro suo infi-
nit modulo) Cur inquam
ab

ab hac Animæ suæ refe-
 ctione ac solatio, arceatur
 vel abstineat. An Coniur-
 gium? vel ad Conuictum
 humanum quodpiam spe-
 ctans officium, in crimen
 vocari possit? Atqui simi-
 libus distenti ac innodati;
 pridem Augustini, Hiero-
 nymi, Chrysostomi, & Ec-
 clesiæ tot sæculorum, pro
 se meruerunt suffragium:
*Pro bent seipsos & sic de Pa-
 ne illo edant.* Maximè si
 dum communicandum est,
 attenti viuât ad illud Pauli,
 in simili: *Non fraudantes* 1. Cor.
vos inuicem, nisi forte ut
vacetis orationi.

Si enim implicati sæcu-
 lo (quod in maligno positum) 1. Io. 5
 grauioribus frequentiori-
 busque animi expositi sunt
 vulneribus: tanto igitur
 magis ac frequentius hoc

cælesti opus habebunt Me-
 dico, vel Epulo. quo augen-
 tur vires, ad resistendum.
 pet. 5. illi, qui *circuit querens*
 Luc. x. *quem deuoret. quique plagis*
impositis, tot relinquit mor-
 tuos. Si temporalibus in-
 nodati, periculum adeunt,
 ne per eadem transcendo
 amittant æterna: Panis hic
 illis frequentior porrigen-
 dus; quò labilitatem vilita-
 temque temporalium, stabi-
 litatem è contra & pretium
 æternorum, ipsumque adeo
 Christum cognoscant, ac
 Luc. 24. firmiter teneant *in Fractio-*
ne Panis. Cumque se malis,
 vel mole negotiorum ac la-
 borum grauatos sentiant;
 sibi dictum credant: *Veni-*
 te ad me omnes, qui labora-
 tis & onerati estis, & ego re-
 Matt. 11. *ficiam Vos*. Post labores &
 quotidiana opera, octauo
 vel.

vel septimo quoque die,
 Quietem Animabus suis re-
 perturi. Recolent suis in-
 pressuris, tædia ac ærumnas

Eliæ, *petentis animæ suæ* 3.Reg.

ut moreretur? Solatium

simul ac vires, à supersub-
 stantiali pane habituri.

Memores ipsa nocte Domi-
 nicæ Passionis (cum gladio-
 rum ac fustium imminerent
 pericula) ad robur & vires

animi præscriptū esse Apo-
 stolis: *Accipite & manducate.*

Sic modicum farinæ, tollet 4.Reg.

omnem amaritudinem ani- 4.

mæ: *Calix Domini ine-*
brians, obliuionem inducet

curarum, afflictionum, ac a Clē
 malorum omnium a. Alex.

Ergo Venite Omnes, qui præ-
 laboratis, qui onerati estis, dag.

Quoties laboratis & one- c.3.

rati estis; & reficiet vos, &
 inuenietis requiem Ani-

mabus vestris .

Nisi forte aliqui, grauioribus molestioribusque statibus, & officij pressi sint oneribus . Nihilominus & hi ,
 Apoc. 22, ceu *Ligna vite*, in utraque parte fluminis Paradisi, duodecim saltem adferre fructus , reddereque volent per menses singulos fructum suum illi , à quo eo loci prouidè plantati sunt . Licet & ijs , (quando sepositis curis , & quæsito ad tempus otio , Deo ac salutis suæ vacant) illud Athanasij aptandum censeam : Tu itaque conscientia examinata discussaque , adito eamysteria , non festis profestisque diebus ; sed Quouis tempore , cum purum te & dignum compereris..

In 1.
Cor. 11

Ad

Ad omnem diem , Aliquibus saltem .

Quotidianas ad Christi Mensam Epulas, potissimum Aptauerim ijs . Qui à pungentibus sæculi spinis curisque multis expediti, a grauioribus lapsibus immunes , à leuioribus sibi etiam studiosè cauent . Atque (vt plurimum) vel cum Anna in templo, vel cum Magdalena ad pedes Domini confidentes , *Optimam sibi elegerunt partem .* Eam quamdiu non deserunt ; sed orationi, Meditationi, alijsque pijs vacant virtutum exercitijs ; cum Mundo vix aliud commune habentes , quam quod in Mundo
ae

Luc. 2

Luc. 10

ac mortalitate viuant; de cætero, totum vel potissimū ipsorum studium est circa Regnum Dei, conuersatioque si nō tota, vt plurimum tamen in Cælis est.

His talibus, si, vel vbi reperiuntur: Quotidianam illam Mensæ Dominicæ participationem, & suaderem, & laudabiliter ab iisdem frequentari, ac iisdem recte concedi posse non dubitarem.

Cum enim non sint deteriores Christianis Primorum sæculorum (nam nec nunc abbreviata est manus Domini) Eorundem cur non gaudeant Quotidianæ Communionis priuilegio? Hoc, & pro His minimum euincere voluerint, Ambrosius, Chrysostomus, Augustinus alijque supra relati Patres.

tres, ad Quotidianam SS.
 Eucharistiæ sumptionem,
 tam ardentè excitantes.
 His nimirum fas sit, illi
 Paterno Ecclesiæ, per Tri-
 dentinum insinuato, obsequi
 desiderio: Optaret SS. Sy-
 nodus, ut in singulis Missis
 adstantes, non solum spiritua-
 li affectu, sed Sacramentali
 etiam Eucharistiæ perceptione
 communicarent.

Consentientes in hoc vi-
 deo, iisdemque suffragantes
 Asceticos, & rerum Spiri-
 tualium peritos PP. a. Se-
 cutos D. Thomam in 4. dist.
 12. ad 1. ubi cum præmis-
 set: Ex parte recipientis
 duo requiri. Scilicet desi-
 derium Coniunctionis ad
 Christum per amorem, &
 reuerentiam. Subdit: Si
 quis experimentaliter co-
 gnosceret, ex Quotidiana
 sum-

a Card

Mat-

thæ i a

Polon

Dial.

Exhor

pag,

44.

De

Ponte

Tr. 4.

de

Perf,

c. 6.

Iac.

Baius

de Eu

char.

c. 19.

*sumptione feruorem Amoris
augeri & reuerentiam non
imminui ; Talis deberet
Quotidie Communicare .*

*D.
Profe.
l. 2.
c. 77.*

*Secutos item D. Bonauen-
turam . Qui cum super Fre-
quenti Communione cui-
que facienda pronuntiaffet:
Quod non possit super hoc
Omnibus dari Regula uni-
formis . Varia enim sunt
hominum merita, & diuer-
sa operum studia, & diffe-
rentia desideria, & multi-
plices Spiritus Sancti ope-
rationes in singulis, & di-
uersi etiam status in ipsa
religione . Proinde : Sicut
agrotantibus non potest una
forma seruari in dandis me-
dicinis corporis, propter di-
uersitates complexionum, aut
loci, aut temporis, aut dietæ
considerationem; pro quibus
aut rarius, aut sæpius medi-
cina*

cina datur . Ita & de Medicina spirituali (quæ est Corpus Christi) intelligendum .
 Nam Mundanis curis occupati , rarius se possunt ad illud recipiendum expedire ; quàm illi , qui tantum Spiritualibus studiis sunt intenti . Aliqui magis vel minus circumspecti in custodia vitæ suæ , & in morum ac conscientiae suæ puritate . Alij etiam ardentiori desiderio trahuntur , ad illius salutaris cibi perceptionem : Alij verò quodammodo terrentur , cum deberent accedere .

Hæc inquam cum pronuntiasset atque adeo statuisset : *Quod vix aliquis ita Sanctus ac Religiosus esse videatur , exceptis Sacerdotibus . Quin semel in septimanam sufficiat ei ex Consue-*

suetudine communicare.

Addit continuo fauorabilem Exceptionem illam: *Nisi inquit specialis causa quandoque, vel ratio plus suadeat; idest infirmitas superueniens, vel singulariter festiuitas solemnis, vel inusitata deuotionis feruor, & intemperans desiderij sitis sit, pro illius susceptione; qui solus sufficit amanti Animæ ardorem refrigerare. Et quia talis ardoris impetus, nonnisi à Spiritu Sancto (ut creditur) infunditur: ideo legibus humane consuetudinis, & statutis mortalium non arctatur.*

Salubre tamen & utile esse, Concludit: Quod homo saepe ad illius Medicamenti sumptionem se prepararet; & post susceptionem, in studio deuotionis: se

se contineat, attentius tamen Religiosi, & qui obtulerunt se Deo, &c.

Ex his & similibus doctorum Patrum sententijs: Hæ, circa Frequentem Communionem, distinctius formari ac poni solent Regulæ.

I Vt Fidelibus timoratis ac pijs (maxime si circa tempus Communionis continenter viuant,) semel in hebdomada *ex ordinaria consuetudine* Communio suadeatur. Etiam frequentius in Infirmitate; vel si festiuitas solemnis, aut feruor deuotionis accedat.

2 Quod si autem Personæ aliquæ, à Matrimonio & sæculi desiderijs liberæ, Diuino iugiter intentæ obsequio; virtutum Exercitijs, sibi, deuotioni, ac Deo

va-

vacent: ijs ter, aut quater in hebdomadam, diuina frui mensa conueniens fuerit.

4 Immo & Quotidie inuitandos non dubitant. Potissimum, si adsit specialis Vocatio seu instinctus Dei. Quem ipsum Anima (Deo & voluntati ipsius addictissima, feruens ac amans) Cognoscet ex hoc potissimum signo: si famem, internumque communicandi desiderium in se excitari sentiat ex eo. *Primo*. Quod optet se Christo amanti, magis ac magis vnire; in ipso manere, ac ipsum manentem in se habere. *Secundo*. Quod sentiat ac experiatur, à sumptione necessitatibus suis remedium. Vt si afflictus, tentatus, pusillanimis, infirmus,

mus, experiatur melius se
habere, hoc sumpto Altaris
Antidoto ; ac propterea
illud vehementer desideret.

Tertio . Quod sentiat spi-
ritualem profectum, & fru-
ctus quos communio secum
adferre nata est ; vt si
crescat humilitas , mansue-
tudo , charitas Dei ac pro-
ximi, dilectio inimicorum ,
Resignatio sui, Reuerentia,
aliæque virtutes , quibus vi-
ta spiritualis animæ solide-
tur , ac crescat. Hæc si
adsint ; Indicium fuerit ,
aliquem à Deo singulariter
vocari : vt obtineat fructus
ac finem , ad quem hæc di-
uina mensa est instituta .:

Ego sto ad ostium inquit & Apoc.
pulso. si quis audierit vocem 3.
meam , & aperuerit mihi ia-
nuam, intrabo ad illum , &
Cœnabo cū illo, & ipse mecū .

His

His talibus, ut ultra ordinariam vitam viuentibus, ita & ultra ordinarijs fauoribus non indignis, insonuerit illud: *Venite, Comedite amici, & inebriamini charissimi*. Si tamen præcesserit illud: *Veni in hortum meum, Messui myrrham cum aromatibus meis*, Mortificationem scilicet, ac Sanctorum operum fragrantiam. *Inuitat*, inquit Ambrosius, *amicos, qui amant & amantur; desiderat eos comedere ac bibere, ut inebrientur*. Quod inquit Gregorius: *Est mutare iudicium, in eo quod antea sentiebat; sensum ac dictamina huius Mundi, in ea commutando quæ Christi sunt; & carnis fortitudinem, in eam quæ est Spiritus*. Qui tamen etsi inebrientur, non tamen saturati

Cāt. 1.

Super
Cant. 5Ho. 10
in Eze

rati manent, sed esuriunt ac
 sitiunt iterum. Nam vna
 communio, ijs est noua quæ-
 dam Vocatio, & inuitatio
 noua; quæ nouam famem,
 nouamque sitim excitat, vt
 dicant cum illis: *Domine* **Io. 6.**
semper da nobis hunc Pa-
nem. Panem nostrum quoti-
dianum da nobis hodie, Om-
ni die. Annuente ipforum
desiderijs, ac vltro inuitan-
te Domino: Venite Come-
dite, accipite manducate. In
funiculis Adam, inquit, tra-
ham eos, in vinculis charita-
tis, declinaui ad eum vt ve-
sceretur.

Osee
II.

Cæterum, in hac ipsa
 diuina speciali vocatione
 dignoscenda; ne innitantur
 prudentiæ suæ. Sed pru-
 dentis, peritique rerum spi-
 ritualium Moderatoris iu-
 dicio stent, moneo? Qui
 ha-

habito respectu Reuerentiæ
Sacramenti, ac necessitatis
ipforum; vbi debita adfue-
rit dispositio præparatioque,
statuat in Domino de Fre-
quenti, vel Quotidiano SS.
Eucharistiæ vfu, prout &
quando melius iudicauerit.
Non immemor tamen be-
nigni illius Ecclesiæ sensus,
per Concilium Tridenti-
num supra, in fauorem De-
siderantium explicati.

*Allicientia ad Fre-
quentem SS. Eucha-
ristia vsum.*

BOnum, est quod allicit .
Hoc cum triplex nu-
merari soleat ; Hone-
stum, Vtile, Delectabile :
Omneque in Frequentem
SS. Eucharistiæ vsum con-
fluxerit, alliciet quam maxi-
me.

Et verò, Honestum sum-
meque gloriosum quis du-
bitet? frequenter inuitari,
adhiberi, assidere mensæ
Regis Regum Christi, In-
time ac familiariter, ami-
ceque versari cum Dei Fi-
lio.

Delectationi explicandæ
G non

Ge. 49 non immoror : *Pinguis est
Panis, & delicias præbet Re-
Sap. 16*^a *gibus . Omne delectamentum
Ps. 15.* *in se habens . Delectationes
hic in finem . Gustate &
Videbitis , quam suavis sit
Dominus . Amici (inquit
Bernardus supra) Sponsi, gu-
stauerunt & plenissime sunt
experti quod diximus, ideoque
mensam Altaris frequenter
accedunt . Quod si Dei me-
minisse , cor viri Christiani
dilatatur ad gustum , Memor
Ps. 76. *fui Dei & delectatus sum .*
Quid non frequentia SS.
Sacramenti ? specialiter in-
stituti in Christi memoriâ ;
dulcemque, ardentissimæ il-
lius Charitatis in nos, com-
memorationem . Quid non
cor hominis dilatet , re-
pleat , gustu perfundat sua-
uissimo? illa reciproca, Chri-
sti & Fidelis Animæ Com-
mu-*

municatio Communioque,
non in amorem resoluat, ac
delicias? *Deliciæ meæ esse
cum Filijs hominum*. Fue-
rint ex verò reciprocè, De-
liciæ hominum cum Dei
Filio.

Quod si Vtili maxime
ducuntur homines. Fru-
ctus ac Effectus frequentati
SS. Sacramenti, cogita in-
numeros. Eos inde Meti-
re. Deum toties accipis, &
cum eo Omnia. Seipsum
dat Amanti Animæ; secum
autem omnia. Christi
præsentia, semper Vtilis,
fructuosa. Ingressus est do-
num Zacchæi, & *salus facta* Luc. 19
est. Domum Zachariæ ac
Elisabeth, & *exultavit præ
gaudio infans*, ab originali
liberatus: Visitavit, & fecit *Joit,*
redemptionem plebis suæ.
Domum Archisynagogi, &

Mar.9 *renixit filia . Petri, & Socrus liberata à febris .*

Luc.6. *scitatus Lazarus . Vbique virtus de illo exibat & sanabat omnes . Frequens ingressus , frequentes utilitates , sanitates afferet multiplices . Integros fructuum ac utilitatum libros huc non transcribo; passim prostant .*

§. I.

*Quæ ex Fide certæ sunt .
Pauculis innuo .*

VIta æterna, eiusque cum Felicitate consecutio ; nonne Bonum est, quod Animam Fidelem sui desiderio trahat? & ad ardua etiam quæq; sui consequendi

di desiderio impellat ?

Credis ne dicenti veritati ?

*Qui manducat hunc Panem
viuet inquit in æternum.*

Quantum autem ad hanc
vitam conferat, Frequenter
hunc Panem manducare ?
vel ex Concil. Tridentino
colliges : Optante, *vt Fideles Sess.*
sacra Myſteria ea fidei con- 13, c. 8
ſtantia & firmitate credant
& venerentur ; Vt panem
(inquit) illum Supersubſtan-
tialem Frequenter ſuſcipere
poſſint , & is verè eis ſit
animæ vita , & perpetua
ſanitas mentis ; cuius vigore
confortati , ex huius miſeræ
peregrinationis itinere , ad
Cæleſtem Patriam peruenire
valeant . Frequentia uſus
confortat, vigorem tribuit,
vt iter perficiatur , ac ad
cæleſtem perueniatur Pa-
triam . Nec mirum . Eſt

G ? enim

enim Panis hic Viaticum ;
seu vt inquit D. Thom.

Alimentum Viatorum ad
q 79. *Patriam* , cuius est : Viato-
a. 2. rem ad terminum deducere.

Idipsum adumbrante Man-
na illo , de quo filij Israel
per desertum , singulis fere
diebus colligebant ad man-
ducandum. Quod si Eucha-
ristiæ vsus , symbolum est
illius æternæ Communionis
cū IESV ; vt innuit D. Dio-
nyf. Areopag. *In qua eun-*

D.

Hier.

Eccl.

c 3. be

nè an

te finè

Trid.

sess. 13.

dem Panem Angelorum què
modo sub sacris velaminibus
Fideles edunt , absque ullo
velamine manducaturi sunt,
in æternum , vt inquit Trid.
Immo & aliàs Ecclesia
dum ait orando : Fac nos
Domine diuinitatis tuæ sem-
piterna fruitione repleri , quā
pretiosi Corporis & Sangui-
nis tui temporalis perceptio

præ-

*præfigurat . Vt symbolum,
 signum , ac præfiguratio
 æternæ communionis, cum
 temporali congruat ; cum
 æterna, futura sit iugis , af-
 fidua , non interrupta frui-
 tio ; temporalis Perceptio,
 frequens sit saltem , si non
 quotidiana, oportet . Quæ
 ipsa, cum certiores nos red-
 dat æternæ illius fruitionis;
 utpote *Confirmatio celestis*
hereditatis : Quis non sata-
 get per Frequentem sum-
 ptionem, certiozem redde-
 re fruitionem illam suam
 æternam ? . Eucharistia :
*Pignus est æternæ gloriæ, te-
 stante Ecclesia ac orante :*
*O Sacrum Conuiuium in quo
 Christus sumitur, recolitur me-
 moria Passionis eius, mens im-
 pletur gratia, & futuræ gloriæ
 nobis pignus datur . Pignus
 autem datur eo fine, ut cer-**

Ansel
 in 1.
 Cor. 11

tissimò persoluatur res aliqui debita ; vnde pro morali Effectu certo & proprio , habet certissimam solutionem & exhibitionem debiti . Et non exhibeatur Gloria , hoc præmissis Pignore ! . Gloria quidem Iustis debetur ratione Gratiæ : cæterum pro asssecuratione quasi , traditur illis (præsertim morti proximis) Eucharistia . Certior , magisque securus esse vis solutionis ? Pignus stabiliter retine , vt Cælo exhibeas . Quotidie si Cælo exhibeas ; Quotidie certus eris solutionis illius , ac vitæ æternæ .

Quanquam & ex alio quoque Capite , Communicanti spes certior affulget vitæ æternæ . Non credo negaueris , Christo deberi glo-

gloriam æternam ! Et Cō-
 municandi igitur . Quæris
 quâ ratione ? Vnum effici-
 tur cum Christo , idque
 ad finem resurrectionis
 gloriosæ . Verba sunt
 Veritatis : *Qui manducat* Io, 6.
meam carnem, & bibit meum
sanguinem in me manet &
ego in eo . Qui manducat
meam carnem & bibit meum
sanguinem, habet vitam ater-
nam ; & ego resuscitabo eum
in nouissimo die . Porro
 vnionem illam plusquam
 affectiuam, cum ex simili-
 tudine viuētis & Alimenti
 (quæ duo tandem ad essen-
 tiam, seu naturæ vnitatem
 perueniunt) SS. Patres ex-Iren.
 plicent, ac cum Chrysosto- l. 5. c. 2
 mo exclament : *Vnum Cor-*
pus sumus & membra ex
carne & ossibus eius . *Vt* Hō. 45
enim non solum per dilectio- in Io,
G 5 nem,

nem, sed reipsa in illam carnem conuertamur; per cibum efficitur quem nobis largitus est. Id commodi frequenter communicantes consequentur: Quod pluribus titulis Christo vniti, vnum corpus cum illo effecti, in illam carnem cui gloria debetur, toties conuersi; pluribus titulis, vnionibus ac vinculis, cum Christo Gloriæ innodati, Firmiori eandem spe teneant, ac certius consequendam. *Frequens vitæ participatio, inquit Basil. de Eucharistia, nihil aliud est, quam pluribus modis viuere. Dixerim ego: Pluribus modis cum Christo vnum fieri, est pluribus modis cum eodem cælum obstrictum tenere, eique inferi.*

Ep. ad
Cæsar.

Alios.

Alios quoque effectus, Vtilitates, & bona viciniora, viaque propria. Si requiras? Accipe:

Nonne vię ac peregrinationi nostrę nimis vicinum, ac ferę proprium est; pulvere inspergi, obfuscari, debilitari, languere? Clarius eloquor: Quotidianis scatere defectibus, Venialibus adspergi maculis? *Iustus sep-* **Pro.**
ties in die cadit. Si, qui di- **24.**
cit se peccatum non habere, **L. Io. 6**
mendax est; Si cinis ac pulvis sumus; ipsa exercitatione nostri vel motu, pulveres damus ac cineres. Nonne vero Quotidie, aut frequenter, ab his mundari

G 6 vel-

velles ! En modum præ multis alijs certiolem; quia Sacramentalem . Ipsam scilicet Frequentationem SS. Sacramenti .

Sess. 12. c. 7 Fides docet ex Tridentino . Quod SS. Sacramentum sit *Antidotum, quo liberamur à culpis Quotidianis* . Mundari igitur desideras frequenter ? Frequenter vtere, ac manduca . Etiam hic Caro Christi verè est cibus . Sicut enim ab alimento naturali frequentato, reficiuntur quotidie iacturæ , & recuperatur id quod deperditur, aut quod minuitur frequenti & continua actione caloris Naturalis ; eo quod deteratur vis aliqua conseruatua Viuentis . Ita per calorem Vomitis , seu deordinatæ Concupiscentiæ , veniales cul-

culpas passim inducentis;
Minuitur Virtus & effica-
citas Charitatis, non quoad
se ipsam ac habitum (qui
vel totus simul perit, vel
totus manet), sed quoad ex-
peditum vsum ac prompti-
tudinem, quam imminuunt
peccata venialia: vtpote quę
hominem minus dignum
faciunt Auxilijs frequētib;
(Sacramento alioqui specia-
liter annexis) ad actus Cha-
ritatis frequenter exercen-
dos, atque ad augendam &
promouendam vitam spiri-
tualem conducentibus.

Has igitur iacturas & im-
minutiones, reficit, ac resti-
tuit SS. Sacramentum. Cul-
pas nimirum veniales tol-
lendo; idq; se ipso immedia-
tē, sine vllis alijs dispositio- S. Th.
nibus: sola non complacen- q. 97.
tia sibi in iisdē pręsupposita. 2.9.

O

O quantum inde solatium! Quanta Quies Animabus, nitorem ac munditiam Cordis diligentibus! Sola frequentatione Corporis ac Sanguinis Dominici, frequentes suas maculas dum eluere, seque per Communionem vnā, alteri Mundas sistere posse cogitant, vereque credere:

1. Io. 1.

Quod Sanguis IESU Christi emundet nos ab omni peccato; Saltem veniali.

Nisi & hoc solatium augeat: quod Ecclesiæ testimonio, Eucharistia sit

Ablutio scelerum.

Quo nomine, etiam grauiā peccata veniunt. Adeoque SS. Communio & Sanguis Christi, non solum nos emundet à Venialibus, sed etiam à Mortalibus. Non quidem ijs quorum habemus

mus conscientiam ; sed ab
ijs, quæ vel per obliuionem,
alioque modo nobis occulta
sunt, vel quorum quidem
Conscij & confessi, sed for-
tasse de ijsdem non suffi-
cienter Contriti sumus. Hæc
omnia tollit venerabile Sa-
cramentum, D. Thoma &
Theologis compluribus, id
constanter affirmantibus.

Q. 79.
2. 1. ad
3.

Si igitur & Tibi (quod
aliàs multum timoratis eue-
nire solet) accidat, vt inspe-
cta etiam diligenter con-
scientia, nullo grauiori oc-
currente peccato, adhuc ta-
men de occultis timeas ;
ideoque de indignitate tua
ad frequentandam diuinam
hanc mensam sollicitus, ac-
cedere reformides : vel ex
hac ipsa formidine , neces-
sitatem Frequentandi tibi-
metipsi imponito . Certus,
quod

quod occulta peccata non modo non officiant; sed & penitus, per sumptionem Corporis Dominici, delectantur. Ut adeo, tanto securior de venialibus, & de occultis mortalibus ex Anima penitus sublatis, certior esse possis; quanto Frequentius Communicaueris.

2 Sed & de Periculo, labendi in Mortale peccatum, Excidendi gratia diuina, Amittendæ vitæ æternæ; Nonne es sollicitus?

O nobis adsit Modus ac medium! quo procul ab hoc positi periculo, tanto certiores euadamus, vitæ æternæ consequendæ!

Ne procul quæras; Modus ac medium est, Frequentatio SS. Sacramenti.

Sess. 13 di Tridentinum: *Quo in-*
C. 21 *quit liberemur à culpis Quo-*
ti-

tidianis . Et à peccatis mortalibus præseruentur . Edixerat iam ante Florentinum : Omnem effectum ; **Sess. 25. in**
quem materialis cibus & potus quoad vitam agunt Corporalem ; sustentando , reparando , delectando : Sacramentum hoc , quoad vitam operatur spiritualem . **decr. Eug.**

Etiam hic Caro Christi vere est cibus, & sanguis eius verè est potus . Cibi corporalis est, vitam conferuare , & ab incurfibus contrarijs eandem defendere ; ac proinde à morte (quantum limites humanæ mortalitatis patiuntur) præferuare . Idque præstat sustentando , augendo , reparando , delectando : quæ fere, a Frequentato nonnisi cibo fufficienter haberi poffe , in confeffo eft . O quam effi-

efficaciter ? quam proportionate idem præstat Animæ, Caro & Sanguis Christi ! Augendo nimirum ipsam Animæ vitam ; & Voluptatem in bonarum actionum exercitatione, ac prauarum depulsione ingenerando . Dæmonis aut fugando præsentiam , aut Vires ipsius debilitando . Fomitum Concupiscentiæ coercendo . Vt mirum non sit, Effusis in Vitia , sæpe tanquam præsentissimum, à spiritualibus Viris Medicisque præscribi remedium ; vt frequenter communicent , si resipiscere , ac continenter viuere velint : Alimenti huius (*Quod est frumentum Ele-
etorum, vinum virgines germinans*) Qualitates, per frequentem attracturi Vsum.

Mo.

Zach.
9.

Modum ac viam, Præferuandi à grauiori lapsu ac morte, si curiosius (eo fine, vt tibi certius persuadeas) inuestiges? . Melior si non occurrat, hunc accipe.

SS. Eucharistia cum sit verè cibus; non est nisi Viuorum per Gratiam. Cum sit Sacramentum; Confert Gratiam Iusto, proinde Augmentum Gratiæ. Itaque quo frequentius sumitur; eo maius ac maius augmentum Gratiæ. Iã, Nouo ac maiori augmento gratiæ, Noua & copiosa debentur Auxilia. idque ad Gratiam homini collatam, Integram conseruandam: Quandoquidem hæc, Tota nonnisi, non verò per partes, perire possit. Vt adeò multo felicius Cibus iste concurrat, ad conseruandam spiritua-
lem

lem Animæ Vitam ; quam
 Cibus corporalis. Hic enim
 si affert partem Vitæ Vi-
 uenti; plerumque supponit
 Partem aliam deperditam .
 Cibus verò Eucharisticus,
 affert Semper incremen-
 tum augmentumque Gra-
 tiæ, sine decremento Gra-
 tiæ. Et vitam proinde
 ipsam auget ; quò Anima
 vitam habeat ac abundan-
 ter habeat : Et copiosos
 subministrat spiritus, adiun-
 git subsidia , quibus de-
 fendatur ab extrinsecis, pe-
 riculum intentantibus: San-
 guis Christi (inquit Chryso-
 stomus) quamprimum ac re-
 pente Animam irrigat , vi
 quadam magna imbuit , &
 mobilitatem Animæ , (quam
 semper irrigat & nutrit) lan-
 guere non sinit .

Ho. 45
 in Io.

Porro Auxilia subsidia-
 que

que illa, cum sint sanctæ
 Inspirationes, illustrationes,
 gustusque quibus præueni-
 tur Anima; proportionate
 ad Alimoniam, Eidem A-
 nimæ ingerunt suauitatem
 ac dulcedinem: Tum in-
 rectis, spiritualibus, ac æter-
 nis secundum Deum Ratio-
 nibus amandis: Tum in-
 contrarijs, Mundi, Carnis,
 ac malis suggestionibus o-
 diendis. Suauitate verò
 illa, vbi Anima delibuta est;
 prompte ad Bonum profi-
 lit, malo resistit. Est enim
 vt Aristoteles ait: *Mater*
operum voluptas. Tradit-
 que D. Augustinus: Esse
 ingens gratiæ Beneficium;
 si in bonis agendis, & malis
 fugiendis, voluptas nobis
 sensum ingeneret. *Benedi-* Lib. 2.
ctio dulcedinis est gratia Dei, ad Bo
qua fit in nobis, vt delectet, nif. c. 9
 quod

quod præcipit nobis. Sicut proinde Cibus, spiritus subministrando hoc præstat, ut cum oblectatione versemur in Actionibus; quas deficiente alimonia, ægre ac languide susciperemus. Ita Caro Christi subministrans Auxilia, facit cum iisdem nos delectabiliter operari bonum, & odisse malum. Sicut adipe & pinguedine repletur Anima: Ut labijs exultationis laudet, suis in operibus, dominum.

pl. 62.

Quodsi præservatio à malis, plerumque obtinetur, magnam partem pugnando, & resistendo suggestionibus diabolicis: Summo pere ad hoc iuvat ac confert, Christi præsentia. Dignitatem præsentis si cogites; Quomodo te ad tam vilia & caduca quæ suadentur

tur , demittes ? Inspi-
 cientem te , stantem in me-
 dio tui , tui ad auxilium Si
 credis ; quomodo non fi-
 denter, quodcumque certa-
 men cum hoste subeas ? di-
 casque cum Psalte : Si ex-
 urgat aduersum me praelium **ps. 16.**
 in hoc ego sperabo . Nihil **ps. 88.**
 proficiet inimicus in nobis ,
 & filius iniquitatis non ap- **ps. 59.**
 ponet nocere nobis . In Deo
 faciemus virtutem , & ipse
 ad nihilum deducet tribu-
 lantes nos . Sicut deficit su- **ps. 67.**
 mus sic deficient . Quis nos
 separabit à Charitate Christi ?
 Exurgat Deus & dissipentur
 inimici eius, & fugiant qui
 oderunt eum à facie eius .
 Fortitudo & laus mea domi-
 nus, & factus est mihi in sa-
 lutem, & c. Tanquam Leones
 Ignem spirantes ab illa Mē-
 sa recedamus , facti diabolo
 ter-

aChry.terribiles . a.

ad pop Festate igitur Frequen-
ho 61. ter ad Eucharistiam & glo-
riam Dei accedere. (Omnes
cohortatur ac monet S. Igna

Ep. ad tius Martyr.) Quando enim,

Ephes. inquit, hoc Assidue agitur;
expelluntur potestates Satha-
ne . His expulsis: procul ab
hoste ; procul à periculo ,
adeoque de timore inimi-

Luc. I. corum nostrorum liberati ;
feruiamus illi, in Sanctitate
& Iustitia coram ipso, omni-
bus diebus nostris . Vt fina-
liter tandem cum Apostolo

2. Tim. dicamus : Bonum certamen

4. certavi , cursum consummaui,
fidem seruavi : in reliquo re-
posita est mihi corona Iu-
stitiæ . Cuius pignus in Sa-
cramento recipimus .

Plura si desideras ? Quæ-
re. Et in fonte gratiarum ,
Omnia reperiēs : Corpus
Chri-

Christi agris est medicina, peregrinantibus via, debilibus fortitudo; valentes delectat, languores sanat, iracundiæ motus sedat, mansuetos efficit, ad laborem patientes, ardentes ad amorem, sagaces ad cautelam. Breuibus multa in vnum congeffit mellisuius doctor. Quot bona tot illicia. Quæ si nondum trahunt; accendat & stimulet, Bonorum ac utilitatum nostrarum studiosissimæ vox Sapientiæ: Venite (in plateis clamat) comedite. Mecum sunt diuitiæ & gloria, ut ditem diligentes me & thesauros eorum repleam; Thesauro, in quo sunt thesauri sapientiæ, & scientiæ Dei. Vnum tamen Monitos inquit velim: Qui Mane vigilant ad me, inuenient

H nient

Scr.
de
Coen.
Dom.

Proui
8.9.

nient me . Intentos , solictos desiderat , ac Frequentes . O igitur, *anticipauerint Vigiliis oculi nostri*; omnique
ps. 76. Mane , vel minimum frequenter, vigilemus ad fores Domus Dei , & obseruemus ad postes ostij ipsius . In-
 tromissi enim, cum Corpore Filij eius , inueniemus Vitam; & cum sanguine , hauriemus salutem à Domino . Quam liberaliter impertiet ijs , *qui præuenient*
Sap. 16 *Solem ad benedictionem , & ad orientem lucis, cum fideliter, constanterque sumendo, adorabunt .*

CAP. VI.

*Retrahentia à Frequenti
usu SS. Sacra-
menti .*

TRahimur omnes Bono . Trahit & suam quemque voluptas . Et non trahat Animam rationalem æterna Veritas ? ad se, suique frequens inuitans ac alliciens consortium ? *Venite, Accipite, Comedite , Hoc facite .* Quomodo non accurrerent ! Non festinarent, amantes Animæ ! vel raptæ in odorem Primorum sæculorum; vel tractæ vinculis charitatis !

Sæpe tamen , etiam hic rem suam agit ille Vetera-

tor. Cuius inuidi sunt illa consilij: *Venite mittamus lignum in Panem eius*. Si quidem (vt exponit Hieronymus) se ipsum viuum Panem appellat, mittamus Crucem in Corpus eius. Crucifigamus panem hunc ligno; vt nimirum inde intoxicatus, ab vsu suo deterreat; vel comedentem occidat. Is igitur inquam: Ne diuinus hic Cibus in Frequentem vsu, nè in Quotidianum transeat Panem; Quæ non impedimenta ponit accedentibus, quæ non immittit Ligna! quas Cruces, linguasque persequentium! quæ non fingit pericula, obijcit terculamenta? Vt vel omnino à frequenti vsu deterreat, vel eundem amarũ, insipidũ reddat, ac fastidiosũ.

Cæ-

Cæterum *Vincenti datur* **Apo. 2**
Manna. Per ardua, ad Christi
 consortium Amantibus
 enitendum. Amor ignis
 est, cui hæc ipsa Ligna, fo-
 mentum dabunt; vt magis
 exardescat in amorosum
 Christi complexum.

Quanquam, quam cario-
 sa, quam debilia! verbo,
 quam lignea sint omnia,
 vt constet; attingere hic, ac
 pertentare leuiter aliqua,
 non oberit.

S. I.

Periculum Iudicij.

PRimum ac Palmare,
 quodque ad terrorem
 faciat; petatum est ex illis
 Apostoli verbis: *Qui in- 1. Cor*
digne manducat & bibit, Iu- 11.
diciu sibi manducat & bi-
 H 4 bit,

bit, non dijudicans Corpus Domini. Iam verò in Frequenti Communione periculum esse Iudicij, inde (inquiunt) constat. Quod nemo sciat, Vtrum dignus

Eccl.9 *fit : Nescit homo utrum amore an odio dignus sit.*

Matt. 8. *Nemo item sine peccato est. Immo omnes vere dicimus : Domine non sum dignus, ut intres.*

Proinde à Frequentatione tam periculosa abstinendum, raro Communicandum.

Sed enim verò. Quis non videt? quam hæc leuia, quam in consulta terculamenta. Quæ si quid virium habent; Non solum à Frequenti, sed prorsus ab Omni Vfu SS. Sacramenti auocant.

Sic enim ago. Qui vel semel indigne manducat,
Iu-

Iudicium sibi manducat .
 Sed etiam in Vna sumptione,
 periculum Iudicij (quia
 & indigne sumptionis) hac
 qua dicis ratione reperitur .
 Quis enim scit? quod vel
 semel dignè accedat . Cum
 nemo sciat, vtrum odio vel
 amore dignus sit ? Nemo
 sine peccato . Semper verò
 dicimus : Domine non sum
 dignus, vt intres . Proinde
 etiam à rarissimo, immo &
 ab omni Vsu , prorsus ab-
 stinendum esset . Cum ta-
 men, non minus e contra,
 horribile sit , illud Christi :
Nisi manducaueritis carnem
Filij hominis , & biberitis **Io. 6.**
eius sanguinem, non habebitis
vitam in vobis .

Si igitur dictum Pauli ,
 quempiam à Raro vsu SS.
 Sacramenti non reuocat ;
 Nec à Frequenti , immo

H 4 nec

nec a Quotidiano usu reuocare debet. Verissimum quidem esse dictum S. Pauli, nemo est, qui dubitat. Verum tamen etiam est: In Frequenti Communione, Nullum reperiri Periculum Iudicii; quod non reperitur in Vnica sumptione.

Immo, minus periculum est in Frequenti Communione, planeque Nullum.

Quantum enim ad Dignitatem Sumentis, quæ adesse debet, *ne Iudicium sibi manducet*. Cum Dignitas in præsentī Triplex cogitari possit. *Prima*: Quæ sit Coæquatio perfectionum Sumentis & Sumpti. *Secunda*: Quæ sit possessio quædam Virtutum in eminenti gradu. *Tertia*: Quæ sit dispositio quædam à Deo requisita, ad manducan-

candum Corpus Domini .

Clarum est, quod *Primi*
generis Dignitas , sicut im-
 possibilis est Creaturæ; ita
 nec ab ea requiritur . Quam
 proinde , nec ipsa habere
 potuit Beatissima . *Secun-*
da verò , Ad euadendum
 Iudicium non requiritur, vt
 supra constitit . Et alioqui
 ordinariam Vitam agentes, cap. 2.
 defectu ipsius , à Commu-
 nione perpetuo arcendi es-
 sent . *Tertiam* verò , Quis-
 que habere debet . Sed cum
 ea non alia sit : Quam non
 sibi conscium esse peccati
 Mortalis , quod commise-
 ris ; vel quod nondum sis
 Confessus . Hoc ipsum Qui-
 libet scire potest facile, facta
 Humana, Morali, mediocri
 diligentia , in discutienda
 propria conscientia . Si
 enim facta ea diligentia ,

H 5 ni-

nihil occurrat menti ; licet reuera Peccatum aliquod occultum lateret in Anima , hoc Sumentem non redderet Indignum . Sed vel per dolorem , vniuersaliter de omnibus peccatis elicitum in Confessione ; vel per actum Contritionis , extra Confessionem : Immo per hoc ipsum SS. Sacramentum eiusque sumptionem (vt cum D. Thoma supra , plures Sentiunt Theologi) tolleretur .

Scire igitur potes Moralliter (quod sufficit) Te non esse Indignum .

Immo quo Frequentius accedis ; eò facilius ac certius scire poteris . Quo enim Frequentius quis Communicat ; eo Frequentius se Probat , & dijudicat . Quo Frequentius se Probat
ac

ac inspicit ; eo melius ac expeditius scit Animæ suæ statum . Qui autem Vitam viuens Communem , bis vel ter in Annum , Conscientiam suam inspicit ac Probat ; Quantorum ipsum obliuisci continget ! quanta latere ! Ideoque hi tales , Probatione longiore diligentioreque indigebunt .

Quotidie verò attentus ad vitam & actiones suas , Cautus semper ac circumspectus ne peccet grauiter , Abstinens etiam à grauioribus plerumque, deliberate saltem, committendis venialibus ; Et si forte in aliquod Veniale incidat, grandi sollicitudine vel remorsu continuo inquietus, in tantum vt etiam volentem sui commissi obliuisci, non sinat Conscientia ; do-

H 6 nec

nec vel per dolorem, vel per Confessionem, expietur. Hic inquam talis, procul dubio vel leui inspectione sui, scire potest Moraliter, ac etiam prudenter de se præsumere; quod si inspecta Conscientia nihil occurrat, se non Indigne (Quia sine conscientia peccati Mortalis) accedere. Vnde igitur periculum? Cur à frequentatione huius Mysterij, illi abstinendum iudices?

Eccl. 9 Illud quidem : *Nescit homo, utrum amore an odio, dignus sit. Vel intelligendum est, de odio vel amore, statuque Finali: ut ex sequentibus ibidem colligitur. Vel de Scientia supernaturali, per reuelationem sibi à Deo factam. Qualem Ecclesia pro auer-*
ten-

tendo periculo Iudicij, à
 suis Fidelibus non requirit.
 Sufficit scientia humana,
 eaque Moralis, ex pruden-
 tiis (vt dixi) Coniecturis ac
 contingentijs orta.

Sine peccato autem Mor-
 tali, quisque esse potest cum
 Dei auxilio. Licet omnia
 Venialia simul, euitare ne-
 queat, sine speciali Dei au-
 xilio: sed hæc Iudicium,
 non inferunt ex sumpto in
 ijs Sacramento.

Recte tamen adhuc, &
 ex Vero dicimus acceden-
 tes: *Domine non sum di-*
gnus, vt intres. Quia (vt aliàs
 innui) Dignitas ad SS. Sa-
 cramentum percipiendum
 requisita, Non tam est
 dignitas, quam non indi-
 gnitas; Qua stante, adhuc
 se quis congrue vt par est,
 magis ac magis per virtu-
 tum

tum actus, & exercitia disponere potest, ac ex Conuenienti etiam deberet.

Et in hac congrua dispositione, cum plerumque deficiamus; nec agimus quod Conueniens esset, ac possemus: recte ac ex vero nos *Non dignos* appellamus, fatemurque, nobis deesse Dignitatem. Non tamen, nos dicimus *Indignos*; quod inferret, Nos non dijudicare Corpus Domini, Nec probasse nos; secus quam vere egissemus. Rectè

Ep. ad etiam D. Bernardus: *Dicimus, Domine non sum dignus: Non temeritate indicandi, sed humilitatis reputatione. Sic & Paulus de se: Quorum, scilicet peccatorum, ego primus sum; non mentiendi præcipitatione, sed æstimandi affectione. In-*

ten-

tendimus, adhuc dicere: Non sum dignus *Ex me*, quantamcumq; posuero dispositionem; nisi tua Misericordia hoc modicum quod pono acceptare, & per gratiam tuam dignificare volueris. Quare dic tantum **Rō. 8.** verbo, & sanabitur, dignificabitur Anima. Certe si non sunt condignæ Passiones huius temporis ad futuram gloriam: & tamen de hac ex vero dicit Paulus: *Quam reddet mihi, Iustus index.* Si **2. Tim. 4.** item cum omnia fecerimus, verum adhuc dicimus: *Serui inutiles sumus, quod facere debuimus fecimus.* Multo magis, Inutiles, Non dignos nos ex vero pronuntiabimus; cum non fecerimus omnia quæ potuimus, quæ congruenter facere debuimus.

Pe-

Periculum idem urgetur :

AT cum his omnibus ,
quæ dicta sunt, adhuc
in Scirpo Nodus , in Tuto
quærentur Pericula .

Ad Dignam (potius Non
indignam) susceptionem
SS. Sacramenti ; Proba-
tionem sui , inspectionem
Conscientiæ requisivimus.
Ab hac ipsa Nouæ difficul-
tates, Nouæ enatæ formidi-
nes ; quæ à Frequentatione
deterreant.

In hac ipsa (inquiunt) dif-
finitione probationeq; Con-
scientiæ, adhuc negligentia
committi potest ; quæ pe-
riculum faciat Iudicii, ac in-
dignæ sumptionis . Pro-
pter eam igitur vitandam ,
a Frequentatione desisten-
dum.

dum . Ne autem (pergunt)
 prætendatur Magna Vtili-
 tas , Bonum , ac Fructus
 Communionis ingens; pro-
 pter quæ honestum sit , in
 aliquale sese immittere pe-
 riculum, modo non sit cer-
 tum ac euidens; sicut hone-
 stantur itinera , terra mari-
 que Bona quærentium . Ne
 hoc, inquit, prætendatur.
 Eadem (aiunt) commoda ac
 Vtilitates , haberi possunt
 Tutiori Via; Rarus licet sit
 Vfus Sacramenti.

Si requiras Qua via ? Via
 inquit

Communionis spiritualis .

A qua, cum omnia Bona
 æque sperari possint; Ipsa
 autem nulli periculo , quia
 nec discussione , vel negli-
 gentiæ in ea committendæ
 subiaceat ; Tutiora autem
 semper tenenda sint : Fre-
 quens

quens Sacramentalis Communio, Vt minus tuta est, ita laudabilis esse nequit. Ita illi. Sed hæc lignea, Igni non officiunt. Age enim?

Tantone opus erat rationum molimine! Vt euinceret etiam hic: Ne raro quidem, nè bis vel ter in Annum communicandum esse. Quomodo? Attende. Sumptio SS. Sacramenti etiam rara, adhuc eget probatione ac discussione sui. Hæc ipsa fieri potest cum Negligentia, proinde cum periculo Iudicij. Accessum etiam rarissimum, non honestabit Vtilitas Sacramenti: Quia per Communionem Spiritualem eadem haberi potest. Tutiora autem semper sequenda. Rara igitur, bis vel ter in an-

annum Communio, nec tuto nec laudabiliter concedi potest. Quid dices? nescio.

Pro Sacramentali Communionem, eiusque Frequentatione, audio D. Bonaventuram. Cuius sensus est: Quod ^{in 4.} ^{Com-dist. 12.} etiam si *securius* esset, Communicare spiritualiter quam ^{q. 2.} Sacramentaliter; *Vtilius* tamen adhuc sit, Communicare Sacramentaliter. Si igitur propter utilitates non leues, honeste aliquale subitur periculum; honeste quoque ac laudabiliter, sancteque Frequenter communicabitur. Quod si Alios audire placet. dicent cum Adriano in 4. Non solum *aeque*; sed *magis tutum* esse Communicare Sacramentaliter, quam spiritualiter tantum. Qua ratione?

Edif-

Edisserunt .

Illud inquiunt censetur minus securum; vbi regularius accidit periculum detrimenti . Hoc verò magis contingit in spirituali, quam Sacramentali Communionē . Frequentius enim, quis accedendo; virtute ipsius Sacramenti (quod vocant ex opere operato) cum alioqui peccati reus esset, ipsius peccati veniam consequitur potius, quàm ex noua sumptione nouo peccato se obstringat: Facta, tamen humana, morali, mediocri diligentia, quæ homini (potissimum frequenter Communicanti; adeoque conscientiam suam toties inspicienti) & factu & scitu facillima est . Cum è contra spiritualis Communio, ea Vi remissiua carens; homi-

mi-

minem in occulto suo peccato si forte adsit, adeoque sine fructu sui, relinquat.

Quod si autem aurem ac assensum præbeas ijs, qui cum Tridentino, ad Communionem spirituales fructuosam, etiam merito requirunt dispositionem, quæ ad Sacramentalem præmittenda esset; (quantum nimirum ad Conscientiam immunem à mortali, fidem vivam, ac dilectionem.) *Aequale* utrinque statues adesse *periculum*. At insuper, longe *Minorem utilitatem* spiritualis, quam Sacramentalis Communionis, fateberis cum D. Thoma. q. 80. Ut vel propter hoc ipsum, a. 1. ad hæc illi iure præferenda sit, ac frequentanda.

Quamquam his omnibus missis; sicut non se culpabi-

biliter exponit periculo
 mortis is, qui remedia adhi-
 bet; ex quibus verosimili
 coniectura colligit, consecu-
 turū se sanitatem. Nec ille,
 qui se peritis credit Medicis.
 Ita nec ille, qui innixus con-
 silio, periti vitæ ac con-
 scientiæ suæ Magistri, ad
 Vitam accedit Frequentius.
 Ne quid amplius dicam :
 Plane te contendere vt
 euincas; Christum ipsum
 ac Ecclesiam, Fideles suos
 periculis vltro obtrudere,
 contra Charitatis ac Pieta-
 tis leges: dum Alios im-
 prouide (ex tuo sensu) ce-
 lebrare iubet Frequenter.
 Alijs Frequentem Vsum
 iniunxit, vei ad minimum
 suasisit, suadetque per Tri-
 dentinum toties repetitum.
 Cum alioquin (eodem tuo
 ex sensu) per Spiritualem
 Ce-

Celebrationem , ac Communionem , eisdem planè fructus, Vtilitates, ac bona consequi posset , quæ intendit : omiffa reali Sacramentali .

Sed hac ipsa occasione , pro meliori intelligentia, vt constet

*CIRCA SPIRITVALEM
COMMUNIONEM.*

*Quid sit ? Vtrum ? &
Quâ frequenter instituenda ?*

Ad primum , Ex mente Doctoris Angelici sic accipe : Quod sit Desiderium , procedens ex Fide per dilectionem . Seu Feruens ac efficax , diuinum hoc Sacramentum suscipiendi votum seu desiderium .

Vel si mauis Ex ipso Trident. sess. 13. c. 8. spiritualiter tantum sumere illos , qui Voto propositum illum

cæ-

cælestem panem edentes,
Fide Viua quæ per dile-
ctionem operatur, fructum
eius & vtilitatem sentiunt.

Feruens igitur esse debet,
Fidei, Spei, & Amoris acti-
bus imbutum desiderium.
Efficax quoque sit oportet :
hoc est, cum animo adhi-
bendi media. Proinde ta-
le, vt omnino paratus esset
quis communicare Sacra-
mentaliter, quantum ex illo:
Verum quia ab hoc ipso
faciendo, rationabili aliqua
causa prohibetur; Affectu
sumit, quod ore continge-
re hic & nunc non datur.
Et tunc locum habet illud :
Voluntas stat pro facto.

Quod si verò quis sine ra-
tionabili causa; ex mera
desidia, indeuotione, fuga
alicuius difficultatis in se,
præparando, aut tepiditate, à

Sa-

Sacramentali susceptione
abstinet; nec cum facile
posset, media accedendi
adhibet. Is, spiritualiter
Communicare fructuose vix
poterit. Cum desiderium
efficax suscipiendi, non ha-
beat. Quidquid sit, quod vel-
leitas quædam adsit, dicique
de tali possit: *Vult & non* **Prou.**
vult piger. **13.**

Ex his ipsis clarum est.
Quod Modus Communi-
candi spiritualiter sit. Excita-
re in se, feruens ac efficax
desiderium, recipiendi Chri-
stum Sacramentaliter. Quod
ipsum desiderium, cum ad
Communionem Sacramen-
talem supponatur: Constat,
quod Sacramentalis Com-
munio, Communionem spi-
ritualem requirat. Licet
autem spiritualis Commu-
nio, fieri possit sine Sacra-
men-

menti; fieri tamen non potest, nisi ab ijs; qui Mundo Corde sunt, hoc minimum sensu : quod affectum peccandi grauitur, posuerint. Cum enim Christus Sacramentaliter recipi non possit, nisi munda Conscientia; nec igitur, eundem efficaciter hic & nunc recipiendi (quantum est ex te) desiderium habere poteris; nisi ut pura Conscientia admittendum, per Actum doloris (ut minimum) emundata. Velle enim, & paratum esse (quantum de se) Christum recipere, in, & cum affectu ad peccandum; peccaminosum foret.

Vtrum autem Consultum sit, Frequenter Communicare spiritualiter?

Dubium esse nequit scienti : Quod desideria Pauperum

rum exaudiat Dominus , & preparationem Cordis eorum audiat auris eius . . Quò eodem visitatione gratiosa , bonisque suis cumulet, ac iusta eorundem expleat desideria . . Quibus eò proficit deuotus ille Christi famulus . Vt dum ore per infirmitatem non posset ; desiderio, Christum per ipsa viscera intro ad cor traxerit . Cum verò in hoc liberior sit Communio spiritualis , vt etiam frequentius in diem iterari possit .

Ioan.
Rho:
orat.
17.

Minimum igitur bis in diem, usurpabitur; Matutinis scilicet ac vespertinis horis, Prandio ac Cœnæ respondentibus . Si enim vt ait Bonau. hanc horam , sumendo quotidie Corporali Cibo designamus , & si tunc occurrat necessaria aliqua occasio , ho-

de Myst
Theol.
c. 3 p. 3

ram illam præuenimus aut extrahimus, ut occasione finita Cibum sumamus: Magis erit rationi consentaneum, horam præscriptam habere; ad Spiritualem Animæ refectionem quotidie sumendam, Non enim decet, maiorem ancillæ quam Dominiæ curam habere, & carnem præscripta hora frui conuiuio, animam suam fraudari. Cum etiam grauior sit Spiritus, quam Corporis necessitas. Sed hæc incidenter. Redeo ad propositum circa ea, quæ à Communionem vulgo retrahunt.

Reue-

§. III.

Reuerentia.

Summa Christi Dignitas (inquiunt) postulat; ut recipiatur cum Reuerentia, Timore, ac Deuotione maxima. Ab hac plerumque deficiunt frequenter Communicantes. Et ratio quidem in promptu est: *Nimia quippe familiaritas, sensim parit contemptum.* Quia familiares esse incipiunt Christo; eundem sumunt intrepide, minus accedunt reuerenter ac deuote. *Raritas, facit pretium ac reuerentiam.* Hæc igitur aiunt præeligenda. Sed audiant.

Hoc nēpe est (iterū exclamat Chrysost. quod Vniuersa Ho. 3. in Ep.
perturbat, Quia non mundi- I. ad Tim.

tia animi, verum intervallo
temporis longiori meritum
putas, summamque arbitra-
ris Reuerentiam ac religio-
nem esse, si non saepius caele-
stem illam adeas mensam.
Ignoras, quoniam indigne ac-
cedere, etiamsi tantum semel
fiat, te supplicio tradet; digne
verò etiamsi saepe accedas, sa-
lutem inde conquires. At
nos adeo stulti, &c.

2. Io. 4

Fateor, omni Reuerentia
dignissimum esse Dei Filium;
sed simul & Amore: qui
quo perfectior est, eò ma-
gis foras mittit timorem,
seruilem maxime, poenas
metuentem ac flagella. Ma-
gna item Virtus est, Timor
ac Reuerentia; sed Maior
horum Charitas ac poten-
tior. Cumque ex Nimia
Charitate eaque finali, se

1. Cor.

13.

ipsum Christus nobis in-

vsum

usum ac Cibus proposuerit; Amorem certè (cuius est trahere, vnire, coniungere) in ijs quæ hoc Sacramentum concernunt, finaliter prædominari conuenit; Nosque allicere, manu ducere, frequenter vnire, ac sistere illi, cuius *deliciae sunt esse cum filiis hominum*. Quos ut tanto efficacius traheret, alliceret fidentius; eisdem per omnia assimilatus est: *Habitu inuentus, ut Philip homo*. Nunquid autem, ^{2.} contemptibilior Christus in Bethania? quia eam reuisebat frequentius? Aut in domo materna Virginis? quam inhabitabat assiduo.

Familiaritas parit Contemptum: Sed inter, & apud Vulgus mobile; non apud Prudentes, sibi que constantes Viros. Vis scire Quare?

Vulgus plerumque capit-
tur ijs, quæ hic & nunc non
capit, nec cognoscit aut
comprehendit; suspicit ea,
quæ inusitata aliqua specie
sui, admirationem faciunt:
admirationis autem mater
est, Nouitas raritasque. Ra-
pitur quoque ijs, quæ de-
foris rem exhibent ac circum-
stant. Quæ omnia, cum vel
Frequenti, vel assiduo tol-
lantur usu; vel demum rem
circumstare desinant: Hinc
Vulgus Rem ipsam, Vt
admirari; ita & suspicere
ac æstimare desinit. Pru-
dentiores verò, Rem ex
æquo (hoc est secundum
quod ipsa est) maiori-
facilitate cum penetrent,
eiusque perfectiones ac di-
gnitates æstiment: Qua-
diu res eadem, iisdem cum
perfectionibus sibi constat

ac

ac remanet, eandem de-
propè & de longè, de fre-
quenti & de raro vfu, con-
stanter retinent æstimationem,
exhibent venerationem ac reuerentiam. Non
enim habent vnde minus
æstiment, Re eadem, iudi-
cioque suo manente eo-
dem.

Quodsi autem hoc ipso
non obstante, inter homines
Quandoque *Nimia familiaritas*
Contemptum pariat; id ex eo
provenit: Quod
mortalium nullus, ita nume-
ris omnibus absolutus ita
perfectus sit; quin suum
habeat nisi, suoque laboret
defectu. Qui cum sensim
se prodere soleat; per fre-
quentem vsum ac familia-
ritatem (etiam vel maxime
diutissimeque occultatus)
tandem prorumpit & agno-

scitur; atque opinionem
 æstimationemque de ali-
 quo prius Conceptam, ma-
 gis vel minus, pro defectus
 ratione deterit ac immi-
 nuit. Licet Sapiens, ad con-
 temptum nunquam deue-
 niat, ob qualescunque defe-
 ctus. Cum nemo sit, qui
 sine crimine viuat (*Si dix-
 erimus quod peccatum non
 habemus, ipsi nos seducimus
 & veritas in nobis non est*)
 adeoque omnes habendi
 essent contemptui; & vel
 maxime, ipse Contemptor
 omnium!

At vero, aduerte animū.
 Cum in Christo, omnis di-
 uinitas Corporaliter inha-
 bitet, vnā cum omni pleni-
 tudine ac infinitate perfe-
 ctionum omnium, idque
 sine omni defectu ac limi-
 tatione. Vnde contemptus?

vn-

unde iustæ æstimationis decrementum timeri possit ? Immo vt magis æstimes , ames , ac reuerere hoc SS. Sacramentum, omnino frequentandum erit . Tenebantur oculi Discipulo-
 rum ne Dominum agno-
 scerent ; æstimabant proinde sui similem, nec multum reuerabantur ceu Peregrinum . Cognouerunt postea, & simul reueriti sunt. Sed vbi ? *In fractione panis* .

Inter alios certè huius diuini Cibi Effectus numeratur , ac frequens est ille ; Quod interuentu magnæ ac inusitatæ lucis circa res diuinas, mentem claritate perfundat ; verumque fiat illud, quod faso promissum fuit primis nostris Parentibus : *In quacunque hora co-*
 I 6 me-
 3.

mederitis ex eo; aperiantur oculi vestri. Iam verò, in ea oborta nobis luce, aperitis sensim mentis nostræ oculis per orationem ac meditationem; Perfectio- num Christi plenitudinem, maiestatem, diuinitatem, potentiam, dignitatem penetrantes: cum hæc tanta sint, vt ea animus capere non sufficiat. quæ non inde admiratio! quæ æstimatio! quæ reuerentia suboriatur misello homini! cui se tanta communicare, infundere dignatur Maiestas Dei.

Tantum abest, vt frequentatio huius Panis, contemptum pariat; vt venerationem potius cum amore adaugeat, reddatque sui Amantes (& se ex Amore frequentantes.) reddat inquam multum similes cælestibus

bus illis Spiritibus; qui cum
 Quotidie eidem assistant
 ceu Domestici, nihilomi-
 nus velantes facies suas præ
 reuerentia, incessanter ei-
 dem, non contemptus, sed
 laudis occinunt Trifagion:
 Sanctus, Sanctus, Sanctus **Apo. 4**
 Dominus Deus Sabaoth.

§. IV.

Deuotio .

Affine est Superiori, id
 quod sequitur. Nec
 maiorum virium. Culpa-
 bile inquit est, Operari ex
 consuetudine. Experimen-
 to verò comprobatum est;
 Quod ijs qui frequenter
 communicant, Communio
 transeat in Vsum & Con-
 suetudinem, minoremque
 Cordis affectum. Ideoque
 mi-

minus deuotè, immo tepide accedunt plerique, ac inconsideranter; nec maiore sensu, quam si ad Communem accederent Mensam. Vitanda igitur potius frequentatio, quam inducenda; vt quæ deuotioni officit, ac noxiam inducit assuetudinem.

Plura hic dicta simul: quæ rectam prius volunt intelligentiam. Hinc ante omnia.

QVÆRO? Consuetudo bene operandi, est ne omnino Culpabilis ac noxia, penitusque proscribenda?

Si ita. Certè Beatissimam Dei Genitricem, ac
Luc. 2. S. Iosephum, *Secundum consuetudinem diei Festi*, vna cum Domino ad Templum ascendentes: Immo eundem Dominum, qui ibat
 se-

*secundum Consuetudinem in Luc.
montem oliuarum, quem^{22.}
frequenter conuenerat. Om-^{10.18.}
nem demum assuetudinem
bene viuendi, agendi, culpa
involues ac reprehensione.*

*Melius proinde fuerit:
quàm rarissime Templâ,
frequentare, orationis loca
reuisere; bene viuere, ope-
rari, Deum inuocare rarif-
sime. Cum tamen aliunde
Scriptum sit: Quodcumq; po-^{Eccl.}
test manus tua, instâter opera-^{9.}
re, & similia a. Multoq; lau-^{a Luc}
dabilius sit ex Habitu (Quia^{18. v.}
firmiter constanterque) ope-^{2,}
rari bene, quàm raro ac^{Gal.6.}
incidenter. Certe ex Ha-
bitu, ac assuetudine male
agere, blasphemare, &c.
non exiit Malitiam; immo
gravius reputatur, quàm
si id ipsum contingat ex
subreptione rarissimè. Ita*

ex

ex assuetudine bene agere,
 non exuet bonitatem. Cum
 assuetudo, sicut & Habitus,
 dent (vt innui) constanter
 & facile operari: facilem
 autem, promptum ac expeditum
 esse ad bene operandum,
 bonum ac optabile, laudabileque
 esse, quis negauerit? Igitur & SS. Eucharistiam,
 ex More ac consuetudine
 digne ac competenter recipere;
 nō nisi bonum, sanctum,
 ac laudabile esse poterit.

Fateor equidem. Operari
 ac moueri ad aliquid,
 ex consuetudine solius exterioris
 Operis, adeoque ex consuetudine
 in hoc sensu: vt sit idem,
 quod exercere opus aliquod
 Externum, seu applicare
 Potentias executrices ad
 aliquid, ideo tantum; quia hoc
 agere,
 sic

sic applicare consueuisti ;
 sine vlla intentione finis
 boni, sine reflexione ac ad-
 uertentia ad hoc : quid ? qua-
 liter, ad quem finem ? quo
 profectu animæ fiat, &c.
 cum hoc non sit humano
 ac rationabili modo agere;
 fateor inquam, non fore
 quoq; laudabile. At verò,
 faciliter ac cum promptitu-
 dine exercere actus bonos,
 facilitatos ex eo, quod eos-
 dem frequenter exercendo,
 habilitatem induxeris; hoc
 certè Habitum virtutis ar-
 guit, immo etiam perfectio-
 nem ipsius: sicut facilitas
 operis ex Arte, perfectio-
 nem Artis, frequenti vfu in-
 ductam denotat.

Laudabile igitur est: ex
 consuetudine bene agere,
 Frequenter communicare.
 Quidquid sit; quod cōmuni-
 ca-

care ex Consuetudine vulgo accepta (hoc est , ideo solum ad Altare accedere, & Eucharistiam sumere ; quia accedere soles , eamque externam exercere cærimoniam, sine omni aduertentia quid agas, quod Corpus Domini sumas; non dijudicans illud ab omni altero Pane, &c.) maxime reprehensibile esset, & dignum Iudicio. Quod sane, nonnisi in sui penitus oblitum ac immemorem, hominemque plane emotæ mentis, vel à sensibus alienatum cadere posse arbitror, vel in hypocritam infidelem. Animæ Fideli, utcunque sibi præsentidum accedit, haud dubiè occurret; quod accedat ad Corpus Domini recipiendum: se proinde præreuerentia ipsius, ad deuotion-

tionem, amorem, aliosque
actus facile excitabit, præ-
parabitque; vt Probatus, ac
diudicans, Corpus Domini
sumat, idque non modo
non Indigne, sed plane san-
cte ac laudabiliter. Licet
quandoque non cum eo ex-
cessu deuotionis ac feruoris,
quo solent feruentiores, illu-
minatioresque alij. Quan-
quam, Deuotionis huius ip-
sius occasione, Insto ac

QVÆRO ITERVM.

Quomodo sequatur, ac ve-
rum sit? illud quod dicitur
supra: Consuevit frequen-
ter quis, probata ac discussa
sua conscientia accedere:
Igitur accedit minus de-
uotè.

Sicne Consuetudo, boni
operis, deuotioni, officit,
eamque tollit? Igitur &
ipsa consuetudo ac frequen-
ta-

tatio Deuotionis, deuotionem tollat necesse est. Cum tamen plerumque contrarium eueniat; vt assueti ad bona, assueti ad deuotionem, Meditationem, Orationem; magis deuote orare, dulciterque diffuere soleant; ac erumpere in actus & affectus tanto facilius, quanto frequentius eosdem elicientes, sese illis assuefecerunt. Hinc alij sic Habituati, & medias inter turbas, deuotissimè ad Deum aspirare, soli; cum solo Deo agere visi; & per somnium deuote orare, suspirare illud: O IESV Deus cordis mei. Deus meus & omnia, &c. Tantum deuotionis addit consuetudo, ac frequentatio ipsius deuotionis.

Sed age videamus: *Quid sit deuotio?*

Ex

Ex Patrum sensu : A deuouendo, seu à totaliter 2. 2. q.
 subiijciendo se Deo dicta. 82 2. 8
 Est Promptitudo animi ad diuina, ad seruiendū Deo, faciendamque omnem voluntatem ipsius. Quæ ipsa promptitudo, in ardentiores Affectus excrefcens, dū per hos Anima in Deo, ac voluntate illius, ceu Bono suo suauiter conquiescit; expletionē sui cor dilatat, ac exhilarat: indeque in Corpus exundante spiritu, pasciet, ac exprimit lachrymas; Vt dici possit illud: Cor & caro mea exultaue- ff 83.
 runt in Deum Viuum. Ex eoque sortitur nomen *Deuotionis sensibilis*; vtpote, in sensum etiam exteriorem redundans. Cum sine eo sensu, Adhæſionis vel promptitudinis animi ad Deum eius-

eiusque beneplacitum, De-
uotionis Intellectualis, in-
terioris ac solidæ nomine,
contenta sit.

Vtraque hac deuotio-
ne, quantum abundant ij
qui frequenter Communi-
cant: Testes sunt ex ipsæ
lachrymæ,ardentia suspiria;
quæ à plerisque,cum teneri
non possint, copiose fun-
duntur. Vt vel ex ijsmet
ipsis indicijs prudenter iu-
dicare possis, eos ex Fide,
& Christi amore, prompta-
que ad ei adhærendum vo-
luntate, accedere. Quan-
quam, vtvt abesset sensibi-
lis (de qua infra) deuotio.
Rationalem,internam illam
ac solidam,vel exinde colli-
ges: Quod vocantem Chri-
stum, *Accipite, Manduca-
te, Hoc facite*, multo prom-
ptius audiant ac sequantur;
quam

quàm ij qui renuunt vel ob-
luētantur . Promptiores
etiam ad exequendam Dei
voluntatem se sentiunt, ac
sentire necesse est eos; Qui
manducant panem illum,
qui dat Vitam ac vires a-
bundantes; Quique intus fo-
uent Ignem, quo nonnisi
ardere possunt, ac moueri .

Quidquid interim sit :
quod & Raritas Commu-
nionis, aliquando sensibilem
deuotionem secum trahat .
Nam naturale est, raritate
plus sensum excitari . Vn-
de homines, in locis ad quæ
de Nouo, vel raro veniunt ;
passim plus deuotionis sen-
tire solent . Cæterum, cum
ea ortum habeat à Natura;
Naturalis illa (ex compla-
centia, gustu, & curiositate
oblectante, profecta) deuo-
tio, de se meliorem non
red-

reddit hominem , nec digniorem . Et insuper, quia pendet ab extrinsecis ; constans ac firma esse nequit : utpote cuius radix non intus habetur , sed quæritur per suffragia mendicata. Sed quoniam Deuotionis mentio semel incidit; eaque est, qua complures vel inuitantur, vel eius defectu (ob quem se indignos reputant) à Communionem retrahuntur : non inutiliter hic

QVÆRITVR.

Sitne expectanda sensibilis Deuotio ad hoc, ut frequentius quis communicet ?

Non meum etiam hic , sed D. Bonauenturæ afferro sensum : Non propterea, in-

Traet. quit ille , prætermittenda est
de pro sacra Communio , si quando-
fect. que non sentit homo specia-
Re. II. lem deuotionis gratiam , cum
 se

*se ad illam preparare studet ,
vel cum in ipsa perceptione ,
vel post, forte minus deuotum
se sentiat quam vellet .*

Et verò cum sæpe contingat , homines à sensibili illa, ac speciali teneritudine animi impediri , sine omni sua culpa; immo sæpe cum magno suo Merito : si in ipsius defectu, stent conformes ad Dei voluntatem ; Non video quid ex defectu ipsius impedimenti accedat, ne Communicent . Sæpe homines confecti senio, fracti viribus, languentes Corpore , grauati curis & laboribus sanctis ; tantas vix sperare possunt dulcedines . Quis tamen eiusmodi, à frequentatione huius mysterij arceat? Dummodo se præparare studeant, adhibeantque illa quæ necessaria sunt,

K qua-

qualia sunt discussio Conscientiæ, Confessio si opus habeant; Oratio, Actus pii, Fidei, Spei, Charitatis; cum hæc omnia ad Dei gratiam disponant, fidenter accedant & manducent.

Quid quod suauitas illa mentis superabundans, sæpe *ex magna Dei gratia quibusdam negetur*; ad maius ipsorum bonum ac profectum. Valet enim plurimum, cum ad alias virtutes; tum ad Humilitatem inferendam: Bernardo teste homini adeo necessariam, vt sine illa, nec Mariæ quidem Virginitas placuisset, nec Spiritus Sanctus super eam requieuiisset. Respexit enim Humilitatem Ancillæ suæ. Hac igitur opus habuit Virgo, vt Dei Filium conciperet; hac instructos esse

Ho. 1.
super
Missus

con-

conuenit eos, qui eundem, sæpe in domum cordis sui recipiunt. Vide autem, quomodo Huic, ab ipsa sensibili deuotione quandoque periculum. Ii qui delicijs illis spiritualibus sensibilibiter abundant ac diffluunt; Vix ita penitus Affectum suum depurare possunt, quin sibi (quæ naturæ, sui iuris tenacissimæ, imbecillitas est) quandoque in his ipsis animi sui sensibus vanè complacent, circumspiciant oculis paulo elatioribus, ambulent in magnis his ac mirabilibus super se; putantes se esse aliquid, cum ex se nihil sint; ac meliores se reputent ijs, in quibus non aduertunt eam spiritus abundantiam. Vel etiam, quin ingeniosissimo sui Amore subtiliter acti; in

illa ipsa suauitate ac dulcedine, se ipsos quærant ac gustus suos. Contingit enim quandoque eiusmodi Deuotioribus; vt vel inaduertenter sui Amantes, orationi, pietatisque studio inhæreant: non tam ideo quia Deo placet, vel saltem non solum ideo; sed quia illis ipsis, in illa suaui oratione deuotioneque, benè, suaue, ac volupè est. Gustentque libenter quam suaui sit Dominus, non propter gustum quem faciant Domino, sed propter suum quem sentiunt ipsi, edantque auidè, non quia sanum, sed quia dulce gutturi.

Remedium his malis (vel curandis, vel etiam præcauendis) prouide assumit Deus: Vel ariditatem, vt in multis Sanctis. S. The-
re-

refia. Vel tentationes fat-
molestas: sic Paulo datus est
stimulus Carnis, ne eum **2. Cor**
magnitudo reuelationum **11.**
extolleret. Vel Tribula-
tiones exteriores; quibus vix
aliquis Sanctorum caruit
ex illis, qui cælestibus frue-
bantur delicijs: quos inter
& ipsa Dei Mater; cuius
Animam doloris gladius **Luc. 2**
pertransiuit.

2. *Plura his similia vis af-
feram?*

Non raro per continuas
illas Animi delicias, eo eua-
dit homo; vt reddatur sibi-
met ipsi præfidens: cum-
que dispositioni, præpara-
tioni, applicationique suæ,
videt adiungi liberaliter ef-
fectum illum gratiosum;
putet eum labori, ac studio
suo correspondere, deberi
merito. Sui proinde esse

K 3 ar-

arbitrij vel virium, similem vel maiorem in se excitare, experiri deuotionis gustum. Vt igitur agnoscat infirmitatem suam, deuotionem autem esse donum Dei; subtractione ipsius (tunc cum maxime fatagit, & sperat se fore deuotum) edocetur.

Valet quoque huiusmodi subtractio, ad salubrem incutiendum timorem Animæ, delicijs inescatæ. Quò sibi eo diligentius attendat; ne vitio suo, tam delectabili Bono hic & in futurum excidat ac priuetur. Ideoque hic quandoque æquanimitèr gustet amara, vt mereatur ibi dulcia.

Prodest item, vt per fidem ambulantes, amplius Mereamur. Plerique enim illa suauitate dotati, magis
gu-

gustui ac experientiae (circa Christi praesentiam) student inniti, quam Fidei.

Deinde, ut tam delectabile donum eo feruentius desideremus, acceptemus gratanter, cautius custodiamus acceptum. Cum Deus nolit paruipendi, & vilescere dona sua.

Demum ut experti, qualiter priuati illa gratia, continuo graues, remissi, & lenti euadimus: Non nostris viribus ac industriae attribuamus; quoties nos in bono promptos, & hilares in Dei obsequio reperimus. ac per hoc, procul simus a dijudicandis alijs, apparente eorum segnitie. Quin, potius compassione ducti, pro ijs, ac pro nobis deprecemur Deum.

Adde quod in hoc, Dei

K 4

mi-

miseratio sæpe nostræ pro-
uidet intemperantiæ, ac in-
discretioni ; ne scilicet dul-
cedinem illam sectantes ,
eidemque nimium inhæ-
rentes, vires vltra modum,
& irrationabiliter (vt qui-
dam alij) consumamus.

Non igitur defectus, aut
subtractio sensibilis deuo-
tionis impedit, quominus
frequenter communices :
maximè si subtrahatur, non
tuo vitio ac culpa.

At vereor inquires, ne
subtracta sit ob mea pecca-
ta, ob quæ consequenter, fre-
quenti communione indi-
gnus sim.

Si me audis : non de fa-
cili talem credulitatem tibi
fingere debes; nisi sufficien-
ti motus ratione. Cum vt
dictum est, etiam viris Bo-
nis ac Sanctis, quandoque
mul-

multis ex causis non done-
tur, vel subtrahatur. Ve-
rum etsi id crederes, non
ideo statim Communio
Frequens intermittenda :
maximè si peccata diu præ-
terita, confessione essent
deleta. Sed potius solidæ
deuotioni insistendum, &
præmissis ijs quæ Commu-
nio requirit, fidenter acce-
dendum. Et verò si adesset
sensibilis illa deuotio, tene-
ritudo, ac lacryme; Nonne
accederes? Ita certè. Fi-
denter igitur accede, etiam
sine illa; modo adsint alia
necessaria.

3 *Impulsum adhuc requires?*

Vel putas, quod sensibi-
lis illa deuotio, semper ma-
gis dispositum reddat ad
Sacramentum, vel magis se-
curum?

Nonne quandoque, im-

K 5 mo

mo & sæpius contingit (experientiam appello) inter homines; vt zelosi alicuius Prædicatione commoti aliqui plangent peccata sua, miserumq: suum agnoscant statum; Nec tamen peccatis planè renuntiant, aut occasiones proximas dimittant. Nonne Dulciter alij afficiuntur ad orationem? & tamen oderunt proximum. Lacrymas fundunt? & aliena retinent. Cælum dulciter aspirant? & inordinata Mundi non deferunt. Quod si ea deuotio istorum, signū est inexistentis Gratiae sanctificantis; quomodo peccatum, peccandique voluntatem compatitur?

Sciendum itaque, Ex Asceticorum doctrina. Affectus huiusmodi, aliquando venire præter Gratiam, Aliquan-

quando cum Gratia, licet non ex Gratia. Aliquando ex speciali Dei gratia, & dono ipsius liberali.

Nam cum & Gentiles, quandoque in Ritibus suis lachrymas fundant, & ad eos cordialiter cum teneritudine afficiantur; Nemo dubitabit, talia etiam præter gratiam euenire posse, immo & ex deceptione ac illusione dæmonis. Cum Gratia, non tamen ex Dei Gratia ortum habere censuerim motus illos, qui cientur in animis quorundam Bonorum, maxime, Simplicium; dum ex cantu suauis ac deuoto, connaturaliter in dulces prorumpunt affectus & suspiria.

Ex Gratia Dei, deriuo illud donum lacrymarum, quo multi Sanctorum fue-

re celebres ; Feruentissimos quoque & suauissimos eorundem affectus, ex motiuis mere æternis, ac supernaturalibus . Ac vniuersim : Quoties vel sine præuia naturali dispositione, vel ex copioso diuinæ lucis radio circa veritatem æternam, Deique bonitatem inardescit Amor ; vel circa peccata detestatio suauiter animum illabitur, distinet, ac exfatiat ; Dei donum esse ne dubita. Sicut etiam, quando post longum diuturnumque exercitium Virtutum, subactis vitijs, mens pace sua fruitur ; ac spiritus dulcedine, in orando, meditando, perfunditur &c.

Ep. ad
Fratr.
vltra

De quibus, placet audire Bernardum : Nunc quidem medisinquit, puræ Orationis affectus,

*Etus, & bona illa Orationis
 suauitas non inuenitur, sed
 quasi inuenit eum non peten-
 tem, non quarentem, non
 pulsantem, & quasi nescien-
 tem gratia praeuenit; & tan-
 quam genus seruorum, reci-
 pitur Filiorum in mensa,
 cum rudis adhuc & incipiens
 animus in eum orandi assu-
 mitur affectum, qui pro prae-
 mio Sanctitatis reddi solet
 meritis perfectorum. Quod
 cum fit, agitur; Vt vel hic
 in iudicium suum non liceat
 scire negligenti, quid negli-
 gat; vel ut prouocatio cha-
 ritatis, amorem in eo gratiae
 se ultro offerentis accendat.
 In quo (proh dolor) plurimi
 falluntur; quia cum pascun-
 tur panibus Filiorum, iam
 se esse Filios arbitrantur; &
 deficientes unde proficere
 deberent, ex visitante gratia
 eua-*

evanescunt à Conscientia sua, arbitantes se aliquid esse, cum nihil sint; & de bonis Dei non emendantur, sed indurantur, & fiunt de quibus Psalmista dicit: Inimici Domini mentiti sunt ei, & erit tempus eorum in secula, & cibavit eos ex adipe frumenti, & de petra melle saturavit eos: pascuntur enim à Deo Patre aliquando, de pretiosiore gratiæ substantia servi, ut affectent esse Filij; ipsi verò abutentes, efficiuntur inimici, &c. Ex quo iterum.

Colligis: aliquos præueniri Gratia Dei suavi ac repentina, qua ad Deum (à quo alieni sunt) pertrahantur; ipsi autem sibi adblandientes, in ea ipsa evanescunt; seque iam putant esse Dei Filios, cum non sint. Si Dominus nos vellet

let occidere, de manibus nostris holocaustum & libamenta non suscepisset, ^{Iudic. 13.} aiebat vxor Manue. Isti similiter: Si non essemus Filij Dei, non daret nobis Deus hunc Cibum Filiorum. Ignari: quod detur ipsis, non quia Filij sunt, sed vt Filij fiant. Quod si se probarent, ac conscientiam suam inspicerent; deprehenderent se affectu esse seruos peccati, & mancipia Mundi.

Quandocunque igitur non adest Testimonium Conscientiæ, *quod est gloria nostra*, vt ait Apostolus, tunc ^{2. Cor. 1.} huiusmodi dulces affectus, accipi quidem possunt pro signo diuinæ Bonitatis, Nos ad se, & statum Filiorum suorum, à delectationibus Mundi, per hasce
spi-

spirituales suauitates prouocantis . Velle tamen ex his Concludere : se esse in-
gratia Dei, ac digniorem ad
recipiendum SS. Sacra-
mentum quam alias ; error
esset insignis , ac deceptio .

Si autem adsit Testimo-
nium Conscientiæ, sese pro-
bantis Animæ : tunc ex si-
gnis talibus, de Statu Filio-
rum *fiduciam habentes* ; ad
1. Io. 3. augmentum Gratiæ, per fre-
quentationem diuinæ Men-
sæ, par est contendere ac-
eniti .

Ut proinde multo melius
ac securius sit, Interioribus,
rationalibus Gratiæ signis
insistere ; quam istis sensi-
bilibus . Porro illa sunt,
vt iam alias innui : Dete-
statio ac odium peccati ;
Appretiatiuus Amor Dei
super omnia , Vilificatio

ac

ac exinanitio sui, Resignatio ac æquabilitas animi (in omnibus, quæ nobis illius permisso euenire possunt, vt sustineamus; vel subtrahi vt careamus) desiderium cælestium, Exercitium virtutis, Mortificatio hominis interioris & exterioris, Diligens cura euitandi peccata etiam venialia. Hæc & similia si adsint; abunde deuotionis, abunde Consolationum est, & quidem solidarum, stabilium, substantialium; Quia Intellectualium. Talia enim nunquam constanter haberi possunt, sine diuina dulcedine. Quia vt ait D. August. *Nunquam ex-* 6. *Mr.* *pugnaretur amor tempora-* sic. c. 15 *lium, nisi aliqua suauitate æternorum; nec est reputanda praua dulcedo, per quam redduntur amara & vilescunt*

cunt omnia delectabilia
huius Mundi, & omnia
eius pœnalia dulcia fiunt,
vel leuia & tolerabilia.

Pro hac, simpliciter instandum apud Deum. Sensibilis verò illa deuotio, non tanquam omnino necessaria; sed tanquam condu- cens ad facilius vincenda, aduersa, contemnenda sæcu- laria, sub conditione pe- tenda à Deo, si & in quan- tum expedit Dei gloriæ ac nostræ saluti: *Non mea sed tua Deus fiat voluntas.*

Et quidem si concedatur à Deo, recipienda cum omni actione gratiarum. Non tamen nimium con- fidendo vel exultando; sed trahendo eam in spem vi- tæ æternæ, cogitando: quod siquidem Deus hic nos degustare facit cælestia;
ibi

ibi nos satiaturus sit ac potaturus torrente voluptatis.

Si verò negetur: non ideo tristandum, aut cadendum animo. Dummodo adsit prima illa, solida, Intellectualis deuotio; quæ si tollatur, Deus desipiat, & sapiat Mundus.

Solida hac, contenti fuisse Sancti. Sensibilem illam plurimi eorum ne gustauerunt quidem. Vt de illa vsurpare liceat illud, quod Bernardus de Vnione (vt Serm. vocant) Mystica asseuerat: de Cir *Multi inquit tota vita sua cum cunctis tendunt, & nunquam pertinent ad eam.*

Velle itaque ad Sacram Communionem accedere, rarius ideo; vt ad eam suauitatem pertingas, ac degustes; est tantumdem facere: ac, tertio quoque vel octauo die

die tantum, cibum sumere; ut aliquem amplio- rem gustum sentias, quam sentires quotidie manducando: gustui seruiens cum diminutione etiam virium ac languore, præpostero sane modo ac ordine; cum gustus subseruire debeat vitæ ac viribus, per alimentum, conseruandis: Quibus etiam per Insipida, si opus sit, consulendum esset. Nisi illud solum Quod sapit, nutrire credas. Quanquam etiam sic, vera ac solida illa deuotio (quæ sapor Animæ est) frequenti sumptione Corporis Dominici crescit, ad gustum. Cumque ad saporem faciant condimenta, condimentum autem optimum sit fames: Hanc ipsam, ex frequentatione SS. Eucharistiæ cresce-

scere experientia docet; ac
 Scripturæ oraculum: *Qui* Eccl.
edunt me inquit adhuc esu- 24.
rient, & qui bibunt adhuc
sitient. Ipsa frequentia fa-
 mem ciente, ac desiderium.

Secus quam in Corpora-
 libus cibis euenit. *Qui* (si
 Gregorio fides) cum non
 habentur, grande in se de-
 siderium accendunt; cum,
 verò habentur, protinus in-
 fastidium per satietatem
 veniunt. E contra spirituales
 cibi; qui cum non habentur,
 fastidio sunt ac contemptui;
 cum vero habentur, desiderio.
 Sicut igitur per SS. Sacra-
 mentum, ordinarie (nisi po-
 natur obex) augetur deside-
 rium spiritualium; sic per ab-
 stinentiam, sapor & gustus in-
 terior minuitur. Vt sensim
 nec gustare quidem libeat
 cum deuotione, quod ob-
 sum-

sumptionis raritatem, sumendum venit cum horrore.

Sæpe manduca, & gustum senties. Sensibilis si absit; Intellectualem habebis: Qui solus sufficit ad salutem.

§. VI.

Exempla Sanctorum.

SI Bonum ac Sanctum est, Communicare frequentius. Cur id Ecclesia non præcipit? Cur viri alioqui Sanctissimi, eam frequentationem, quæ sitis etiã medijs, deuitarunt? . S. Marcus Euangelista, pollicem manus suæ abscidit, ne sacris initiaretur. S. Franciscus Assisias, Sacerdotium, refugit. D. Benedictus
per

per multum temporis non
Communicavit. Hos & si-
miles alios allegant, qui à
Frequentando retrahunt.

Audio. Sed & simul in-
rerrogo: Si Bonum est
homini sano ac valenti,
quotidie aliquid Cibi sume-
re; Cur id lex non præci-
pit? aut cur viri alioqui
Sanctissimi, sui studio ma-
cerandi, à quotidiano ab-
stinentes cibo; tertio de-
mum vel quarto die, modi-
cum degustarunt? Exem-
pla Anachoretarum, alio-
rumque, tibi occurrent fa-
cile.

Pergamus tantillum.
Si bonum est non nubere, **1. Cor**
sed sic manere, iuxta Apo- **7.**
stolum; cur id lex non
præcipit? aut cur viri etiam
Sancti, ad nuptias transie-
runt? & inter Coniugatos
enim

enim Ecclesia numerat Sanctos . Si bonum est quotidie deuotè interesse Missæ Sacrificio : Cur id Ecclesia non præcipit ? aut cur aliqui Sanctorum , procul ab Ecclesijs in Eremum secesserunt ? Sit & hoc Politicum . Si Bonum est tibi , habere amplas possessiones ac Bona , Dignitates , Magistratus in Repub. Cur id Resp. tibi nõ præcipit ? aut cur Viri præstantes , ijsdem se abdicarunt laudabiliter ? . Demum . Si Bonum est (vt quidem contendunt) raro Communicare , raroque ad mensam Domini accedere . Cur id Ecclesia non præcipit ? aut Cur tot tantique viri Sancti , frequenter communicarunt ? & cur vt frequenter communicetur , optat , suadet , monet Ecclesia !

Quæ

Quæ quidem præcepit : Vt minimum semel in annum Fideles communicarent: verum hoc non est præcipere, vt raro communicetur; sed præcipere, ne minus fiat. cum ardenti desiderio, vt fiat amplius, adeoque vt communicetur frequentius.

Ad hæc omnia (nisi fallor) horum aliquid repones. Quod ad illa Bona, quæ non sunt necessaria simpliciter, sed solum sunt ad melius & commodius esse; Præcepto nemo obligetur: ne eo ipso euant simpliciter necessaria. Relinquuntur igitur libera; vt industria locum habeat, ac pro se cuiusque studium.

Vel quod, cum omne Bonum sit attractivum; maius & amplius Bonum, magis ac potentius sit at-

L

tra-

tractium; sui proinde ad desiderium, impulsu legis non egeat. Vt enim omnes naturaliter scire; ita & Bonis abundare appetunt. Ecclesiæ etiam Præcepta, cum Bonum Fidelium spectent: attenta autem tepiditate & fragilitate modernorum temporum, Præceptum de Frequenti Communione, facile futurum, erat in ruinam & in laqueum, occasionemq; multarum passim transgressionum; Hinc pia Mater easdem submotas volens, Indulgit: vt semel minimum in annum Communicaretur. Quid quod homo bene sanus, præcepto non indigeat, vt quotidie cibum sumat; ipso ad id stimulante Appetitu & Natura. Lex item non est posita Iustis.

stis. Qui cum amore ducantur, ut ea quæ Deo placere norunt frequentent; audiuisse sufficit: Hoc facite in mei commemorationem. Præcepto proinde non indigent strictiore.

Quod ad Exempla Sanctorum attinet: *Diuisiones* 1. Cor. *sunt gratiarum, idem autem* 12.

spiritus. Qui in quibusdam Seruis suis has determinate, in alijs alias, posterorum ad memoriam commendare voluit Virtutes. In Tobia patientiam, in Abraham Fidem, in Iob æquanimittatem, in Paulo zelum. Nec quia in Tobia magis conspicua patientia; minus laudabilis ea, quæ in Paulo enituit Charitas: *Que horum maior est.* 1. Cor. 13. Vel quia prædicabilis in Centurione humilis reuerentia, ex qua

se indignū reputauit Christi præsentia; Non æque laudabilis ac fructuosa, Zachæi in recipiendo alacritas, quæ audire meruit: Hodie huic domui salus facta est.

Venerabilis est S. Francisci Humilitas (nam relatum de S. Marco Euang., fabellam censet Baronius ad Ann. 45. vtvt verum sit de quodam Marco Anachoreta) qua Sacerdotalis officij dignitatē recusauit. Sed æstimabilis etiam S. Cassij Episcopi Narniensis deuotio. de qua S. Gregor. *Quod quotidianum Sacrificium Deo offerre solitus; Domini approbantis mandatum acceperit dicentis: Operare quod operaris, non cesset pes tuus non cesset manus tua: natali Apostolorum venies*

4. Dial

nies ad me; & retribuam
tibi mercedem tuam. Vt
factum est. Nam septen-
nio post, ipso Apostolorum
die, cum Missarum solem-
nia peregisset, migravit ad
Dominum.

Accedit, quod etsi dicti
Sancti, præminentiam Sa-
cerdotij recusarint; adhuc
tamen S. Franciscus (vt erat
religiosissimus) frequenter
Eucharistiã sumpsisse cen-
sendus sit. D. Benedictus
abstinuit fateor, quamdiu
procul ab hominibus age-
bat in solitudine: at re-
gressus ad Cænobium, fre-
quenter hoc Cibo usus fue-
rit, quo moriturus tam pie
ac religiosè refici voluit.

Vtut sit. Exempla quo-
rundam Sanctorum, magis
miranda quam imitanda.
Nec quia ipsos deduxit Do-

minus in Via mirabili; ideo minus tuta fuerit, Communior Ecclesiæ, ac magis trita ad Frequentem Communionem Via. Hanc tu ingredere: & cum tot Sanctorum millibus, Frequenter accipe; & manduca cibum, in cuius fortitudine peruenias ad montem Dei.

§. V.

Scandalum.

PEtra scandali est quæ sequitur. Qui sæpe Communicantur (inquiunt), raro sanctificantur. Videntur enim parum proficere in melius, sæcularibus immergi curis, ac sectari ea quæ Mundi sunt: æque ac alij, qui raro communicant. Cum tamen deberet mutare

tare vitam (inquit Augustinus) qui vellet accipere vitam.

Assentirer, nisi contrarium probaret Experientia: Eos scilicet, qui ex fide & deuotione hæc sacrosancta frequentant mysteria; vitam aut mutare in melius, aut in vita Gratiae constantius conseruatos, dignam Christiano homine viuere vitam. Quod si in aliquibus contrarium vsu venit: eos non ex Fide, & Charitate; sed aliquo vano motiuo, accedere crediderim. esseque è numero illorum, de quibus Apostolus: *Ideo inter vos multi imbecilles & dormiunt multi.* Quia non probant semetipsos; non dijudicant Corpus Domini, non manducant vt Cœnam Domini ex amore, in com-

1. Cor
11.

L 4 me-

memorationem Domini ;
sed in vanitatem, & insa-
nias falsas hypocriseos, hu-
manique respectus .

Demus autem , quod &
Accedentes cum Fide , ac
Probatī, quandoque rela-
bantur in peius. Certe ob-
servabis, id contingere ra-
rius, & eos quidem surgere
velocius ; vel ipsa monen-
te ac stimulante commu-
nionis Frequentia . Ad
quam, ne indigni accedant :
seipfos probare, poenitere,
confiteri coguntur ad ve-
niam . Quo stimulo quia
carent ij, qui raro commu-
nicant; hinc semel collapsi,
suis plerumque hærent in
immunditijs , peccata pec-
catis accumulāt, sui pari-
ter ac diuinæ amicitiae im-
memores : donec vel an-
nuæ Communionis præce-
pto,

pto , vel irruente aliquo damnationis periculo commoniti, redeant ad cor, & ad poenitentiam.

Quanquam , nunquid ideo statim euadunt confirmati in gratia, qui & quia Frequenter communicant? Nunquid hominem (qui ad malum semper procliuvis est) exuunt? Nunquid non lapsus Petrus eà ipsa nocte, qua Communicatus à Christo? Nonne & alij relicto eo fugerunt? Hæc omnia sunt imbecillitatis humanæ indicia! Lapsibus tamen ipsis aliquando erudiantur, ut seipfos norint, seque humilient; atque ex casu, alacriores, feruentiores, cautiorefque euadant.

Sed Age: Nunquid quia frequentantes cibum corporalem, quandoque ex con-

L 5 tin-

Mar.

14.

Matt.

16.

tingenti extrinseco (aura
mala, contagione aliqua
afflati) languent; concidunt,
moriuntur; ideo non utilis,
non fructuosa cibi Frequen-
tatio? . Vel quia plerique
constitutionis ac tempera-
menti magis calidi, Fre-
quenter cibo vtuntur, nec
tamen ad apparentiam im-
pinguantur; ideo non sa-
lubriter pane vescuntur
quotidiano. ? Suffecerit
credo, quod vires ac vitam
viuidam, Frequenti conser-
uent cibo; alioqui penes
inediam, vehementia calo-
ris consumendi.

Grandis utilitas (si alia
desit) a frequentatione
Corporis & Sanguinis Do-
mini: Sic stare in Domi-
no. raro vel nunquam fere,
(per cōsensum in peccatum
mortale) excidere vita Gra-
tiæ.

tiæ. Quod ut in se experiuntur ij, qui frequenter Communicant; ita facile quoque constabit ijs, qui salutis Animarum intenti, eandem norunt Conscientias.

QVANTVM ad negotia curasque seculares. Si quidem eæ sint tales, ut honestati non repugnent ac conscientiæ; nec nimium, saltem, ab ijs quæ spiritus sunt auocant: Tales non impediunt nec inhabiles reddunt, quin in eiusmodi hominibus (etiam simplicibus, & uulgi opinione abiectis) Deus sibi dignum faciat habitaculum: *Cum simplicibus sermocinatio eius.* Prou. 3. If. 67. Et respicit ad pauperculum & contritum spiritum.

Procul igitur à Frequentatione scandalum. Quod

magis infert Raritas . Audi
 Cyrillū alicubi : Recusatio
 (inquit) huiusmodi, quamvis
 ex religione proficisci videatur;
 & scandalum facit, &
 laqueos instruit. Ne verò
 de sensibili apparentique
 fructu, in exteriori vita ac
 moribus frequenter com-
 municantium, sollicitus sis,
 eumque requiras curiosius :
 Accipe moderamen ex hac
 (si placet) similitudine, ac
 lumen : Quemadmodum
 aliàs Corporalis cibus nos
 alit, etiamsi non sentiamus;
 ita & Eucharistia quando-
 que non sentientibus, gra-
 tiæ augmento, & multorum
 munerum copia, diuinitus
 Animam reficit atque cor-
 roborat. Panis est, cuius
 Finis ac Effectus Primarius
 est : Alere ad vitam. Hanc
 plerumque in frequenter
 Com-

Communicantibus reperire est . Et merito : Est enim Panis vitæ quem sumunt . Vitæ autem frequenter participare, non est aliud omnino (inquit Basilius) quam frequenter viuere . Cumque vita Animæ, sit Gratia sanctificans ; frequenter viuere, erit frequenter sanctificari; frequenter communicare , erit frequenter viuere . Vt omnino ac ex vero Concludas : *Qui frequenter Communicantur, frequenter constanterque sanctificantur .*

Ep. 2d
Cæf.

CAP.

Frequentatio SS. Sacramenti, Abstinentia præferenda.

BOnum, Sanctum, ac laudabilem esse vsum Frequentem SS. Sacramenti; Constiterit ex dictis hætenus. Per quæ tamen vt non euincitur; ita nec intenditur, Reprehensio aliqua eorum, qui Raro Communicant. Constat enim, quod exceptis quibusdam Circumstantijs, in quibus ex mente ac sensu Doctòrum, quis de præcepto Communicare teneatur; in reliquo, quibuscunque alijs temporibus, Quis-

Quisque libertate sua uti, ac liberè liciteque à Communionem Abstinere possit.

Quid tamen interim Homini (existanti in eo statu, ac tempore, in quo laudabiliter Communicare posset) Conducibilius? quid præligibilius sit? Abstinere, an Manducare!

Quærent passimaliqui: Concludendum ego relinquerem alijs: Nisi iam, post rem mature discussam, Concluseret Doctor Angelicus, Clare ac palam

Edicendo: *Simpliciter in 4. loquendo, melius esse sumere, dist. 12 quam Abstinere. Immo et- a. 2. ad si sumptio comparetur cum 3 & ult abstinencia ex reuerentia, adhuc (inquit) inuenitur præualere sumptio Sacramenti abstinencia: tum ratione effectus Sacramenti, tum ratione præ-*

preparationis quantulacunque sit, tum ratione virtutis elicientis actum. Sumere enim videtur esse Charitatis, in qua radix meriti consistit; abstinere timoris. Amor autem Timori praeualet. Sensum tanti Magistri credo venerabere, & non inuitus Praxi comprobaueris.

Quid enim? Abstinencia, nonne est omissio vel priuatio? Bonitatem igitur ac Esse, non habebit de se; nisi forte petatum aliunde.

Communio vero, nonne de se est sumptio? participatio, Corporis & Sanguinis Domini? Et non fuerit de se Bona? Melior igitur, quam Abstinencia: Si melius est bonum de se, quam quod aliunde tale.

Sed omissio (inquies) ex Reuerentia, humilitate, ac
ti-

timore Dei, nunquid non
est bona ac laudabilis ?

Non diffiteor. Adhuc ta-
men melior ac laudabilior
est, Ex Christi, eiusque
Sanctissimæ voluntatis, desi-
derijque ipsius explendi
Amore ; ex Gratitude,
item ac religione, qua ipsi
obstricti sumus, ob immen-
sa beneficia, per passionem
ipsius in nos collata ; ex
grandi demum fiducia de
pietate ac bonitate ipsius ;
nec non ex suaui confiden-
tia, ad quam nos cum tanta
benignitate prouocat illis

fuis : *Confide Fili, remittun-* **Mat. 9**
tur tibi peccata. Confidite **Marc.**

quia ego sum. Confidite ego **6.**

vici Mundum, &c. Melior **10. 16.**

inquã est ex his motiuis fre-
quens communio .

Magna virtus humilitas, timor
& Reuerentia ; *sed maior*

ho-

1. Cor. horum Charitas . . . **Quan-**

13. quam nec Humilitas , nec reuerentia , in sumptione desiderantur vnquam : dum Christi excellentiam , bonitatem ; Nostramque è contra vilitatem , indigentiam perspicientes , accedimus . Recte igitur & alio loco **D. Thomas :** *Quia Amor*

Leq. 7 *præfertur timori , per se lo-*
in 1. *quendo Commendabilius vi-*

Cor. II. *detur esse , quod aliquis fre-*
Qui *quentius sumat , quam quod*

enim. *D. Bō. rarius.* Videndum ad hæc,

in 4. *ne dum ex timore & reue-*
dist. 12 *rentia abstinetur ; aliunde*

q. 2. *forte incurratur inurbanitas . Cum enim hoc Sacramentum institutum sit , ad Christi eiusque Passionis memoriam ; eam dum per ipsum Accessum , laudabiliter faciendam negligis : Beneficiorum te non om-*

ni-

nino gratum ac memorem
 contestaris.

Quod si præsupposita,
 Dei & Christi gloria (quæ
 hic principaliter intendi,
 quærique debet) rem ex bo-
 no ac fructu nostro metia-
 mur.

Certum est, quod acce-
 dens non indigne; toties
 quoties recipiat fructum
 duplicem. Vnum ex Ope-
 re vt aiunt operato, seu ex
 Virtute ipsius Sacramenti;
 sine respectu ad conatum
 suscipientis. Alterum ex
 Opere operantis, seu dispo-
 sitione, studio, conatu, de-
 uotione, ipsius Communi-
 cantis. Ita, vt qui per ali-
 quem suum actum Bonum,
 extra Communionem alio-
 qui percepisset gratiam;
 per eundem Actum, in
 Communionem Multo maio-
 rem

rem accipiat . Quod quidem etiam in alijs Sacramentis verum est ; in hoc tamen vel maxime : Quod exinde Eucharistia, seu Bona gratia dicitur ; quia sumentibus , Bonam, confer tam mensuram gratiæ confert. Abstinentes verò, etiam ex motiuo reuerentiæ & humilitatis, fructum nonnisi percipit vnum.

Nunc autem duplex Bonum, præponderat simplici: maxime, vbi hoc includitur in illo; habeturque plus in duobus, quam haberetur in vno .

Accedit (insinuante supra Doctore Angelico .) Quod ipsa Frequentatio SS. Sacramenti, Necessario quasi inferat, & causet plura alia bona , Exercitiaque virtutum . Mouet enim ad hoc

hoc ; vt Communicaturus ad Communionem se disponat per Orationes, Examen Conscientiæ, Confessionem, dolorem ; Exerceat actus humilitatis, mortificationis ; Attentus sit ad omnia circumspectè. Omne pro illo tempore (Communioni vicino) caueat malitiam, etiam (quantum fieri potest) leuem. Ad quod ipsum, post communionem saltem faciendum, Virtute ipsius Sacramenti adiuuatur. Omissio verò seu Abstinencia, licet hominem ad aliqua bona conuertere possit, id tamen fit valde incidenter ac raro: Immo communiter homines reddit indispositos. Vt verum sit illud : *Qui non est hodie, Cras minus aptus erit.*

Neque hic iterum ingerere:

re: Maiorem ex raritate
 vel abstinencia deuotionem . Vtinam fieret in
 ijs, qui rarissime, idest semel
 in annum, adeoque Communicare deberent deuotissime ! Nunc autem, eo plerumque rediguntur acediae ; vt non modo non deuotè, prompte, Dei & Ecclesiæ pareant Voluntati : sed plane perfunctorie, renitenter, vix pertrahi possint , vt vel semel accedant ex præcepto. & si quoquomodo saluo Christiano more liceret; ne semel quidem accederent : ipsa abstinencia & non vsu, omnem deuotionis gustum sensumque abolentibus.

CAP. VIII.

Congruè ad Frequentem, maximè Quotidianum, SS. Eucharistiae usum adhibenda.

Congruum esse supra innuimus: ut ij, qui præ alijs Frequentius ad Mensam Domini accedentes, gratiæ donis, Bonisque omnibus, cum ipsius Præsentia abundantius perfruuntur; liberaliores se quoque vicissim Domino suo exhibeant: seque maiori studio ac industria comparent; Quotidie coram Domino comparituri. Non igitur sibi satis esse ve-

velint; Quod Nullius sibi
 conscij peccati Mortalis,
 mentem afferant puram.
 Enitendum amplius; vt non
 solum non indigni, sed
 etiam (pro modulo ac te-
 nuitate sua) digni mandu-
 cent & bibant; altius, im-
 pensiusq; dijudicantes Cor-
 pus Domini. Iuuabunt ad
 hoc intentum, ea quæ hic
 paucis, ac compendio sug-
 gero. Et sunt.

§. I.

Præparatio.

HAnc conuenit esse to-
 tius Hominis; potis-
 simum tamen Animæ, se-
 cundum omnes facultates
 ipsius: maxime Intellectus
 ac Voluntatis.

Et Intellectui quidem;

vl-

ultra firmam Fidem, qua
 credat in hoc SS. Sacramen-
 to vere, realiter, & substan- Trid.
sess. 13.
Can. 1.
 tialiter, Corpus & Sangui-
 nem, vna cum Anima, & diuinitate Domini nostri
 IESV Christi, ac proinde
 totum Christum sub specie-
 bus panis & vini, contine-
 ri, &c. Etiam penitior co-
 gnitio! & per meditatio-
 nem altior ruminatio, inspe-
 ctioque conuenit. Cibus
 enim hic, Panis vitæ &
 Intellectus dicitur. Ad
 quem ex mente Augustini
 inuitando Psaltes Regius: 5. Cōf.
11.
Vacate inquit & Videte. pl. 45.
 Mentis auocationem à re-
 liquis, & applicationem ad
 hoc Mysterium, sumentibus
 inspirando. Propterea in-
 quit Clemens Alexand. Sal-
 uator, cum Panem accepisset, 1. Strō
d.
 primum locutus est, & egit

M

gra-

gratias ; Vt ex Ratione , Comedamus . Non enim qui Orthodoxi vocantur, bona opera aggrediuntur , nescientes quid faciant. Hinc olim in Ecclesia Hierosolymitana , Cyrillo teste , Sacerdos ad communionem, inuitaturus , iisdem supra Psalmistæ verbis utebatur : Pl. 33. Gustate , & videte . Fideles maturè commonens : fructum Eucharisticum , non solum manducationi aut gustui ; sed respondere etiam Visioni ac Contemplationi. Cibus solidus est , qui nisi pia mentis reuolutione ruminationeque masticaretur , vix nutrit : Cibus inquit Aug. 7 Conf. fortium sum, cresce & manducabis me , sed non tu me mutabis in te , sed tu mutaberis in me . Non igitur cibus est infantium, qui nesciunt

sciunt nec dijudicant quid
fumant. Cibus est Adulto-
rum, ex Ratione mandu-
cantium.

Hora igitur dum immi-
net Comedendi. Accedi-
te, & illuminamini; quod Ps. 33.

Hieronymo ex Hebræo
transferenti idem est, ac
Respicitè & confluitè. Me-
moriam Diuinis nonnisi re-
fertam mysterijs, Intelle-
ctum, iisdem penitus im-
mersum, apportate. Iam
immensum in nos Amo-
rem, & nimiam Charita-
tem quæ dilexit nos; Iam
beneficij huius donique
magnitudinem; Iam vili-
tatem ac nihilum nostrum,
Christi tãtam in nos digna-
tionem; iam Passionis, mor-
tisque mysterium, aliaque
quæ tum ingeniosa chari-
tas, exundans pietas sugge-

M 2 ret,

ret, penitus introspeciendo,
ruminando, contemplando.

Toti ibi sumus propter Chri-
stū, qui ibi totus est propter
Nos: *O diuinissimum, & san-*

Dio. *ctum Sacrificium, obducta tibi.*

Areop. *Symbolica operimēta ænigma-*

de Ec. *tum reuelans, dilucide nobis*

cl. Hie *demōstra, ac speciales nostros.*

c. 35. *oculos, singulari apertoque-*
lumine imple. Domine vt

videam: Nouerim me,

Nouerim te, & nihil præ-

ter te, &c. Meditationis,

ruminatiōisq̃ue Materiam,

c. 10. *dabimus aliās.*

Ex his, passus fit ad ea,
quæ sunt Voluntatis. *Quam*
Amore ac desiderio, Chri-
sto sese Vniendi, inflam-
matam esse conuenit.

p. 1. de Optima ad Cibus dispo-
Grad sitio est fames: *Fames Ani-*
Char. *mæ est desiderium*, inquit
c. 2. Richar. Vict. Hoc igitur
af-

afferendum , vt cum fructu
Cibum hunc, ac Panem de
Cælo præstitum Mandu-
ces . Animum esurientem
fatiauit Bonis ; Fastidio-
sos diuites dimisit inanes , **Luc. i.**
ideo ; quia repleti Mundi
desiderijs , nauseant super
Quotidiano vsu cibi istius ,
gustu terrenis deprauato :

Comedit (inquit in simili **Ho. 10**
Gregorius) *nec saturatur* ; in **E-**
quia aliud mandit, aliud esu- **zech.**
rit . Comedunt & hi Sa- **longè**
cramentū quod nō esuriunt, **ab i-**
esuriunt autem res terrenas **nit.**

& inanes, quas non come-
dunt , propter quas fasti-
dium concipiunt Ciborum
spiritualium . *Famem igitur* **Ho. 3.**
patiamur, inquit S. Maximus, **de Pē-**
non Corporis, sed amoris; & **tec,**
non tam cibi ieiunio , quam
desiderio laboremus . Inte-
rior itaque homo noster

M 3 esu-

esuriat, habet enim Cibum suum : *Ego sum, inquit, Panis qui de Cælo descendit. Hunc appetat hunc desideret, & Replebit in Bonis desiderium ipsius.*

pl. 102. Desiderium nostrum & Amorem, acuat ipsum Christi desiderium, quo desiderat à nobis manducari : *Desiderio desideravit hoc Pascha manducare. Quia Mysteria traditurus erat, inquit Chrysostomus; hoc est daturus seipsum Discipulis: non illis modo, qui tunc præsentibus aderant, sed & futuris usque ad consummationem sæculi.*

Et verò, quid aliud denotat continuata ipsius nobiscum præsentia? nisi ardens ac continuum desiderium, quo vult à nobis manducari. Pene ultro seipsum

sum

sum nobis ingerit , dum
tam constanter in omni fe-
re Ecclesia, conuiuis se exhi-
bet : *Adiicit vim ac violen-*
tiam, dum præcipiendo dicit,
Comede, inquit Gerson.

O igitur in nobis desi-
derium Seraphici Bonauen-
turæ ! qui cum moribun-
dus decumberet , iamque è
vita discessurus, ob nausean-
tem omnia stomachum , ne
Viatico quidem suo reue-
renter frui posset ; ideoque
eam saltem desiderij sui
medelam impetraisset , vt
Christi Corpus Cordi suo
admoueretur , quo illo Cor
è vicino frui posset: tandem
vehementia Amoris desi-
derijque , sese Christo suo
coniungendi , in tantum
profecit; vt eundem, per vi-
scera suo miraculo pene-
trantem , cordis sui hospi-

Vvad
To. 2.
Annal
Anno
1275.
n. 17.

tem intus attraxerit. **O**
 nobis desiderium Senensis
 Virginis ! quæ non minus
 ore quam cordis affectu,
 Christo suo desideranter
 appropinquans ; Violenter
 penè , è manibus Sacerdo-
 tis , sese in Eucharistia ex-
 pedientem, ac ad Virginal-
 le Cordis ipsius habitacu-
 lum properantem Christum,
 toties raptum pene, gratan-
 ter habuit . Rapito & tu
 similiter, hoc rapinæ genus
 approbatum. Quanquam , ,
Ier, 30. *Quis est iste, qui applicat cor
 suum ut appropinquet tibi !*
 miratur Propheta dignatio-
 nem Domini . Innuens :
 quod hic Cibus , non expe-
 ctet (sicut alij) ut attrahatur;
 sed ipse ceu Panis viuis ,
 quærit animam, ut intret ac
 manducetur . Et dum in-
 trat ac manducatur, ita pa-
 scit

fcit, ac reficit; vt reſectos,
magis ac magis faciat eſu-
rire. *O bone Deus*, Excla-
mat Richar. de S. Victore: p. i. de
Gr.

quomodo amantes te ſic re- Ch. c.
ficis, vt magis eſuriant! ac^{2.}

ſubiungit: *Cum cibis qua-*
litates ſuas nutrito imprimat,

Quia tu cibus es & eſuriens;
qui te non gultauit, prorsus
eſurire nescit. Vt eſuriat,

manducet; vt fructuoſe ac
ſalubriter manducet, eſu-

riat. Eſuriat autem non
modo deſiderando; ſed &

animum, ab ijs quæ Mundi
ſunt, euacuando. Fames enim

à Vacuitate cibi prouenit.

Dicat cum Ambroſio: *De-* l. 2. de
Temp
poſui peccatum, temperaui

mores, delicta deſerui; eſurire Ser. 2.
de A-
incipio. Vel cum Bernar-

do: Pro modulo noſtro, exi- ſcens.
ſanire per omnia noſmetip-

ſos, & à delectationibus mi-

M 5 ſe-

seris, & caducis consolationibus euacuare, studeamus.

Hoc exinanitionis medio
 Serui Dei, non ingentem
 modo famem, sed orexim
 pene, huius Sanctissimi Ci-
 bi, in se deliciose simul
 ac fructuose experti. Quan-
 ta fames illius ! Qui do-
 num saporandi, odorandi-
 que hunc cibum consecutus;
 auidissime relegabat vicos
 & plateas, per quas ad in-
 firmos forte SS. Sacramen-
 tum deportatum fuerat; gra-
 tissimoque illo Paradisi o-
 dore irritatus, tanta semel
 correptus est fame; ut eiuf-
 dem amplius impatiens, ad
 Ecclesiam rapidissimo de-
 latus cursu, non Eucharis-
 tiam modo, auidissime si-
 mul ac deliciosissime con-
 sumpsit, sed continuandæ
 sumptionis auiditate,
 ip-

P.Rho

Orat.

17.

ExGu

liel.

Parif.

deRhe

thor.

diuin.

C,34.

ipsam adeo pixidem dentem comminuerit. Quantum sumendi desiderium, in S. Philippo Nerio! qui Christi sanguini sugendo inhians; ipsum vna calicis aurum, labijs ac spiritu deterebat. Norant hi, dulciterque in semetipsis experti sunt, quam verum sit: Famis hoc tempus esse, ac Beatos qui esuriunt. Mat. 5

Ne igitur lento corde, & ore languido, Sacramentum Dominici Corporis sumamus ac sanguinis; sed cum omni auiditate, *quasi* Tract.
vere esurientes ac vere si- ad
tientes, recte monet Gaudens Neop
 dentius. Nonne videtis (animaduersio est Chrysostomi) quanta promptitudine paruuli papillas capiunt; quanto impetu labia vberibus infigunt! Ac-

cedamus cum tanta nos quoque alacritate ad hanc mensam, quinimo cum maiori. Trahamus tanquam, infantes lactentes; Spiritus gratiam; & vnus sit nobis dolor, hac esa priuari.

Scio mi dulcis IESV, & confiteor coram diuina, Maiestate tua, ac omni penitus Creatura: Quod mensa tua indignus sim: *Non est (scio) hac mensa Coruorum, sed Aquilarum; Viro- rum altissimi spiritus & affectus. Cæterum, quia-* pf. 146 *das escam etiam pullis Coruorum inuocantibus te; id- que non alio merito, quam quia fament. Illis me adiungo, cum ijsdem arden- ter clamo ad Te: Pasce Domine pasce pullos coruo- rum, filios peccatorum, clamantes ad te. Ah Do- mi-*

mine, non tamen de ijs esse
velim: *Qui lambunt petram, Cypri.*
sed inde mel non sugunt: de Cē.
Corde sicco & mente arida. Dom.

Venio ad te, & vt fructuose
manducem, offero tibi quod
potest Mendicus; non au-
rum, non argentum subli-
mum virtutum. Quid da-
bo vt ad te fructuose veniā?
Aurum & argentum non
est mihi; quod autem ha-
beo hoc do. Quid illud?
Palatum apertum, fauces e-
surientes, oculos præ ino-
pia languentes. Tu autem
pro tua bonitate ac miseri-
cordia diues in omnes,
Animam esurientem satia
Bonis.

Et verò satiabit is, qui
Replet in Bonis desiderium
tuum: *Dilata igitur os tuum,*
& implebit illud. Quanto **ps. 80.**
magis dilataueris, quantum
pro-

Apud
Io.
Rho.
or. 20.

procefferis defiderio , tantum & repleberis . Defiderabis eam spiritus & Animæ plenitudinem ; quarum rerum aliarum omnium oblitus ac pertæsus , soli Deo immerfus , eidem sine strepitu temporalium , fuauiter frui possis . Fiet . Dilata os tuum & implebit . Nonne Francisca Romana, Gonsaluus Sylueria , alijque serui Dei , ad mensam hanc extatici , sensibus destituti , soli spirabant Deo . Pofces constantem ac firmam Fidem , Spem inconcussam, Amoris ignem tantum , quem nec flumina aduersitatum ac malorum obruant ? Impetrabis . Dilata os tuum & implebit illud . Recole tot Sanctos Martyres , fortissimos Christi Athletas ; qui plerumque ante Agonem,

nem , hoc se diuino (Cy-
 priano teste) firmabant Sa-
 cramento , vt vincerent .
 Optabis spiritum orationis ,
 Custodiam sensuum , Per-
 seuerantiam finalem in Bo-
 no ? Obtinebis . Dilata os
 tuum & implebit illud .
 Dicent Ioannes de S. Fa-
 cundo , Balthasar Alvarez,
 alijque studio orationis de-
 diti; Communionis horam,
 esse Tempus tractandi cum
 Deo , ab eoque ediscendi ,
 quid , & quomodo (prout
 oportet) orare debeamus .
 dicent tot exules filij Euæ ,
 tot profugi à facie perse-
 quentis Iezabel Eliæ; in for-
 titudine cibi illius, se per-
 uenisse ad Patriam, ad mon-
 tem Dei Horeb.

3. Reg
 19.

Virtus huius Sacramenti,
 Sugitur in vi Amoris ac de-
 siderij . Quanto plus ama-
 ueris,

ueris, amando desideraueris;
tanto magis præparatus,
maiori etiam fructu man-
ducaueris.

Rf 41. O igitur : *Quemadmo-
dum desiderat ceruus ad fon-
tem aquarum, ita desiderat
Anima mea ad te Deus. Si-
tiuit in te anima mea, quam
multipliciter tibi Caro mea.
Quid mihi est in Calo & à
te quid volui super terram.
Defecit cor meum & caro
mea. Deus cordis mei, & pars
mea Deus in æternum. Quis
nos separabit à charitate
Christi, etc. Diligam te Domi-
ne virtus mea. Dominus
firmamentum meum & refu-
gium meum, &c.*

Ne autem verbo & affe-
ctu tantum, non verò ope-
re & effectu diligere con-
uincare. Cauenda sunt
Frequenter Communicanti,
non

non solum ea quæ contra-
 ria sunt Charitati, (quale
 est mortale peccatum) sed
 etiam ea, quæ minuunt fer-
 uorem charitatis; hoc est
 peccata venialia, delibera-
 ta maximè & frequentia;
 Inordinatæ passiones, ad
 oblectamenta sensuum pro-
 pellentes. Manna Hebræis
 datum non est, nisi consum-
 pta farina Ægypti. Fari- Exod.
16.
 na (ex mente Asceticorum)
 sunt: vel res delectabiles,
 quibus fouetur Amor pro-
 prius ac nutritur; quales
 sunt loquacitas, & sermo
ad rem (vt ait Apostolus)
non pertinens, ioci, prophæ- Eph. 5
 na solatia, &c. Vel odores
 & vestigia, quæ remanent
 ex vita præterita, si hæc
 forte minus laudabiliter
 acta. Iuuerit multum, vin-
 cere se in ijs etiam, quibus
 alio-

alioqui vti licitum esset.

Cordis insuper euagationes, distractionesque mentis, illa hora (quantum fieri potest) cuitandæ. Immorandum, immoriendumq; tunc Christo, eiusque Passioni; vt dici possit de communicaturis: Mortui estis, & vita vestra abscondita est cum Christo in Deo.

Colof. 3

P R A E M I T T E N D A
quoque Intentionis Puritas. Vt scilicet non solum non ex motiuo vano; sed ne ob proprium quidem deuotionis gustum, ac delectationem suauitatemque etiam spiritualcm: Verum ex motiuo solius Dei & Christi gloriæ, eiusque gustus explendi desiderio: deinde arctissimæ Vnionis cum Christo, Tuisque Proximis, memoriæ Passio-
nis

Bonau
de
Perf.
sup.

nis victoriæ tentationum, Præseruationis à lapsu, Gratia; ac virtutum augmenti, Perseuerantiæ ad mortem in Bono, vitæque æternæ consequendæ intuitu ac intentione accedas.

Fines hos vel similes, vt facilius memoria teneas; vti licebit Septem petitionibus orationis Dominicæ, in quibus Septem præcipui fines continentur. *Sanctificetur*, extollatur, glorificetur nomen tuum: *Adueniat Regnū*, vt possideas, domine- ris, disponas in nobis omnia, iuxta gustum ac satisfactionem tuam; quò & nos veniamus in Regnum tuum: *Voluntas tua* est, vt fiat in tui commemorationem, Passionisque ac mortis tuæ; donec ad iudicandum veniās. Vt per Corporis tui sumptio-

ptionem, fiamus vnum tecum, ac vnum inter nos, qui de vno pane participamus in terra. Fiat itaque voluntas tua: *Panem nostrum super substantialem*, quo viuamus, augmentemur in gratia ac virtutibus, da nobis hodie. Et propter te metipsum, *dimitte nobis debita, præterita*. Vt Præseruemur à futuris; ne nos inducas in tentationem. Sed libera nos ab omni malo, temporali & æterno, per Finalem Gratiam, & perseuerantiam in Bono; quâ consequatur Vita æterna. Amen.

§. II.

Sumptio.

PRæparationem, in puritate & desiderio. potissimum

finum sitam voluimus. Cum **Aug.**
 autem desiderium sit amor **de Ci-**
Boni absentis ; tendit ad ac- **ui. Dei**
 quisitionem , Possessionem- **l 14.**
 que ipsius . Hanc consequi- **c. 7.**
 tur , Gaudium , Fruitio, **post**
 (quæ Augustino teste nil **med.**
 aliud est , *quam præsto habe-* **De**
re quod diligis) & Quies Ani- **Mor.**
 mæ in Bono : qui sunt A- **Eccl.**
 ctus Amoris de Bono præ- **c. 3. an**
 senti . Postquam ergo præ- **te med**
 paratus , desideranter Do-
 minum in domum cordis
 tui introduxeris , eumque
 præsentem habueris . Quid
 aliud ages ? quid restat
 aliud ? quam vt gaudio de
 præsentia ipsius diffluens ,
 pleno ac dilatato Corde , in
 dulcedine Amoris ac Ani-
 mæ tuæ , eodem perfruaris :
 Et , vel cum Magdalena ad
 pedes Domini tui corruens, **Luc. 7.**
 eodem dulci amoris ac
 con-

Cant.
3.

contritionis lacryma irriges ; vel cum Sponsa, post ardens desiderium, & *Quasi* *suu* quem diligit *Anima mea*: *introduc* *tum* iam in domum tuam, *Teneas* eum ardentissimi amoris complexu, *nec* *dimittas*. Aut cum eadem,

Can. I *sub umbra illius* pro te Crucifixi, quem desideraueras, in quiete contemplationis confideas. Vel demum, ceu *Fasciculum Myrrhæ* dilectum tuum tibi, inter vbera tua dulciter commorantem, toto cordis affectu stringas, & apprimas; ponasque eum vt signaculum super cor tuum, vt signaculum super brachium tuum: *Ego dilecto meo & ad me conuersio eius. Dilectus meus mihi & ego illi. Quid mihi est in Cælo, & à te quid volui super terram. Deus*

cor-

cordis mei & pars mea Deus.
 Magnificat Anima mea Do-
 minum & exultavit spiritus
 meus in Deo salutari meo .
 Diligam te Domine virtus
 mea, &c.

§. III.

Gratiarum Actio.

HÆc, est continuatio
 Actuum ac affectuum,
 in Christi præsentia . Con-
 sistit autem potissimum in
 his tribus . *Primo* . In æsti-
 matione, & admiratione
 Beneficij; cum respectu ad
 vilitatem, & indignitatem
 nostram . *Secundo* . In lau-
 de & extollentia Liberali-
 tatis ac Beneficij : Cum
 promptissima vicissim ob-
 latione nostri, & transcri-
 ptione ad omne Benefacto-
 ris

ris obsequium . *Tertio* . In redhibitione Actuali .

Magna igitur cum veneratione , humilique profectione tui interiori & exteriori, pronus ante faciem Domini, cum Abraham, Daniele, ac alijs, in abyssum, nihili tui te demittes, ac admirabundus exclamabis : Et vnde mihi hoc, vt veniat Dominus meus ad me !

Ruth,
2.

Vnde mihi hoc, vt inuenirem gratiam apud oculos tuos Domine , qui consolatus es me, & locutus es ad cor ancillæ tuæ, quæ non sum similis unius puellarum tuarum !

ps. 21,

Quid recordatus es mei ; & non dereliquisti quærentes te Domine ! Ego vermis & non homo , opprobrium hominum & abiectio plebis . Ego puluis & cinis, &c. Tu Deus, Rex, Magnus Do-
mi-

minus, super omnes Deos, *pl. 8.*

&c. *Quid est homo quod memor es eius, aut Filius hominis quoniam reputas eum.*

Minuisti eum paulo minus ab Angelis, immo coæquasti eum Angelis. Panem Angelorum manducauit homo, eadem gloria & honore coronasti eum, &c.

O Domine Dominus noster, quam admirabile est nomen & opus tuum hoc in vniuersa terra! Quia respexisti humilitatē ancillæ tuæ. Laudent te Domine omnes Sancti ac benedicant tibi. Ego autem: *pl. 115*

Quid retribuam Domino pro omnibus quæ retribuit mihi! Nihil aliud nisi te ipsum Tibi; qui Tibi solus sufficis. Sacrificio laudis honorificabo te. Tibi laus tibi gloria, tibi gratiarum actio in sæcula.

N

Do-

Act. 4. *Domine quid me vis facere ?*

ps. 56. *tuus : Paratum cor meum
Deus . O Domine ego servus*

ps. 84. *tuus . Audiam quid loquatur
in me Dominus Deus , Lo-*
quetur enim pacem in po-
pulo suo .

Factoque Animæ silen-
tio, ac quodam intuitu su-
per vitam , mores , ac con-
versationem tuam ; Con-
scientia tibi dictabit , quid
à te fieri velit, quid corrigi,
ac emendari .

Hic Propositorum locus.
Hic erubescentiæ de tepi-
ditate tua . Hic inuocatio
Auxilij . Petitiones ac
Commendationes necessi-
tatum, tam tuarum , quam
aliorum . Atque cum tem-
pus adesse credideris , quo
desinentibus speciebus Sa-
cramentalibus (quadrens ho-
ræ

ræ putatur à sumptione)
 ipse quoque Sacramentalem
 præsentiam suam, tibi sit
 subtracturus . Breui om-
 nium actuum affectuumque
 • recapitulatione facta, cum
 omni profunditate cordis
 protestaberis : *Non te di-* Gen.
mittam Domine, nisi benedi- 32.
xeris mihi . Cum certa spe,
 quod sicut olim Ascensus
 in Cælum; ita & nunc, *Ele* Luc.
uatis manibus , benedicet 24.
 tibi . Tu autem eorum
 quæ locutus est non immæ-
 mor, Executioni te trades;
 vitamque ages, Christo, eiuf-
 que vltiori dignam præ-
 sentia .

Et hoc est *Fragmenta col-* Io 6.
ligere quæ superauerunt : hoc ps. 75.
reliquias cogitationum diem
festum agere ; rassumendo
 identidem præclaros sen-
 sus, quos Dominus in sacra

Communione tibi fortè aperuerit; ijsque per reliquum diem identidem inhærendo, per eosdem ad sequentem te iterum pares Communionem.

Porro, quos fructus, dicta Gratiarum actio pariat? Experieris facile. Interim, ex proportionem bene digesti concoctique cibi collige: Inde tota sanitas, vigor ac salus hominis. Digestio autem non fit momento, sed cum tempore. Etsi verò hoc Sacramentum, Gratiā in Anima causet, statim ac Manducari cæpit. Eandem tamen gratiam continuari, & augeri per actus nostros, indubitatum est. Ijs proinde inhærendum, quantum tempus, vires, & opportunitas patietur. Monstrandumque practice, quod

quod Christi conuietus tadium non habeat; quodque non solum ipsius, sed & nostræ vicissim deliciæ sint, esse cum Dei Filio .

DEFECTVS istorum inter causas reputa, Cur ex frequēti Communione quidam non proficiant . Insinuante idipsum Domino per Prophetam suum : *Ponite inquit corda vestra super vias vestras . Seminastis multum & intulistis parum, comedistis & non estis saturati, operuistis vos et non estis calefacti, & qui mercedes congregauit, misit eas in sacculum pertusum .* Aggli

Seminastis inquit multum. & intulistis parum . Christus in SS. Sacramento Grano frumenti comparatus, se se ipsum seminat in Agro Animæ . Vt fructum af-

N 3 fe-

ferat ; necesse est , semen
 hoc in terram cadat bonam, præparatam , liberam
 à spinis & tribulis peccatorum, desideriorum huius
 Mundi,&c. Sulcatam ferro
 Mortificationis, refrenationis
 Passionum, appetituum
 inordinatorum . Occatam ,
 seu reductam ad æquabilitatem
 animi in omnibus . Non tantum : sed si fructum
 insuper trigesimum , sexagesimum
 desideras; necesse est , vt in terra bona
 moram faciat,& vsque dum
 mortuum fuerit , à terra
 bona foueatur .

Quod igitur sæpe seminans,parum intuleris; exinde
 etiam venerit : quod vel non
 præparatus ager acceperit;
 vel vt seminatum est, continuo
 venerint Volucres Cæli , cogitationes , agita-
 tio-

tiones mentis aliæ, non feruientes illi tempori; & tulerint illud de mente ac memoria affectuque.

Comedistis & non estis saturati. Cibus Animæ est. Vult proinde (præter dispositionem sanam, famem, ac desiderium) etiam masticationem, retentionem, sui ac digestionem, caloremque per actus feruentes continuatum. Hæc quia defuerint; ad saturitatem peruentum non est.

Operuistis vos, induentes Dominum nostrum IESVM Christum: *Calefacti tamen non estis*; quia eum attenta Meditationis zona, ad cor & animam non restrinxistis.

• Per mercedes bonorum, affectuum, gratias, & dona, à Domino in Sacra Com-

munione collata , ditiores
ad modicum facti , ad pri-
stinam redacti estis indigen-
tiam: *Quia missa in sacculum*
pertusum , in cor & Ani-
mam , omnibus omnino
peruiam distractæ mentis
cogitationibus ; secus quam
faciebat illa , quæ *conserua-*
bat omnia verba , conferens
ea in Corde suo .

Luc. 2

Tu igitur cum Commu-
nicaueris , intra in cubicu-
lum cordis tui ; & clauso su-
per te ostio sensuum , ora
Dominum tuum in abscon-
dito , nullis alijs patens cu-
ris , nec cogitationum alia-
rum tumultibus . Et Do-
minus *dabit tibi petitiones*
ps. 36 *cordis tui* , fructum Com-
munionis vberem ac super-
effluentem in sinum tuum :
quem ego tibi opto , tu desi-
deras , Dominus autem , se,
sua-

suaque mysteria Frequentibus copiose largiatur.

CAP. IX.

Fomenta prædictis subservientia .

AD desiderium & Amorem Christi in te excitandum fovendumque, meliora dum occurrant; ijs quæ sequuntur, per hebdomadæ dies, non infructuosè uti poteris .

Et quidem cum desiderium in nobis, ipsum excitet Bonum; quo, vel ad indigentiam nostram explendam, vel ad mala quibus premimur depellenda, vel ad

N 5 per-

perfectionem aliquam consequendam, opus habemus. Horum consideratio, animum nō difficulter ad consecutionem illius stimulabit & accendet. Quod ut eo pronius fiat. Accedente. Communionis hora.

§. I.

DIE PRIMA.

I **C**ONSIDERARE licebit ac recolere, *statum Mundi ante aduentum Christi*: quam miserabilis, planeque deffendus, in illis Gentilitatis tenebris, ac cæcitate mentis; ex qua, in omnia mala, & vitiorum genera passim proruentibus, in tantum superabundauit iniquitas; ut vix fuerit qui faceret bonum.

Da-

*Dominus, inquit Psaltes, de ps. 13.
 Cælo prospexit super filios
 hominum; ut videat, si est in-
 telligens aut requirens Deum.
 Omnes declinauerunt, simul
 inutiles facti sunt. Non est
 qui faciat bonum, non est
 usque ad unum. Corrupti
 sunt & abominabiles facti
 sunt in studijs suis: non est
 qui faciat bonum, non est us-
 que ad unum. Exinde.
 Contritio & infelicitas in
 vijs eorum, & viam pacis
 non cognouerunt. Pacis po-
 tissimum æternæ; descen-
 dentibus tot quotidie ad in-
 feros.*

*Malo huic ac infelicitati
 (ortum ducenti à tenebris,
 ac cæcitate dicentium in
 corde suo: Non est Deus)
 remedium petendum erat à
 Luce. Quanto igitur cre-
 dis desiderio, solem Iusti-*

N 6 tiæ

tiae, candorem lucis æternæ, Dei Filio præstolabantur ij pauculi; qui inter Cæcos Videntes: & ipsi prouidebant Dominum in conspectu suo semper; & Dei cognitione illuminatos volebant reliquos. Testes illæ gementium voces:

Is 60. *Vtinam disrumperes Cælos*
 ps 105. *& descenderes! Visita nos*
in salutare tuo, ad videndum
in bonitate Electorum tuo-
 ps 84. *rum. Ostende nobis Domine*
miserericordiam tuam, & sa-
lutare tuum da nobis.

Postquam autem obumbrante Spiritu Sancto, in vtero Virginis conceptus Sol iustitiæ, ceu in Aurora illucescere cæpit. Quantum inde gaudium! Quæ Exultatio! Quæ gratiarum actio! Idæam horum propositam, iuuenies in Cantic-

co-

co Virginis : *Magnificat* **Luc. 1.**
 Anima mea Dominum . Et
 exultauit Spiritus meus .
 Quia respexit, &c. His ita
 præmissis.

2 *VIDE*, si non simi-
 lis aliqua lucis indigentia,
 si non prouenientia inde
 mala, animam tuam pre-
 mant : *Venit quidem lux in* **Io. 1.**
Mundum, quæ illuminat om-
nem hominem . Signatum est **ps. 4.**
super nos lumen vultus eius ;
 tum per Baptismum, ceu
 illuminationis Sacramen-
 tum ; tum per doctrinam
 Euangelicam, tibi non igno-
 tam ; de Deo, eius præsen-
 tia, Prouidentia, Iustitia, Præ-
 ceptis, Consilijs . Audi-
 ueris : *Quid prodest homini* **Matt.**
si uniuersum Mundum lu- **16.**
cretur, animæ vero suæ detri-
mentum patiatur . Querite
primū Regnum Dei & Iusti-
tiam

Mat. 6. *tiam eius . Facite fructus*
Io. 3. *dignos pœnitentiæ , & simi-*
lia .

Omniane tua in luce ?
 totusne oculus tuus men-
 tis , totum Corpus tuum
 lucidum ? Ut corpore &
 mente sanctus , nulla ope-
 ra tenebrarum , nulla opera
 mala (quæ lucem oderunt)
 committas ? Ut stabilita-
 tem æternorum ; vanitatem ,
 labilitatem temporalium ,
 ac terrenorum penetrando ;
 hæc transeas , illa secteris ?

Vereor , ne & apud te
 quandoque fiant , vel tene-
 bræ (per raram omnino
 memoriam aut obliuionem
 Dei) vel obnubilationes
 mentis , per fascinationem ,

Sap. 4. *Nugacitatis , quæ obscurat*
pf. 103. *bona . Vel Nox cæca , in qua*
pertranseant omnes bestię syl-
ue , irrationales appetitus ,

ut

*ut quarant escā sibi, terrenarum iucunditatum, & solatiorum; quibus sic perfrua-
re, ut amittas cælestia.*

Et non metues noctis, vel cæcitat^{is} huius pericula? Nō aspirabis ad illam lucem? in cuius lumine ac illustrationibus internis, videas lumen; idest Deum tibi semper præsentem, eius voluntatem ac beneplacitum, in his quæ sunt legis diuinæ, ac perfectionis Euangelicæ?

3 Ecce tibi oritur in SS. Eucharistiæ Sacramento Splendor lucis æternæ, illuminans omnem hominem, te quoque sedentem in tenebris. Et non desideranter ingemisces cum Psalte? *Domine ante te om-* ps. 37.
ne desiderium meum, & gemitus meus à te non est ab-
scon-

- scconditus . Cor meū conturbatum est in me , dereliquit me virtus mea, & lumen oculorum meorum & ipsum non*
Rf. 42. *est mecum . Emitte lucem tuam & veritatem tuam, ipsa me deduxerunt & adduxerunt in montem sanctum tuum, & in tabernacula tua .*
pl. 30. *Illustra faciem tuam super seruum tuum , saluum me fac*
pl. 35. *in misericordia tua . Domine non confundar, quoniam speravi in te . Quoniam apud te est fons vita, & in lumine tuo videbimus lumen . Prætende misericordiam tuā scientibus te , & iustitiam tuam his qui sunt recto corde .*

Cum accesseris, & lucem hanc in abditos sinus tuos intromiseris . Nonne exultanter cum eodem Psalte :
pl. 26, *Dominus (inquies) illuminatio mea*

mea & salus mea quem timebo. Dominus protector vitæ meæ à quo trepidabo.

Exortum est in tenebris lumen rectis, misericors & miserator & iustus. Laudate eum Sol & Luna, omnes stelle & lumen, &c. ps. 114

Sed simul ad lucem illam, lapsus tuos præteritos recognoscens, opera tenebrarum coram eodem detestaberis; vitanda propones. Cumque humiliter auxilium, verbis illius Cæci Evangelici: *Domine ut videam*, vel Psalte: *Illumina oculos meos ne unquam ob-* Luc. 18
dormiam in morte, ne quando dicat inimicus meus prævalui aduersus eum; postulaueris: ne dubita, Verbum Conso- ps. 12.
lationis ad te peruenturum illud: Non occidet ultra II. 60.
Sol tuus, & Luna tua non

mi-

minuetur, quia erit tibi Dominus in lucem sempiternam.

Quod ubi perceperis, inuouas solutus gratias; Canticum Puerorum, exultanter adieceris illud: *Benedicite*

Dan. 3. *omnia opera Domini domino, laudate & superexaltate eum in sæcula. Benedicite Angeli Domini domino, benedicite Cæli domino. Benedicite Sol & Luna Domino, benedicite stellæ Cæli Domino. Benedicite lux, & tenebræ Domino, &c. Benedicamus Patrem, & Filium cum Sancto Spiritu, laudemus & superexaltemus eum in sæcula: Benedictus es Domine in firmamento Cæli; & laudabilis, & gloriosus, & superexaltatus in sæcula.*

Deinceps autem videas, ut verificetur in te illud **pl 88.** *Dauidicum: Domine in lumine*

ne

ne vultus tui ambulabunt, & in nomine tuo exultabunt tota die, & in iustitia tua exultabuntur. Quoniam gloria virtutis eorum tu es. Non immemor & illius Euangelici: *Ambulate dum lucem habetis, ut non vos tenebrae comprehendant: dum lucem habetis credite in lucem, ut filij lucis sitis.* Omnia tua hac die fiant sine nœuo. Io. 12;

§. II.

DIE SECVNDA.

I **C**ONSIDERARE licet Statum Domus Zacchariae, & Elisabethae; illum sane aliquando miserum: Quo Ioannes in vtero, vinculis naturæ constrictus, & grauatus pondere peccati Originalis. Luc. 1.
Pa-

Pater autem ob incredulitatem, linguæ vſu deſtitutus. Mater vtriuſque calamitate per compaſſionem preſſa: vbique gemitus, vbi- que ſuſpiria. Hinc Filius, *pf. 50.* re, ſi non voce: *Ecce ego in iniquitatibus conceptus ſum, & in peccatis concepit me Mater mea.* Inde Pater, nutibus inſinuans mæſtum, illud: *Adhæſit lingua mea pf. 21. faucibus meis.* Quam deſideranter credis Hic: *Do- pf. 50. mine labia mea aperies, & os meum annuntiabit laudem tuam.* Ille vero: *Miferere mei Deus ſecundum magnam miſericordiam tuam, ſuſpira- uerint.*

Et ecce non ignara Ma-
lorum Miſericordiæ Mater;
abiit & venit in Montanā
Luc. 1. cum feſtinatione. Vt autem
primum ingreſſa, Patrem
mi-

miseri cordiarum, & Deum
totius consolationis, domui
intulit; vt primum facta
est vox salutationis in
auribus Elifabeth: Quan-
tum inde bonum! quan-
tum solatium! Solutis vin-
culis, excusso pondere
Exultauit infans. Cum
tempore, & lingua Patris
in laudes & hymnos; tota
vicinia, in gaudia & exulta-
tiones abiit.

2 Ingredere iam do-
mum, & Conscientiam
tuam; lustra sinus & recef-
sus tuos. Videsne an sen-
tis calamitates, vincula seu
pondera peccatorum? Vt
vt absint graua, Quotidianos
nexus, vel arenas multitu-
dine sua prementes ani-
mam, certus sum deprehen-
des: *Multiplicate sunt* (for-
te inquires) *super capillos ca-*
pi-

ps. 37.

pitis; Iniquitates meæ supergressæ sunt caput meum, & sicut onus graue gravatæ sunt super me. Putruerunt & corruptæ sunt cicatrices meæ, à facie insipientiæ meæ.

Miser factus sum & curuatus. Afflictus sum & humiliatus sum nimis, rugiebam à gemitu cordis mei.

Nonne igitur ò Anima, (ad Deum, & Dei arctiorem amicitiam anhelans) Cum alacritate spiritus, viâ mandatorum eius, in dilata-tione cordis tui currere desideras? His igitur nexi-bus enodari, hoc pondere liberari appetis! **Phil.i.** *Cupio in- quies dissolui & esse cum Christo, per vitæ scilicet in- nocentiam. Quis me libe- rabit de Corpore mortis hu- ius, de corpore quod cor- rumpitur suis in desiderijs,*

ac

ac toties innodat & aggruat Animam : *Sed unde auxilium mihi ?* ps. 120

3 *Leua oculos tuos in montes, in sublime Altaris Dei. Inde Auxilium tuum à Domino. Ecce iste faciens, cum alacritate cum festinatione venit tibi ; vt liberet te , vt expediat à peccatis tuis ; maxime venialibus : quæ virtute Sanctissimi Sacramenti penitus tolluntur, dimittuntur.*

Et non occurreas cum gaudio ? non recipies cum amore simul & admiratione ? *Vnde hoc mihi, vt Dominus meus veniat ad me ! Vt insonuit vox illa Tuorum benignissime IESV : Ecce Agnus Dei, ecce qui tollit peccata mundi : sed & illa vox tua dulcis : Venite ad me omnes qui laboratis & iugum grave habetis.* Matt. 11.

one-

onerati estis, & ego reficiam
vos. Exultauit spiritus meus,
in te Deo salutari meo.

Nonne prociduus ante Do-
minum, exultanti corde in-
sonabis illud Zacchariæ :

LUC. I. *Benedictus Dominus Deus
Israel, quia visitauit & fecit
redemptionem plebis suæ .
Salutem ex inimicis nostris,
& de manu omnium qui ode-
runt nos . Vt sine timore de
manu inimicorum nostrorum
liberati, seruiamus illi: in san-
ctitate & Iustitia coram ipso,
omnibus diebus nostris .*

Factaque coram illo humili
tui accusatione, dolore de
peccatis, hoc vel illo spe-
cialiter . Petes ardentem ,
vt te Christus nouo sui A-
moris vinculo sibi adstrin-
gat, nec patiatur vnquam
à se separari . Illi vltro
Animam, Corpus , Sensus,
om-

omnem libertatem illigabis , vt sis ac maneat Vinc-tus Christi.

In reliquo dabis operam, vt sicut tribus Mensibus in domo Zacchariæ; ita tribus saltem vel pluribus horis, per frequentem sui suæque Passionis memoriam, apud te maneat Christus.

§. III.

DIE TERTIA.

I NFERES te *Antro Be-* Luc. 2
thleëmitico; recensque
nati Saluatoris notissimam,
tenera mente reuolues hi-
storiam. Felicitatem, San-
ctitatem Loci, ac Persona-
rum eo concurrentium, te-
cum reputans. Eò loci pri-
mò Deus in terris visus,
eodem præter SS. Matrem

O

&

& Iosephum, etiam pertraxit Angelos, Reges, Pastores. Quanto hi accurrere desiderio! Quanta veneratione ingressi adorauere! Amore complexi! Quam ægre inde diuulsi! Quam dulci deinceps memoria, toto itinere suo, laudantes benedicebant Deum; amplissimis ab eodem ditati ac cumulati, Bonis. - Felices nimium, quibus ea Fortuna ita peracta est; vt fructu ipsius, etiamnum in Cælis perfruantur.

2 Nonne o Anima & Tu desiderares similem? Ab ea non excluderis. Quotidie tibi innouatur. Bethlehem Domus Panis dicitur. Quid aliud Ecclesia, in qua Cælestis hic Panis proponitur, nisi Bethlehem? In qua, virtute Consecrationis

nis quotidie Christus renatus, tibi adorandus, sumendus, proponitur. Et non accurre desideranter cum Pastoribus? non transibis festinanter? ut Videas hoc Verbum quod factum est, & Dominus ostendit tibi?

Cumq; in conspectum ipsius veneris: Nonne cum SS. Regibus procidens adorabis? *Venite* inquit *adoremus & procidamus ante Deum, ploremus coram Domino qui fecit nos, quia ipse est Dominus Deus noster, nos autem populus eius, & oves pascuæ eius.* Porrectum, nonne ardentioris Amoris brachijs complexus stringes? præ teneritudine animi diffues? Cum Cælesti Angelorū Choro, laudes & Gloriam Deo occines? *Gloria in excelsis Deo,*

ps. 941

*in terra pax hominibus bonæ
voluntatis. . Laudamus te .
Benedicimus te, Adoramus
te, glorificamus te : Gra-
tias agimus tibi, propter ma-
gnam gloriam tuam . Non-
ne toto exultabis corde ,
Tibi datum Tibi natum .*

pl. 2.

*3m Sed & vicissim totum
Te illi dabis , consecrabis :
Munerum loco , potentias
Animæ, Te totum offeres .
Simulque Cauebis , ne tam
ardenter receptum , leuiter
deseras ; Neque Cor tuum
fiat diuersorium , omni va-
nitati peritium , in quo ei
locus non sit . Soli IES V,
MARIÆ, Iosepho, vt me-
moriam ; ita Cor & Anima ,
illa vel maxime die , sacra
sunt .*

*vel coram theologo . Hic
dico . O . in hoc .
2053 2155 2255 2355 2455*

in

o

DIE

DIE QVARTA.

III **I**NGRESSVS Tem- Luc. 2
 plum Salomonis :

Contemplaberis cum Si-
 meone & Anna desolatio-
 nem ipsius ; quod bella , ac
 inde Gentium profanatio-
 nes , multum a prima sua
 gloria dimouerant . Inde-
 que mæstos, ac expectantes
 felicem illam horam, qua
 Deus impleturus erat Pro-
 phetiam Malachiæ, & re-
 nouaturus gloriam Templi
 illius, per ingressum ac præ-
 sentiam Filij sui, iuxta illud:
Ecce ego mitto Angelum Mala-
meum , & præparabit viam 3,
ante faciem meam . Et sta-
tim veniet ad Templum
suum dominator quem vos
queritis , & Angelus Testa-

menti quem vos vultis .
Agg. 1 Itemque Veniet desideratus
 cunctis gentibus : & implebo
 domum istam gloria . Cum-
 que responsum accepissent
 à Spiritu Sancto , horam
 adesse vicinam . Quanta
 iucunditate ! quanto desi-
 derio illam expectauerint .

Postquam vero Dei Fi-
 lium, Maternis vlnis Tem-
 plo iam inferri cognouere.
 Quanto ardore ! æstuque
 accurrerunt ! Acceptum in
 vlnas suas strinxerunt ;
 Deum ac Dei Filium bene-
 dixerunt . Felicitate illa
 sua fruentes , omne terre-
 num exosi , in mortem pa-
 ratissimi , dimitti in pace
Luc. 2, postularunt !

2 Age Anima Tem-
1. Cor. plum Dei estis vos , inquit
3. Apostolus . Nunquid non
 desolatum ! Inspice , qui
 or-

ornatus virtutum ? quæ , &
 Cui, super Altare cordis tui
 quotidie fiant sacrificia ?
 Abominatio desolationis !
 Nonne pristinam innocen-
 tiæ (in qua per Baptismum
 Deo consecrata , dedicata-
 que es primò) desideras
 gloriam ? Nonne optas
 Christum ex vlnis Simeo-
 nis, in tua demitti ; in eiuf-
 que præsentia , immo com-
 plexu, cum Simeone sancte
 feliciterque mori !

3 Ecce felicitas præ-
 foribus . Ecce mittit Do-
 minus Angelum suum, (Sa-
 cerdotem intelligo) Eucha-
 ristiam porrigentem . Et
 statim veniet ad te domi-
 nator, quem tu quæris . Ve-
 niet *desideratus cunctis gen-
 tibus* , & *implebit domum
 tuam gloria* . Tunc cum
 Simeone receptum in vl-

nas, Cordi apprimas. Tunc
 Naufeanti, omne quod ter-
 renum quod vanum est ani-
 mo, nihil præter illum vo-
 les & appetes : *Ps. 72.* *Quid mihi*
est in Cælo, & à te quid volui
super terram. Deus cordis
mei & pars mea Deus. Tunc
 præmissis actibus Fidei vi-
 uæ, Spei certæ de vita æter-
 na, Amoris ardentissimi ;
 pleno cordis ore, occines
 Canticum laudis, gratiarum
 actionis, Resignationis Ani-
 mæ, Vitæ, & Corporis, in
 manus Domini : *Nunc, in-*
Luc. 2. *quies, dimittis. seruum tuum*
in pace. Quia viderunt ocu-
li mei salutare tuum. Lumen
ad reuelationem Gentium, &
gloriam plebis tuæ.

Suauiterque ac piè Chri-
 sto immoriens, Dabis ope-
 ram; vt illa saltem die, Do-
 minum à te non dimittas ;

ne-

neue committas aliquid,
quod Quietem Animæ tuæ,
tunc, & in hora mortis in-
terturbare posset. Viue
illa die, tanquam eadem
moriturus.

§. V.

DIE QUINTA.

I COMITARE Luc. 22

C Christum ascen-
dentem Hierosolymam ad
Cænaculum vsque, & cum
eodem ingressus: obserua
grande desiderium ipsius,
sefe hominibus communi-
candi, & inuiscerandi:
*Desiderio inquit desidera-
ni hoc Pascha manducare
vobiscum, antequam patiar.*
Cumque manducare cæpif-
set, quo Amore se insinua-
uerit: Corpus & Sangui-

O 2

nem

nem suum distribuerit!
 Corda verò singulorum sub-
 ingressus, eadem comple-
 xus, sese ijs vniuerit, in se
 transformauerit.

2 Et non inardesces
 non desiderio desiderabis
 Manducare Pascha cum eo-
 dem? tam benigne inuitan-
 te: *Accipite, manducate, Hoc*
est Corpus meum. Hoc facite
in mei commemorationem.

Cumque mensæ illius
 accubueris, se ipsum tibi se
 porrigentem miratus fue-
 ris, porrectum amanter
 subintrantem receperis:
 Nonne eidem toto corde
 adhærebis? amorem amo-
 re repones? Nonne vi-
 cissim, Hoc Corpus, hoc
 Cor & animam tuam eidem
 trades? plenoque Spiritu
 effundes? Sed & simul
 10. 13. petes: vt sicut olim suos,
 ita

ita & te diligat in finem ,
 nec sine vfu huius Sanctif-
 fimi Viatici, te patiatur di-
 fcedere ex hac mortalitate.
 Verum, ficut ipfe difceffu-
 rus, fe reliquit in Sacramen-
 to Discipulis; ita tibi è Cor-
 pore hoc difceffuro, fe ad-
 iungat Comitem , Ducem-
 que itineris ad æternita-
 tem,quam ingredieris. Quod
 ipfum vt impetres :

3 Vide ne in arduis &
 difficultatibus huius vitæ ,
 eo relicto in diuerfa (impa-
 tientia, vel vanitatis , ac
 folationum mundi) abeas ;
 fed viam dilectionis infiftas
 illam, quam monftravit di-
 cendo : *Qui diligit me Io 14.*
mandata mea feruat .

O igitur diligam te Do- pi. 17.
 mine virtus mea . Dominus
 firmamentum meum & refu-
 gium meum . Deus meus

O 6 adiu-

adiutor meus, & sperabo in
 eum. Protector meus &
 cornu salutis meae, & susce-
 ptor meus. Doce me face-
 re voluntatem tuam. Pa-
 ratum cor meum Deus, para-
 tum cor meum. Iuravi &
 statui custodire iudicia iusti-
 tie tue. Iustificationes tuas
 custodiam, non me derelin-
 quas usquequaque. In to-
 to corde meo exquisivi te, ne
 repellas me à mandatis tuis.
 In corde meo abscondi elo-
 quia tua, ut non peccem tibi.
 Benedictus es Domine, do-
 ce me iustificationes tuas.
 Da mihi intellectum, & scru-
 tabor legem tuam; & custo-
 diam illam in toto corde meo.
 Deduc me in semita manda-
 torum tuorum, quia ipsam
 Volui. Inclina cor meum in
 testimonia tua, & non in aua-
 ritiam. Auerte oculos meos
 ne

*ne videant vanitatem, in via
tua viuifica me . Et custo-
diam legem tuam semper in
saeculum, & in saeculum saeculi.*

Ne autem conuincaris ,
lingua solum diligere, &
non re & veritate ; operi
te accinge . Ama in verita-
te. Signa veri Amoris sunt :
Velle se vnire, & fieri
idem cum amato . Facere
bene ac communicare bona
sua eidem . Meminisse
semper amati . Velle ei-
dem semper placere, & quae
ei placita sunt prompte fa-
cere . Velle semper esse
cum amato, eumque habere
praesentem .

Hæc præstat Christus in
SS. Sacramento . Fit cibus,
vt tibi quodāmodo incor-
poretur . Dat seipsū ac om-
nia sua, Sanguinem, animā,
vitam, merita, Intra te posi-
tus,

tus, tui obliuisci nequit .
 Quæ non fecit facitque, vt
 Mat. in te sui gustum excitet .
 28. Tecum vt esset & cum alijs,
 vsque ad consummationem
 sæculi; speciebus se illiga-
 uit Sacramentalibus . Sem-
 per tecum est , si tu eum
 semper adesse velis mandu-
 cando .

1. Cor. Reciproca igitur Amo-
 6. rem . *Ahabere Deo*, non
 verò transitorijs ; & eris
Vnus cum eo spiritus . Non
 illi te subtrahe , cuius es
 creatione, redemptione, san-
 ctificatione; & donasti satis.
 Fac omnia in eius memo-
 riam, honorem, & gloriam.

Io. 8. Fac dicere possis: *Ego quæ
 placita sunt ei, facio semper* .
 Non enim ignoras quæ
 placita sunt . Præsentem
 fac habeas per gratiam
 semper, per sumptionem.

SS.

SS. Sacramenti frequenter.
per desiderium ac Commu-
nionē spirituales frequen-
tissime: idque constanter, ac
in vitæ tuæ finem.

§. VI.

DIE SEXTA.

VERSARI pote-
ris cogitatione
in *Bethania*, domo *Marthæ* Io. 11.
& *Mariæ*, decumbente ad
mortem *Lazaro*. Quantum
inibi studium! quanta so-
licitudo! quantum deside-
rium impetrandæ sanitatis.
Qui Nuntij, quæ instantiæ
ad Dominum, ut veniret, ut
sanaret. Sero quidem li-
cet venerit; nihilominus
quo Amore, qua teneritu-
dine receptus, introductus!
Suscitato, sanato *Lazaro*,
qua

qua gloria ; qua gratiarum
actione celebratus ! Hæc
ibi .

2 Ad te regressus fit o
Anima . Bethania, etiam,
domus Afflictionis dicitur .

Nunquid Bethaniam do-
mi tuæ inueneris ? Omnia-
ne tibi læta , sana ac inte-
gra ? Nullæ animi afflictio-
nes, infirmitates , debilita-
tes ? *Afflictus sum & hu-*
ps. 37. *miliatus sum nimis , rugie-*
bam à gemitu cordis mei .
Non est sanitas in carne mea,
non est pax ossibus meis, à fa-
cie peccatorum meorum , di-
cebat de se Psalter Regius .

Dixeris credo & tu, non
minus è vero, quam afflicti
cordis sensu : *Infirmata est*
ps. 30. *in paupertate virtus mea .*
Sana me Domine , quoniam
conturbata sunt ossa mea .
ps. 6. *Sana animam meam quia*
pec-

peccavi tibi.

3 Vis igitur Sanus fieri. Et non desiderabis Medicum? Non ardentem simul ac fidentem accurre cum illa, quæ dicebat cum grandi fiducia: *Si tetigero tantum vestimentum eius, salva ero.* Cumque tibi Corpus & Sanguinem suum, ceu remedium contra languores propinauerit, Omnia vulnera sua ad sanandum te aperuerit; Tu apposito cordis & amoris ore, nonne inde sanitatem, ac robur? nonne vigorem animi suxeris? Certa sis fiducia: *Sanguis I E S U I. Io. 1* Christi Filij Dei, emundabit te ab omni iniquitate. Sanabit te ab infirmitate. Viues. Non morieris in æternum. Inde igitur exultabunda cum gratijs:

For-

ps. 117. *Fortitudo inquires, & laus
mea Dominus, & factus est
mihi in salutem. Saluum
me fecit, quoniam voluit me.*

ps. 22. *Saluasti de necessitatibus Ani-
mam meam. Exaltabo te
Domine quoniam suscepisti
me, nec delectasti inimicos
meos super me. Domine
Deus clamavi ad te, & sana-
sti me. Psallite Domino san-
cti eius, & confitemini me-
morie sanctitatis eius.*

Vide autem, ne postea-
quam tam pretioso Corpo-
ris & Sanguinis, tam ope-
roso Passionis & merito-
rum ac Vulnerum Christi
remedio, pulsus morbis, vi-
gorem receperis; iterum
voluntarie, morbos & in-
firmitates adsciskas. Tibi
quoque à Christo dictum,
Ioa. 5. *intelligas: Ecce sanus fa-
ctus es, iam noli peccare; ne
de-*

deterius tibi aliquid contingat. Cumque Memoria Nouissimorum sit, quæ fa- Eccl. 7
cit non peccare: Mortis, Passionis Christi, ac tui obitus simul Memoriam (si quādo, illa die vel maxime) frequentem facies. Sit & illius diei Communio, in Christi commemorationem.

§ VII.

DIE SEPTIMA.

MEMORIA *repetes Tri-*
duum Mortis Christi, quo mæsti, & huc illucque dispersi Apostoli; triste illud, desperabunde ingeminabant: Nos autem speraba- Lu. 24
mus, quia ipse esset redempturus Israel. Simul cogitabis, Quanto interim,
de-

desiderio ! quanta spes
 expectauerit Resurrectio-
 nem Filij, Mater Domini !
 quam ardentem (tum ad
 erigendos Apostolos; tum
 ad gloriam Filij sui) instite-
 rit, pro acceleranda glorio-
 sa resurrectione ! quantis
 suspirijs ingeminauerit il-
 lud : *Exurge gloria mea,*
Ps. 36. *exurge psalterium, & cythara.*
 Cumque voti sui compos
 Mater, & ipsa Prima redi-
 uiuum habere, salutareque
 meruisset ; & eundem post,
 in medio sui stantem vidis-
 sent Apostoli : Quantis ani-
 mis ! quanto gaudio sola-
 tioque repleta omnia ! tum
 ob deuictam mortem ac glo-
 riam resurgentis ; tum ob
 certam spem Resurrectionis
 olim propriæ, tanto soli-
 datam, in Capite suo quod
 præcessit argumento . . .
 Age

2 Age, Lætantibus te
 inferam vis, ò Anima?
 Prius te siste tristioribus.
 Omniane tibi serena ac
 lucida? semperne Pascha?
 an quandoque sexta Para-
 sceues feria? Nullæ tibi
 nubes? nulla tristia? nullæ
 vicissitudines? acerbitates,
 afflictiones animi? Pluri-
 mæ inquires. Igitur solatio
 indiges, ac illud appetis.
 At vnde consultius petes,
 quam ab eo; Qui solus est:
Pater misericordiarum, & **1 Cor.**
Dæus consolationis; ab eo: **1.**
Qui consolatur nos in omni
tribulatione nostra. Quam
 à spe certa, futuræ olim glo-
 riosæ Resurrectionis tuæ;
 quâ fretus, in duris & ar-
 duis tristibusque, te animâ-
 re possis dicendo cum Apo-
 stolo: *Non sunt condignæ* **Ro. 8.**
Passiones huius temporis ad
fu-

futuram gloriam quæ reuelabitur in nobis. Quando hoc corruptibile, induet incorruptionem. . Certitudinem

spei huius desideras? En, pignus gloriæ, simul ac gloriosæ resurrectionis; Corpus & Sanguis Domini:

Io. 6.

Qui manducat inquit meam carnem & bibit meum sanguinem; habet vitam æternam, & ego resuscitabo eum in nouissimo die. Hoc spei tuæ firmamentum, non arripies gaudenter? non seruabis diligenter in corde tuo? Non cum omni fiducia, & spei firmitate (recepto glorioso Christi corpore) plenus gaudio ac expectatione futuræ gloriæ:

Iob 19 *Credo inquires quod Redemptor meus uiuit, & in nouissimo die de terra surrecturus sum; Et in carne mea uidebo*

*bo Deum Salvatorem meum?
Credo videre bona Domini
in terra viventium.*

3 Exinde igitur, omnibus mundi vicissitudinibus superior effectus; *fac con-* Phil 3.
*uersatio tua sit in Calis. Vnde Salvatorem expectamus Domini-
num nostrum I E S V M Christum, qui reformabit Corpus humilitatis nostræ, configuratum corpori claritatis suæ. Non immemor tamen illius; ad quod ruminandum te commonet Apostolus: Ad cognoscendum illum, & Virtutem resurrectionis eius, & Societatem Passionum eius, Configuratus morti eius. Si tamen compatimur, ut & conglorificemur. Ergo: Communicantes Christi Passionibus gaudete; ut & in reuelatione gloriæ eius, gaudeatis exultantes.*

Ad
Phil.
3.

Ro. 8.

1. Pet.

4.

Hæc

Hac spe, hac cogitatione armatus : quomodo non ad omnia aduersa, dura, ac difficilia resolutus, eadem in certamen vocare audeas ! quomodo in Christi (Sacramentaliter tibi præsentis) assistentia, non tu quoq; magna attentes cum Paulo, dicasq; prouocando : *Quis nos separabit à Charitate Christi ? tribulatio an angustia ? persecutio , gladius . Sit & tibi, eadem quæ Paulo Conclusio : Certus sum, quia neque mors , neque vita , neque instantia , neque futura, neque creatura alia poterit nos separare à Charitate Dei , quæ est in Christo IESU Domino nostro .* Dictum est : sit & factum . Vel hac potissimum, qua dixisti, Communionis die .

CAP.

CAP. X.

*Alia magis practica ei-
dem fini subser-
uientia .*

IVcunda quidem ea, quæ proprio parta veniunt labore; proinde & Affectus, qui prævio profluere ratiocinio. Cæterum, quia plerisque nec tantum temporis, immo nec suppetit studij aut virium, ut proluxioribus sese impendant Considerationibus: Hinc pauculas, vſitatorum affectuum, hic appono Præxes; quibus Communicaturi deuotionem suam fouere possint, aut excitare.

P

An-

Ante Communionem.

PRIMA.

O Mmnipotens æternæ
 Deus, Pater clemen-
 tissime, & Pastor animæ
 meæ, quem adoraturus &
 recepturus venio in SS. Sa-
 cramento. Quam mundam,
 quam puram, deuotam,
 sanctam esse oporteret Ani-
 mam meam; vt appropin-
 quare mereretur tibi Crea-
 tori, Deo immenso, quem
 cæli cælorum non capiunt,
 cuius pulchritudinem Sol
 & Luna mirantur, ad cuius
 conspectum contremiscunt
 Angeli. Nunc autem be-
 nignissime Domine, in om-
 ni veritate vt agnosco; ita
 & confiteor nuditatem,
 pau-

paupertatem, abominatio-
nes, peccata, & scelera mea.
O quanta! quam grauiam!
quibus non mensam, non
Corpus & Sanguinem; sed
iustissimam iram tuam me-
rui. Indignus proinde, qui
oculos meos leuem ad te.

Verumtamen, quia tanta
est indigentia; quanta & in-
dignitas mea! Quis dabit
capiti meo aquam, & oculis
meis fontem lacrymarum,
ut defleam peccata mea,
placem iram tuam; meque
disponam ad gratiam Cor-
poris & Sanguinis tui.

Tu o Deus meus (quem in
SS. Sacramento vere ac rea-
liter praesentem credo &
confiteor) etiam de petra
producis aquas; percutere
saxeum cor meum, perfecte
contritionis & amoris tui
iaculo, ut fluant lacrymae

pœnitentis animæ. Te
 æstimo, te amo super om-
 niā. Doleo quod te vnum,
 summum bonum offende-
 rim. Parce, miserere, da
 remissionis gratiam.

Tibi fonti misericordiarum
 aperio vulnera mea; Tibi
 qui solus mundare potes
 conceptum in peccato, & de
 immundo mundum facere,
 de peccatore iustum & san-
 ctum, Tibi aperio mala &
 misérias meas; Tu pretio-
 so sanguine, fuso in redem-
 ptionem animæ meæ; laua,
 purifica, munda me ab om-
 ni iniquitate mea. Sana,
 illumina, orna me; vt cum
 fuero mundatus, ornatus
 veste Nuptiali gratiæ tuæ,
 cum timore & tremore,
 cum humilitate & amore,
 cum proposito, & intentio-
 ne congrua salutis meæ, te

re-

recipiat anima mea: tecum
 sic vniatur, vt nunquam à
 te recedat, tibi feruiat, te
 amet; te demum facie ad
 faciem perfruatur in glò-
 ria.

SECUNDA.

Quo accedo, quo pro-
 pero ò Anima? Ad
 sacrum Altare, ad locum
 sanctum & terribilem, in
 quo Deus descendit ad me,
 & ego ascendo ad illum.
 Illum sanctum, iustum, om-
 nipotentem. Ego immun-
 dus, peccator, nihilum.

O Sancti Angeli ministri
 Altissimi, diligentissimi ad
 faciendam Voluntatem ip-
 sius, solliciti de bono & sa-
 lute animarum. Tu in pri-
 mis Sancte mi Angele Cu-
 stos; per gloriam qua frui-

mini in Cælo, per amorem
quo ferimini in vestrum &
meum Redemptorem; du-
cite, dirigite me: vt digne
accedam & Communitem .
ad gloriam & laudem ip-
sius, ad vtilitatem meam, &
totius Ecclesiæ suæ fan-
ctæ .

O Sancti, & Sanctæ Dei,
specialiter vos Patroni mei,
nunc potissimum orate pro
me, & impetrate mihi a-
bundantiam doloris & la-
crymarum, puritatem ani-
mæ, aliasque virtutes ac or-
natus animæ, quibus digne
compaream in conspectu
eius.

O purissima & sanctissi-
ma Virgo, quæ in tantum
placuisti Dei Filio, vt eum
amore tui è sinu Patris, in
tabernaculum Virginalis v-
teri detraxeris, vtque di-
gnum

gnum eius fieres habitaculum, Spiritu Sancto cooperante præparata sis; fac sanctissima tua intercessionem ac meritis, ut Cor meum, eundem, digno recipere mereatur habitaculo.

O Spiritus diuinissime,
Te inuoco, te oro. O consolator optime dolentis Animæ. Pater orphanorum, mundator cordium, Sanctificator Animæ. Tu qui supra omnes creaturas sanctificasti Virginem, ut dignè conciperet Saluatorem. Qui dulciter præparasti corda Discipulorum, ad aduentum Tui. Veni & præpara animam meam, cor meum, potenti Virtute tua ac donis tuis; ut euadam viuum ac dignum Templum Dei viui & veri, in sancta appropinquantis Communio-

P 4 ne.

ne. Veni Sancte Spiritus,
& emitte cælitus lucis tuæ
radium.

O æternæ Pater, Pater
misericordiarum, cui pro-
prium est misereri & parce-
re. Scio equidem, quod
Sanguis Filij tui, multo po-
tentius quam Abelis, cla-
met contra me rebellem,
mandatis tuis, ingratum,
tuis beneficijs. Sed ecce
adsto compunctus ac do-
lens: Propitius esto mihi
peccatori. In satisfactio-
nem tuæ Iustitiæ & offen-
sæ bonitatis; offero vitam,
merita, passionem & mor-
tem eiusdem Filij tui.
Recipe me in tuam gratiã,
purifica, ablue, admitte ad
mensam tui Unigeniti.

O Bone IESV, te ipsum
vt præsentem credo, ita
precor Deum & hominem,
Fi-

Filium Virginis, Summum
Sacerdotem, Iudicem vi-
uorum & mortuorum. Qui
obtulisti Deo Patri Ho-
stiam immaculatam in Al-
tari Crucis, pro nobis pec-
catoribus; dedisti carnem
tuam in cibum, & sangui-
nem in potum dicendo :
Hæc quotiescunque feceri- **Matt.**
tis, in mei memoriam fa- **15,**
cietis. Te supplex oro per
ineffabilem charitatem, &
per Sanguinem tuum pre-
tiosum, grande pretium sa-
lutis meæ, benigne exaudi
me.

IESV, liberalissime Do-
mine & Saluator mi, qui in
Mundo versatus, ad te vo-
care dignatus es: Venite
ad me omnes. En ego pau- **Matt.**
per mendiculus tuus: Re- **15,**
fice me. IESV, pietissi-
me Pater, qui inuitas om-
nes.

Pro. 9 nes: Venite, comedite panem meum. En ego pauper famelicus; ciba me.

Can 5 IESV, Amator omnium, dicens: Comedite amici, & bibite, & inebriamini charissimi. En sitibundus ego, Inebria me amore tui.

Hæc tua illicia, hæc inuitamenta, erigunt & attrahunt me; vt ausim accedere ad hoc tuum SS. Sacramentum, Panem vitæ.

Confiteor equidem indignitatem meam, ac indispositionem qua te recipio. Toties autem recipiendo, quod nam in me augmentum gratiæ, & amoris tui? in quo melior effectus? vitam meam emendavi? Imperfectus, peccator, vt ante.

Mat. 8. Non igitur sum dignus vt intres sub tectum meum.

Confiteor me Adamum il-

illum inobedientem, nudum, fugitium. Sed o bone DEVS, ne proijcias me à facie tua. Sum prodigus ille Filius, qui reliquit bonum Patrem, vt satisfacerem prauis inclinationibus ac voluntati meæ. Vnde non sum dignus amplius vocari Filius tuus. Tamen redactus ad extremam illam miseriam, vt fame peream; redeo intra me pœnitētia, ad te reducor amore. Scio, quod quidem sis Deus meus; sed tamen, etiamnum Pater meus; Paterna igitur erga perditum retines viscera: Hinc te præeunte, à te postulo: Pater noster, Panem nostrum, quotidianum, da nobis hodie.

Sum Publicanus ille, indignus qui leuem oculos in

Luc. 18 Cælum . tamen Tu Deus ,
 propitius esto mihi peccatori . Sum miserabilis , seruus & mancipium vanitatis , inordinatarum Passionum mearum , pauperrimus , absque meritis , iniquitate plenus . Tu es Dominus , omnipotens , Pater misericordiarum , Deus dignus omni honore . Tua gratia suppleat defectum meum , tua misericordia ignoscat peccatis meis , sanguis tuus abluat , emundet me ; tuus spiritus præparet me , tua merita ornent , vt dignè recipiam te .

IESV IESV te desidero .
 Desiderat anima mea ad te .

I E S V . propter bonitatem tuam Veni . Veni dilecte mi & me subleua ad te , vt fruam te . Cumque caro tua sit cibus , Sanguis tuus

tuus vere potus ; Pauper
hic ac esuriens, qui man-
ducat te, viuat propter te,
viuat in æternum. IESV
sis mihi IESVS.

§. II.

In, & post Communionem.

PRIMA.

O Bone IESV, Domi-
ne, Deus, Creator,
Saluator mi; millies te sa-
luto, millies ac millies bene
veneris in hanc pauperem,
angustam, ruinosam do-
munculam Animæ meæ.
Te desideravit anima mea,
te quæsiuit & inuenit. In-
gredere ò benedicte Domi-
ni, summum bonum; possi-
de, quiesce in medio cordis
mei: non amplius meo, sed
to-

toto Tuo . Ibi compatere
 necessitatibus meis , exaudi
 orationem meam . Deus,
 vnicum bonum meum, Re-
 nuntio tui amore, omni al-
 teri amori ac Bono . Infi-
 nities tibi ago gratias . In-
 uito omnes Creaturas in
 Cælo & in terra, vt laudent
 mecum , benedicant , gra-
 tias agant infinitæ bonita-
 ti tuæ ; pro grandi hoc
 dono, diuitijs , ac ineffabili
 misericordia . qua in tan-
 tum demisisti , vilificasti te;
 vt descenderes ad me , ve-
 nires , intrares : te ipsum,
 in cibum ac potum dares,
 diuinitatis tuæ participem,
 efficeres me. Quid retribuā
 tibi Domino, pro omnibus
 his quæ retribuisti mihi .
 En procidui ad diuinos
 pedes tuos , recepto Calice
 salutis meæ , cum Prophe-
 ta

ta Nomen tuum Sanctum
 inuoco, & tibi offero hoc
 Sanctissimū Sacramentum,
 compendium tuorum om-
 nium mirabilium, memo-
 riale Passionis tuæ; in sup-
 plemētum paupertatis meæ,
 in satisfactionem pro pec-
 catis meis ac totius Mundi.
 Ultra hoc quod retribuam,
 non inuenio. Tu tibi so-
 lus sufficis. Te tibi dignus
 es. Si tamen non despicias
 etiam paupertatem meam:
 En, in simplicitate cordis
 mei, lætus tibi offero cor, &
 ardentissimum affectum
 meum. Suscipe me ipsum
 in seruum perpetuum, re-
 demptum olim pretioso
 sanguine tuo, hodie refe-
 ctum Sanctissima humani-
 tate tua.

O Pater clementissime,
 tibi hic in medio cordis mei
 sito,

sito, supplico; dimitte omnia peccata mea, corrige errores, libera à pœnis: fac benignitatem ac pacem, cum anima mea quam elegisti, vt habitares in ea. Nulli alteri in æternum pateat. Tu solus Sanctus, tu solus Dominus, tu solus altissimus, sis ac Regnes in ea. O Pastor bone non permittas, vt amplius tibi per peccatum pereat erratica hæc ouis; sed sequatur te, audiat in omnibus vocem ac Voluntatem tuam.

O Deus cordis mei, Amor tui totum me possideat. Præcepisti vt te diligerem ex toto corde, ex tota Anima, & ex totis viribus; da vt obediam in omnibus ac feruem mandata tua: nihil velim, nihil desiderem, nihil amem nisi te,

te, & propter te. Fac misericordiam mecum. Sed & cum omnibus, quos pretioso sanguine redemisti. Exalta Sanctam Ecclesiam tuam; prouide necessitatibus, eradicando Schismata ac Hæreses. Illumina omnes Infideles. Conserua pacē inter Principes Christianos. Succurre omnibus tribulatis. Consolare afflictos, amicos & inimicos meos. Da omne desiderium ijs pro quibus orare teneor, volo; & tu vis vt orem. Concede Viuis veniam, Defunctis requiem, omnibus nobis vitam æternam.

SECUNDA.

O Domine, quanta dignatio, quanta humi-
li-

litas tua ! Diuertere dignatus es, ad vile ac pauperrium tuguriolum Animæ meæ . Sic non erat satis amori tuo , vt nascereris in stabulo ! Ingressus es , ac toties ingrederis , hanc tenebricosam, abominabilem speluncam peccatricis Animæ meæ : Non peri gratiam modo , sed dignissimam , realem , præsentiam tuam . Vnde hoc mihi quod inuenerim gratiam in oculis tuis ! . Ioannes Præcursor tuus , non erat dignus soluere corrigiam calceamentorum tuorum . Petrus reuerenter petijt : Exi a me

Lu. 3.

Domine quia peccator sum.

Luc. 5.

Quid dicam ego hodie ? cum te præsentem , cum sedentem in profanati cordis mei latibulo video , admiror , & gaudeo de te .

Q

O IESV Domine virtutum, Rex gloriæ, quomodo non horruisti immundum cor & animam meam? ò bonitas, ò charitas, ò misericordia gloriosissimi Domini mei.

Vt vel tantillum respondeam tanto Amori tuo mi Deus. Te cum omni abyssali profunditate Cordis mei Adoro. O Veritas incomprehensibilis, Persona diuina, Fili æterni Patris. Te stringo cordialiter. O IESV misericordia mea, salus & vita mea, hæreditas & possessio mea, cibus & refectio, thesaurus, diuitiæ, & omne bonum meum: Vtinam totus in laudem & amorem tui eliquer ac diffluam. Te laudo, benedico, gratias ago Redemptor animæ meæ, toto corde,
ani-

anima, & viribus meis; quia
 visitare dignatus es hanc
 ingratham creaturam tuam .
 Ingrata quidem laus ex ore
 peccatoris, & labijs polluti-
 tis; Suppleant igitur pro
 me vniuersa, nec cessent
 laudare te. **ps. 106.** Laudate Do-
 minum omnes gentes, lau-
 date eum omnes populi .
 Quoniam confirmata est
 super nos misericordia eius,
 & veritas Domini manet in-
 æternum . Laudent te om-
 nes Sancti & Electi tui .
 Magnificate Dominum me-
 cum & exaltemus nomen
 eius. **ps. 33.**

Quid autem retribuam
 tibi, pro his omnibus, quæ
 cum tua diuinissima ditif-
 simaque præsentia retribu-
 isti mihi ! Quantum possum,
 totum me tibi do ac tribuo .
 Irreuocabilis sit donatio,
 qua

qua me totum tibi configno, do, dedico. Dispone de me iuxta beneplacitum tuum. Mi Domine, suscipe totam libertatem meam, accipe memoriam, intellectum, voluntatem. Quidquid habeo tu mihi largitus es, id totum tibi restituo, & tuæ voluntati trado gubernandum: solum amorem tuum, cum gratia tua mihi dones, & sum satis diues.

Scio quod amor tuus locum in me non inueniet, nisi prius eieceris de me, id quod tibi displicet. Eijce igitur, vel cum benignæ correctionis flagello, omnem malitiam, iram, inuidiam, acediam. Fac, procul à me sint Mundi & Carnis desideria, vana eius illicia. Cor mundum, cor nouum, crea in me Deus; sic esse

po-

potero semper obediens Filius, seruus fidelis.

O dulcis IESV, exaudi desiderium, orationem, & planctum meum. Si vnusquisque desiderabat tangere te; eo quod virtus exhibat & sanabat omnes. Ego totum te recipio, corde ambio: virtus igitur tua, sanet omnes infirmitates meas, tepiditatem & languores meos; vt nouo feruore ac viribus seruiam tibi. O IESV, via, veritas, & vita es; non à te vnquam deuiem, non discedam à te. Tecum, in te, & per te ambulem; donec veniam ad montem sanctum tuum. O IESV, custodi & defende me; ne vnquam committam, quod me separet à te.

Hæc, conformiter ad
Manuductionem simplicium
adie-

359
adiecta sunt. Quæ si tem-
pori & deuotioni explen-
dæ non sufficiunt, en plura,
eaque à viro secundum Cor
Dei fructuose adhibita.

CAP. XI.

PRAXIS DAVIDICA.

Qua quidem Psaltes
Regius varijs in cir-
cumstantijs: Tu
Communione tempore uti
poteris. Atque adeo.

§. I.

ANTE COMMUNIONEM.

I.

Affectu Pœnitentis.

Deus tu scis insipientiam
meam

pl. 68. meam, & delicta mea à te
non sunt abscondita .

30. Quoniam iniquitatem
meam ego cognosco, & pec-
catum meum contra me est
semper . Tibi soli peccaui
& malum coram te feci .

31. Delictum meum cogni-
tum tibi feci, & iniustitiam
meam non abscondi . Dixi:
confitebor aduersum me in
iustitiam meam Domino, &
tu remisisti impietatem pec-
cati mei.

37. Non est sanitas in carne
mea à faciæ iræ tuæ; non
est pax ossibus meis, a facie
peccatorum meorum. Quo-
niam iniquitates meæ su-
pergressæ sunt caput meum,
& sicut onus graue grauata
sunt super me . Putrue-
runt & corruptæ sunt cica-
trices meæ . Miser factus
sum & curuatus sum vsque
in

in finem tota die contristatus ingrediebar . Quoniam lumbi mei impleti sunt illusionibus , & non est sanitas in carne mea . Afflictus sum & humiliatus sum nimis, rugiebam à gemitu cordis mei . Domine ante te omne desiderium meum, & gemitus meus à te non est absconditus.

Exitus aquarum deduxerunt oculi mei, quia non custodierunt legem tuam. 118.

Iniquitatem odio habui , & abominatus sum ; legem autem tuam dilexi.

Odiui Ecclesiam malignantium , & cum impijs non sedebo . 25.

I I.

Affectu veniam supplicantis :

Reminiscere miserationum 29.

Q num

num tuarum Domine, & misericordiarum tuarum, quæ à sæculo sunt. Delicta Iuuentutis meæ, & ignorantias meas ne memineris.

Propter nomen tuum Domine propitiaberis peccato meo, multum est enim. Vide humilitatem & laborem meum, & dimitte vniuersa delicta mea. Delicta quis intelligit? ab occultis meis munda me Domine, & ab alienis parce seruo-tuo.

35. Misere mei Deus, secundum magnā misericordiam tuam. Et secundū multitudinem miserationum tuarū, dele iniquitatem meā. Amplius laua me Domine ab iniquitate mea & à peccato meo munda me. Asperges me Domine hyssopo & mundabor, lauabis me & super niuem dealbabor.

Auer-

Auerte faciem tuam à peccatis meis, & omnes iniquitates meas dele. Cor mundum crea in me Deus, & Spiritum rectum innoua in visceribus meis. Libera me de sanguinibus Deus Deus salutis meæ, & exultabit lingua mea Iustitiam tuam.

Si iniquitates obseraueris Domine, Domine, quis sustinebit. Quia apud te propitiatio est, & propter legem tuam sustinui te Domine. Quia apud Dominum misericordia, & copiosa apud eum redemptio. Et ipse redimet Israel, ex omnibus iniquitatibus eius.

Domine ne memineris iniquitatum nostrarum antiquarum, cito anticipent nos misericordiæ tuæ; quia pauperes facti sumus nimis.

Q² Adiu-

Adiuua nos Deus salutaris
noster, & propter gloriam
nominis tui Domine libera
nos, & propitius esto pec-
catis nostris, propter nomen
tuum.

Conuerte nos Deus sa-
lutaris noster, & auerte iram
tuam à nobis. Numquid in
æternum irasceris nobis?
aut extends iram tuam à
generatione in generationē.
Deus tu conuersus viuifica-
bis nos, & plebs tua læta-
bitur in te. Ostende nobis
misericordiam tuam, & sa-
lutare tuum da nobis.

36. Ne auertas faciem tuam
à me, ne declines in ira à
seruo tuo.

50. Ne proijcias me à facie
tua, & Spiritum sanctum
tuum ne auferas à me.

39. Que utilitas in sāguine meo
dū descendo in corruptionē.

Illustra faciem tuam super seruum tuum, saluum me fac in misericordia tua.

Ab omnibus iniquitatibus meis erue me. 34.

III.

Affectu, Emendationem, & observantiam legis diuinae promittentis.

Iuravi & statui, custodire iudicia Iustitiæ tuæ. 118.

Paratus sum & non sum turbatus, vt custodiam mandata tua. Portio mea Domine dixi custodire legem tuam. In toto corde meo abscondi eloquia tua, vt non peccem tibi. In mandatis tuis exercebor, & considerabo vias tuas. Et custodiam legem tuam semper in seculum sæculi.

Domine deduc me in 5.

Q₃ iu-

iustitia tua propter inimicos meos, dirige in conspectu tuo viam meam.

24. Dirige me in veritate tua & doce me, quia tu es Deus Saluator meus, & te sustinui tota die.

25. Deduc me Domine in via tua, & ingrediar in veritate tua; lætetur cor meum, vt timeat nomen tuum.

26. Illumina oculos meos ne vnquã obdormiam in morte: ne quando dicat inimicus meus, præualui aduersus eum. Quoniam tu illuminas lucernam meam Domine, Deus meus illumina tenebras meas.

27. Doce me facere voluntatem tuam, quia Deus meus es tu.

28. Perfice gressus meos in semitis tuis, vt non moueantur
tur

tur vestigia mea .

Manda Deus virtuti tuæ: 67.
confirma hoc Deus quod
operatus es in nobis .

IV.

*Affectu desiderantis Christi
præsentiam .*

Quemadmodum deside- 40.
rat ceruus ad fontes aqua-
rum; ita desiderat anima
mea ad te Deus . Sitiuit
anima mea ad Deum for-
tem viuum, quando veniam
& apparebo ante faciem
Dei .

Tibi dixit cor meum: 26.
exquisiuit te facies mea,
faciem tuam Domine re-
quiram.

Deus Deus meus, ad te
de luce vigilo . Sitiuit in
te anima mea, quam multi-
pliciter tibi caro mea . In-

Q 4 ter-

terra deserta & inuia & in
aquosa, sic in Sācto apparui
tibi, vt viderem virtutem
tuam & gloriam tuam .

142. Expandi manus meas ad
te , anima mea sicut terra
sine aqua tibi . Velociter
exaudi me Domine, defecit
Spiritus meus .

34. Et nunc quæ est expecta-
tio mea, nonne Dominus ?
& substantia mea apud te
est .

15. Dominus pars hæredita-
tis meæ & calicis mei, tu
es qui restitues hæreditatem
meam mihi .

141. Clamaui ad te Domine ,
dixi tu es spes mea , portio
mea in terra viuentium .

16. Ego autem in Iustitia
apparebo conspectui tuo,
fatiabor cum apparuerit glo-
ria tua.

71. Quid mihi est in cælo
&

& à te quid volui super terram ? defecit caro mea & cor meum, Deus cordis mei, & pars mea Deus in æternum .

Memento nostri Domine 107.
in beneplacito populi tui,
Visita nos in Salutari tuo .

Ad videndum in bonitate electorum tuorum, ad lætandum in lætitia gentis tuæ, vt lauderis cum hæreditate tua .

Vt confiteamur nomini tuo, & gloriemur in laude tua .

§. II.

IN ET POST
COMMUNIONEM .

*Affectu Amantis, Gratias
agentis, laudantis, benedicens .*

Diligam te Domine for- 17.

Q 5 ti-

titudo mea , Dominus firmamentum meum & refugium meum . Deus meus adiutor meus & sperabo in eum , protector meus & cornu salutis meæ, & susceptor meus .

71. Quid mihi est in cælo, & à te quid volui super terram ! defecit caro mea , & cor meū, Deus cordis mei, & pars mea Deus in æternum .
72. Mihi adhærere Deo bonum est, & ponere in domino Deo spem meam.
62. Adhæsit anima mea post te, me suscepit dextera tua .
26. Pater meus & Mater mea dereliquerunt me , Dominus autem assumpsit me.
32. In eo lætabitur cor nostrum , & in nomine sancto eius sperauimus.
45. Dominus virtutum nobis-

biscum , fufceptor noster
Deus Iacob .

Benedic anima mea Do-
mino, & omnia quæ intra- 102.
me sūt nomini Sancto eius.
Benedic anima mea Domi-
no, & noli obliuisci omnes
retributiones eius. Qui pro-
pitiatur omnibus iniquitati-
bus tuis , qui sanat omnes
infirmities tuas . Qui re-
dimit de interitu vitam
tuam , qui coronat te in mi-
sericordia & miserationibus.
Qui replet in bonis deside-
rium tuum .

Quid retribuā Domino , 115.
pro omnibus quæ retribuit
mihi: Calicē salutaris acci-
piam, & nomen Domini in-
uocabo .

Benedictus Dominus 40.
Deus Israel a sæculo & vs-
que in sæculum; fiat fiat .

Venite, audite & narrabo 65.

Q 6 om-

omnes qui timetis Deum, quanta fecit Deus animæ meæ. Benedictus Dominus, qui non amovit orationem meam, & misericordiam suam à me.

71. Benedictus Dominus Deus Israel, qui facit mirabilia solus & benedictum nomen maiestatis eius in æternum.

110. Memoriam fecit mirabilium suorum misericors & miserator Dominus; escam dedit timentibus se.

22. Præparasti in conspectu meo mensam, aduersus eos qui tribulant me. Impinguasti in oleo caput meum, & calix meus inebrians quam præclarus est.

103. Sit gloria Domini in sæculum, lætabitur Dominus in operibus suis.

9. Confitebor tibi Domine
in

in toto corde meo, narrabo
omnia mirabilia tua.

Omnis terra adoret te, 69,
& psallat tibi, psalmum di-
cat nomini tuo.

Confiteantur tibi populi 66.
Deus, confiteantur tibi po-
puli omnes.

Lætentur, & exultent
gentes, quoniam iudicas
populos in æquitate, & gen-
tes in terra dirigis.

Exaltabo te Deus meus
Rex, & benedicam nomini 144.
tuo in sæculum, & in sæcu-
lum sæculi.

Per singulos dies bene-
dicam tibi, & laudabo no-
men tuum in sæculum & in
sæculum sæculi. Laudatio-
nem Domini loquetur os
meum, & benedicat omnis
caro nomini Sancto eius in
sæculum, & in sæculum
sæculi.

Be-

- Benedicite Domino omnes Angeli eius, potentes Virtute, facientes verbum,
102. illius, ad audiendam vocem sermonum eius. Benedicite Domino omnes Virtutes eius, ministri eius, qui facitis voluntatem eius. Benedicite Domino omnia opera eius, in omni loco dominationis eius benedic anima mea Domino.
11. Exultauit cor meum in salutari tuo, cantabo Domino qui bona tribuit mihi, & psallā nomini Dñi altissimi.
34. Omnia ossa mea dicent, Domine quis similis tibi.
83. Cor meum & caro mea, exultauerunt in Deum viuū.
- Cantabo Domino in vita mea, psallam Deo meo quamdiu sum.
106. Quia satiauit animā inanē. & animā esurientē satiauit bonis. Do-

Domine quid est homo 243.
quod innotuisti ei, aut filius
hominis quia reputas eum.

Ego autē mendicus sū &
pauper Dñs sollicitus est mei

Quis sicut Dominus Deus 112.
noster qui in altis habitat, &
humilia respicit in Cælo &
in terra.

Quoniam excelsus Domi- 137.
nus & humilia respicit, &
alta & longe cognoscit.

Non est similis tui in for- 83.
tibus Domine, & non est
secundum opera tua.

Omnes gentes quascum-
que fecisti venient, & ado-
rabunt coram te Domine, &
glorificabunt nomen tuum.

Quoniam magnus es tu &
faciens mirabilia, tu es Deus
solus.

Quam bonus Israel Deus, 72.
his qui recto sunt corde.

Quam magna multitudo 30.
dul-

cedinis tuę, quam abscondisti timentibus te. Perfecisti eis qui sperant in te .

62. Sicut adipe & pinguedine repleatur anima mea , & labijs exultationis laudabit os meum .

84. Audiam quid loquatur in me Dominus; quoniam loquetur pacem in plebem suam . Et super Sanctos suos , & in eos qui conuertuntur ad cor.

24. Dulcis & rectus Dominus , propter hoc dabit legem delinquentibus in via . Diriget mansuetos in iudicio, docebit mites vias suas .

106. Confiteantur Domino misericordię eius, & mirabilia eius filijs hominum . Confitemini Domino quoniam bonus, quoniam in sæculum misericordia eius .

Præ-

Præparationibus ac Gratiarū actionibus copiosioribus, te non occupo . Sugeret pietas & deuotionis spiritus ; immò & libri Precationum obuij .

Modos, quibus se variij in particulari præparauerint Sancti : Dionysius Areopag. S. Bonauen. ac Sanctæ Dei, Mechtildis, Gertrudis &c. pluribus inuenies in ipsorum Vitis, ac apud Patrē Fuluium Androtium, & alios . Mihi propositum erat, frequentem SS. Eucharistiæ vsum, è Christi & Ecclesiæ sensu, Sanctum ac Salubrem proponere: quod factum velim .

A. M. D. G.

INDEX CAPITVM.

CAP. I. Frequens SS. Eucharistiæ Vfus, Sanctus ac Salubris; Ex CHRISTI sensu Manifestato.

pag. 13

§.I. In illo. 1. Cor. 11. Ego enim accepi à Domino. 14

§.II. In Ioan. 6. Caro mea vere est Cibus. 20

§.III. In eodem, v. 58. Hic est Panis qui de Cælo descendit. 25

§.IV. In eodem, v. 54. Qui manducat meam Carnem.

pag. 35

CAP. II. Idem Vfus, Sanctus ac salubris; ex sensu ECCLESIAE. 59

§.I. Sensus Primorum Quinque Sæculorum. 40

§.II. Aliorum Quinque, usque ad annum millesimum.

pag. 68

Re-

§.III. Reliquorum sex Sacu-
lorum. 75

CAP.III. Requisita, ad san-
cte Frequentandam Eu-
charistiam. 93

§.I. Proponuntur Requisita
simpliciter, ad sanctum V-
sum. 94

§.II. Expenditur : Vtrum
eadem sufficiant ad Fre-
quentem usum ? . 101

CAP. IV. Determinatur
Frequentia usus SS. Sa-
cramenti . 111

§.I. Quoties Communican-
dum ex Præcepto ? . 112

§.II. Quoties Communica-
ri possit ex Consilio Pa-
trum ? . 115

Inde exortus Motus . 117

Componitur . 120

§.III. Octavo saltem quoque
die, plerisque Fidelibus .
pag. 126

Quo-

*§.IV. Quotidie Aliquibus
saltem permittenda Com-
munio . 133*

**CAP. V. Allicientia, ad
Frequentandam SS. Eu-
charistiam. 145**

*§.I. Motium ex Fide cer-
tum proponitur. 148*

*§.II. Alia itidem recensentur.
pag. 155*

**CAP. VI. Retrahentia à
Frequenti usu Eucharis-
tiæ, submota. 171**

*§.I. Periculum Iudicij ex
frequenti sumptione. 173*

*§.II. Item ex discussione
Conscientie. 184*

*Incidenter de spiritali
Communione.*

*Quid sit? Vtrum? & Quam
frequenter instituenda .
pag. 191*

*§.III. Reuerentia imminuta
ex familiaritate, 197*

De-

§.IV. *Deuotio ex frequentatione restincta.* 205

Vbi occasionaliter : Quid sit deuotio ? 213

Queritur item signanter : Sitne expectanda sensibilis deuotio ? ut quis Frequenter communicare possit. 216

Cur quandoque negetur ? pag. 218

Num semper magis dispositum ac securum reddat. pag. 225

Solidæ magis (quæ Rationalis est) insistendum. 232

§. V. *Exempla Sanctorum raro Communicantium.* pag. 238

§.VI. *Scandalum, ex vita Frequenter Communicantium.* 246

CAP. VII. *Frequentatio SS. Sacramenti Abſtinentiæ præferenda.* 254

CAP. VIII. *Congrue adhi-*

hibenda ab ijs qui frequenter, maximè qui Quotidie Communicant. 263

Et sunt .

§.I. *Præparatio.* 264

§.II. *Sumptio.* 284

§.III. *Gratiarum actio.* 287

CAP.IX. *Fomenta prædictis subseruientia.* 297

Et sunt: *Considerationes* 7. per septem hebdomadæ dies dispositæ, à Communicaturo (si libuerit) adhibendæ.

CAP.X. *Alia magis Practica, eidem fini subseruientia.* 337

Et sunt: *Orationes deuotæ, Ante, In, & Post Communionem recitandæ.*

CAP. XI. *PRAXIS DAVIDICA .*

Continet: *Affectus pios , ex Psalmis Dauidicis excerptos; qui similiter, Ante , In,*

383

In, & Post Communio-
nem fructuosè vsui esse
poterunt.

359

FINIS.

1.006.835



200-1004



